

12-13(687-688)
20.05.2023
Հրատարակվում է
1999թ. սեպտեմբերից

Ճանաչել գիտնականին եւ գիտնակ, իմանալ զբանս հանճարոյ

ԼՍՏԱՐԱՐ

Лусарар ●

ԿՐԹԱԳԻՏԱՄՇԱԿՈՒԹԱՅԻՆ ԹԵՐԹ

● Lusarar

ՔՆՆԱՐԿՎԵԼ ԵՆ ԱՐՑԱԽՑԻՆԵՐԻ ԿՐԹՈՒԹՅԱՆ ԻՐԱՎՈՒՆՔԻ ՎՐԱ ԱՐՑԱԽԻ ՇՐՋԱՓԱԿՄԱՆ ԱԶԴԵՑՈՒԹՅԱՆ ՎԵՏԵՎԱՆՔՆԵՐԸ ԵՎ ԴՐԱՆՑ ՄԵՂՄՄԱՆ ՃԱՆԱԴԱՐՆԵՐԸ



ԱՎ կառավարություն

Մայիսի 12-ին տեղի ունեցած խորհրդակցության ժամանակ ԱՀ կրթության, գիտության, մշակույթի և սպորտի նախարարության պատասխանատուների կողմից ներկայացվել են արցախցիների կրթության իրավունքի վրա Արցախի շրջափակման ազդեցության հետևանքները: Այս մասին ֆեյսբուքի իր էջում գրառում է կատարել Արցախի Հանրապետության պետական նախարար Գուրգեն Ներսիսյանը:

«Հատկապես հիմա, երբ դպրոցն ավարտելուց հետո հարյուրավոր երիտասարդներ փորձում են հիմք դնել հետագա բարձրագույն կամ

մասնագիտական կրթության, շրջափակման հետևանքով գրկված են Արցախից դուրս կրթություն ստանալու կամ մասնագիտություն ընտրելու, Արցախից դուրս միջբուհական քննություններին մասնակցելու հնարավորությունից: Նույնպիսի խնդիրների առաջ են կանգնած նաև շրջափակման հետևանքով Հայաստանի Հանրապետությունում մնացած մեր այն բաղաձայնները, ովքեր ցանկանում են կրթությունը շարունակել արցախյան բուհերում:

Խորհրդակցության ժամանակ քննարկվել են այս և մյուս խնդիրները, դրանց լուծման ճանապարհները, որոշում է կայացվել առաջիկայում քննարկումներ կազմակերպել Հայաստանի Հանրապետության կրթական ոլորտի գործընկերների հետ՝ ծագած խնդիրները լուծելու հնարավոր եղանակները, դրանցից առավել օպտիմալ ու արդյունավետ տարբերակները որոշելու նպատակով:

Արցախի Հանրապետության կառավարության կողմից ծեռնարկվելու են բոլոր միջոցները, ստեղծվելու են հնարավոր բոլոր պայմանները Արցախի երիտասարդության կրթության իրավունքի իրացման համար:

ՆՈՐԱՅՐ ՄԿՐՏՉՅԱՆ. ԱՐԴՅՈՒՆՔՆԵՐԸ ՎԱՏ ԶԵՆ, ԲԱՅՑ ԴԵՏՔ Է ԶԳՏԵԼ ԱՎԵԼԻՒՆ

Մայիսի 12-ին Ստեփանակերտի Խաչատուր Աբովյանի անվան հ. 1 հիմնական դպրոցի դահլիճում տեղի է ունեցավ 2022-2023 ուսումնական տարվա դպրոցականների առարկայական օլիմպիադայի հանրապետական փուլի արդյունքների ամփոփման և մրցանակային տեղեր գրաված մասնակիցների պարգևատրման արարողությունը:

ԱՀ ԿԳՄՍ նախարար Նորայր Մկրտչյանը, ողջունելով ներկայից, շնորհավորեց օլիմպիադային մասնակցած և մրցանակային տեղեր գրաված աշակերտներին:

«Օլիմպիադայի վերլուծության արդյունքները, սակայն, առաջ են բերում որոշ հարցեր: Ստահոգիչ է, որ «Ֆիզիկա» առարկայից օլիմպիադայի մասնակից չենք ունեցել: Կան դպրոցներ, որոնք քիչ թվով մասնակիցներ են ներկայացրել: Դետք է նշել, որ օլիմպիադան դպրոցը գնահատելու չափանիշներից մեկն է: Ուրախալի է, որ Սարտակերտի շրջանի Վաղուհաս համայնքի միջնակարգ դպրոցից 16 աշակերտ



մասնակցել է օլիմպիադային «Կենսաբանություն» և «Քիմիա» առարկաներից», - նշեց Ն. Մկրտչյանը:

Նախարարը բարձր գնահատեց ուսուցիչների կատարած աշխատանքը՝ շնորհավորելով և շնորհակալություն հայտնելով նրանց, միևնույն ժամանակ նշելով. «Արդյունքները վատ չեն, բայց պետք է ձգտել ավելի»:

Վերջում կրկին արտահայտելով իր մտահոգությունները որոշ առարկաներից օլիմպիադայում մասնակիցներ չունենալու կապակցությամբ՝ Ն. Մկրտչյանն ընդգծեց, որ պետք է աշխատել այդ ուղղությամբ:

Օլիմպիադայի արդյունքների հանգամանակից վերլուծությամբ զեկուցումով հանդես եկավ ԱՀ ԿԳՄՍ կրթության և գիտության վարչության պետ Ռայա ՄՈՒՍԱՅԵԼՅԱՆԸ:

Ներկայացնում ենք այն:

ՎԵՐԼՈՒԾՈՒԹՅՈՒՆ

Արցախի դպրոցականների 2022-2023 ուստարվա առարկայական օլիմպիադայի հանրապետական փուլի արդյունքների

«Կրթությունը սոսկ դպրոցի գործը չէ, դպրոցը տալիս է այդ կրթության բանալին, իսկ կրթությունը մարդու ողջ կյանքն է...»

Լուսաշարսկի

Կարևորելով դպրոցականների ստեղծագործական աշխատանքի խթանումը, սովորողների վերլուծական, քննադատական մտածողության, գիտելիքների ինքնուրույն ձեռքբերման և կիրառման, տեղեկատվական տեխնոլոգիաների օգտագործման ունակությունների զարգացման առաջնությունները՝ դպրոցականների առարկայական օլիմպիադաների նպատակը շարունակում է մնալ աշակերտների մեջ ազատ մտածողության ձևավորումը, աշխատասիրության և բարձր պատասխանատվության միջոցով ցանկալի վերջնարդյունքի հասնելը:

Կրթության համակարգում իրականացվող բոլոր բարեփոխումները մեկ նպատակ են հետապնդում՝ կրթել ու դաստիարակել այնպիսի սերունդ, որն իր գիտելիքներով ու կարողություններով զերազանցի նախորդ սերնդին:

Ուսումնառության ընթացքում

դպրոցականների մեջ ձևավորված արժեքները լավագույնս դրսևորվում են ներդպրոցական, արտադպրոցական, միջդպրոցական, շրջանային կամ հանրապետական տարբեր միջոցառումներում ու մրցույթներում:

Ալեհայտ է, որ օլիմպիադայի նպատակն է նաև տաղանդավոր, շնորհալի և ստեղծագործական կարողություններ ունեցող երեխաների հայտնաբերումը, ուսումնական առարկաների նկատմամբ նրանց հետաքրքրությունների զարգացումը, այդ առարկաներից խոր ու կայուն գիտելիքներ ստանալուն նպաստելը:

Ընդհանուր առմամբ ուսուցման նպատակն է խթանել աշակերտի մտածողությունը, կատարելագործել նրա ինքնուրույնությունը, հնարավորություն տալ պատկերավոր մտածելու, և որ ամենակարևորն է, այդ ամենը գրագետ ի ցույց դնել: Նման միտում ունեն նաև դպրոցականների առարկայական օլիմպիադաները:

րաքանջուր տարի ստեղծվում են հանրապետական կազմկոմիտե և առարկայական հանձնաժողովներ, որոնց անվանական կազմը նախարարի հաստատման է ներկայացնում կրթության և գիտության վարչությունը: Կազմկոմիտեն մշակում է օլիմպիադաների նախապատրաստական աշխատանքների իրականացման, անցկացման, բողոքարկման ընթացակարգերը, ինչպես նաև վերահսկողության իրականացման, լուսաբանման, թափանցիկության և մասսայականության ապահովման մեխանիզմները՝ օլիմպիադայի ողջ ընթացքում պահպանելով նրանց հավասար հնարավորությունները, ապահովելով գործընթացի անաչառությունը: Այս տարին ևս բացառություն չէր:

ԱՀ կրթության, գիտության, մշակույթի և սպորտի նախարարի 2022թ. հոկտեմբերի 28-ի N 547/Մ հրամանի համաձայն՝ ս.թ. հունվարի 18-ից փետրվարի 9-ն ընկած ժամանակահատվածում Ստեփանակերտի հ. 5 հիմնական դպրոցում 16 առարկաներից (հայոց լեզու, հայ գրականություն, ռուսաց լեզու, անգլերեն, ֆրանսերեն, գերմանե-

րեն, պատմություն, աշխարհագրություն, քիմիա, կենսաբանություն, մաթեմատիկա, ֆիզիկա, ինֆորմատիկա, աստղագիտություն, հայոց եկեղեցու պատմություն, նախնական զինվորական պատրաստություն անցկացվեց Արցախի դպրոցականների 2022-2023 ուսումնական տարվա առարկայական օլիմպիադայի հանրապետական փուլը՝ Հայաստանի Հանրապետության դպրոցականների առարկայական օլիմպիադայի մարզային փուլի ժամանակացույցի համապատասխան՝ յուրաքանչյուր առարկայի հատկացվելով առանձին օր: Առարկայական օլիմպիադայի 2-րդ փուլի շրջանային (քաղաքային) առաջադրանքները հումանիտար առարկաներից կազմել են նախարարության մասնագետները, իսկ բնագիտական առարկաներից տրամադրել է ՀՀ կրթության, գիտության, մշակույթի և սպորտի նախարարությունը: Հանրապետական փուլի առաջադրանքները, ինչպես նախորդ տարիներին, բոլոր առարկաներից մեկ է տրամադրել ՀՀ ԿԳՄՍ նախարարությունը:

Շրջվարչակազմերի և Ստեփա-

նակերտի քաղաքապետարանի աշխատակազմերի կրթության և սպորտի բաժինները օլիմպիադայի շրջանային (քաղաքային) փուլի արդյունքների ամփոփման հիման վրա հանրապետական փուլին մասնակցելու իրավունք են տվել 330 աշակերտի:

Բոլոր առարկաներից գրավոր աշխատանքների ստուգումները կրթության, գիտության, մշակույթի և սպորտի նախարարի հրամանով ստեղծված առարկայական ստուգող հանձնաժողովների կողմից սկսվել են նույն օրը, անհրաժեշտության դեպքում՝ շարունակվել նաև հաջորդ օրը: Արդյունքները հանրապետական հանձնաժողովի կողմից տեղադրվել են նախարարության www.edu.nk.am կայքէջում: Օլիմպիադայի 11 մասնակիցներ բողոքարկման օրերին հանրապետական հանձնաժողովին են դիմել մաթեմատիկա, հայոց լեզու, ռուսաց լեզու, անգլերեն և ՆՁՊ առարկաներից, որի արդյունքում ՆՁՊ առարկայի մեկ աշակերտի գրավոր աշխատանքի վերստուգումից հետո գնահատականը բարձրացվել է մեկ միավորով:

ՎԵՐԼՈՒԹՅՈՒՆ

Արցախի դպրոցականների 2022-2023 ուստարվա առարկայական օլիմպիադայի հանրապետական փուլի արդյունքները

1 Ստորև ներկայացվում է մասնակիցների թվաքանակը՝ ըստ շրջաններից ստացված հայտերի.

Table with 2 columns: Շրջանը /քաղաքը/ and 2022-2023. Rows include Ստեփանակերտ, Ասկերանի շրջան, Մարտակերտի շրջան, etc.

Օլիմպիադայի ընթացքում եղանակային պայմանները և տրանսպորտային խնդիրներն օլիմպիադային մասնակցելու համար երաշխավորված մի խումբ աշակերտների բացակայության պատճառ դարձան: 16 աշակերտ չկարողացավ մասնակցել օլիմպիադայի հանրապետական փուլին:

Table with 4 columns: ՀՀ, Առարկան, 2022-2023 ուստարի հայտով, 2022-2023 ուստարի փաստացի. Rows include Հայոց լեզու, Հայ գրականություն, Ռուսաց լեզու, etc.

Մասնակիցներ չունեցանք ֆիզիկա, ինֆորմատիկա, աստղագիտություն և գերմաներեն առարկաներից: Բացակայողների քանակական պատկերն ըստ շրջանների և առարկաների հետևյալն է.

Table with 10 columns: ՀՀ, Առարկան, Ստեփանակերտ, Ասկերանի շրջան, Մարտակերտի շրջան, Մարտունու շրջան, Շուշիի շրջան, Գարուբի մի, Շահումյանի շրջան, Ընդամենը. Rows include Հայոց լեզու, Հայ գրականություն, Ռուսաց լեզու, etc.

Օլիմպիադայի ընթացքում բացակայող չեն եղել հայ գրականություն, մաթեմատիկա, հայոց եկեղեցու պատմություն և ֆրանսերեն առարկաներից: Իսկ ըստ շրջանների՝ բացակա չունեցանք միայն Ասկերանի շրջանի օլիմպիական թիմից:

Օլիմպիադայի արդյունքների ամփոփումից հետո պարզվեց մի փաստ. վերջին 20 տարվա ընթացքում չի եղել դեպք, երբ մեկ աշակերտ մրցանակային 1-ին տեղ չգրավեր:

Ըստ առարկաների մրցանակային տեղերի և ակտիվ մասնակցության համար պարգևատրվողների քանակական պատկերն է՝

Table with 5 columns: Առարկա, 1-ին տեղ, 2-րդ տեղ, 3-րդ տեղ, ակտիվ մասնակց, Մրցանակային տեղեր/ակտ. մասն. Rows include Հայոց լեզու, Ռուսաց լեզու, Անգլերեն, etc.

Մրցանակային տեղեր չունեցանք հայ գրականություն, քիմիա, կենսաբանություն և աշխարհագրություն առարկաներից: Մրցանակային տեղերի մեծ մասը բաժին հասավ հայոց լեզու (22 մրցանակային տեղ), անգլերեն (6 մրցանակային տեղ), մաթեմատիկա (5 մրցանակային տեղ) և պատմություն (5 մրցանակային տեղ) առարկաներին:



Ստեփանակերտ քաղաքում գործող 14 դպրոցներից (12 հանրակրթական, ֆիզմաթ դպրոց և «Անանիա Շիրակացի» ծեմարան) օլիմպիադային տարբեր առարկաներից մասնակցել է 149 աշակերտ: Այսպես՝

Table with 16 columns: ՀՀ, Առարկան, փ. մասն., Ստեփ. N 1, Ստեփ. N 2, Ստեփ. N 3, Արտունու, Ստեփ. N 5, Ստեփ. N 6, Ստեփ. N 7, Ստեփ. N 8, Ստեփ. N 9, Ստեփ. N 10, Ստեփ. N 11, Ստեփ. N 12, Ֆիզմաթ, Երևակցի, Ընդամենը. Rows include Հայոց լեզու, Հայ գրականություն, Ռուսաց լեզու, etc.

Նկատելի է մի բան, որ Ստեփանակերտի հանրակրթական դպրոցներում բավարար հիմքերի վրա է ռուսաց լեզվի դրվածքը, բայց զարմանալի է և ավելի ճիշտ՝ ցավալի է այն է, որ մասնակից չունեցան պատմություն, հայոց եկեղեցու պատմություն, գերմաներեն, ֆիզիկա, ինֆորմատիկա և աստղագիտություն առարկաներից, իսկ հայ գրականություն, աշխարհագրություն և քիմիա առարկաներից ունեցան մեկական մասնակից: Այս փաստը, կարծում ենք, անհանգստանալու տեղիք է տալիս բուրիսի:

Ներկայացնենք նաև օլիմպիադային շրջաններից մասնակցությունը ցուցաբերած դպրոցների մասին այսպիսի տեղեկություններ:

Ասկերանի շրջանի հանրակրթական 26 դպրոցներից օլիմպիադային մասնակցեց 10 դպրոց, որից ակտիվ էին Աս կերանի և Նորգյուղի միջնակարգ դպրոցները: Շրջանից օլիմպիադային մասնակիցներ չունեցան ֆիզիկա, ինֆորմատիկա, կենսաբանություն և աստղագիտություն առարկաներից:

Table with 3 columns: ՀՀ, Դպրոցը, Մասնակիցների քանակը. Rows include Ասկերանի մ/դ, Նորգյուղի մ/դ, Խրամորթի մ/դ, etc.

Մարտակերտի շրջանի հանրակրթական 28 դպրոցներից օլիմպիադային մասնակցեց 13-ը: Նրանցից ակտիվ էին Մարտակերտի հ.1 միջնակարգ հոսքային և Վաղուհասի միջնակարգ դպրոցները: Շրջանը օլիմպիադային մասնակից չունեցավ ֆիզիկա, ինֆորմատիկա և աստղագիտություն առարկաներից, իսկ ՀԵՊ, ՆՁՊ և մաթեմատիկա առարկաներից օլիմպիադային մասնակցել են մեկական աշակերտներ:

Table with 3 columns: ՀՀ, Դպրոցը, Մասնակիցների քանակը. Rows include Մարտակերտի հ. 1 մ/դ, Մարտակերտի հ. 2 հ/դ, Վ. Դոռաթաղի մ/դ, etc.

Մարտունու շրջանի հանրակրթական 31 դպրոցներից օլիմպիադային մասնակիցներ ունեցավ միայն 17 դպրոց: Նրանցից առավել ակտիվ էին Մարտունու հ. 1 և ճարտարի հ.1 միջնակարգ հոսքային դպրոցները: Շրջանը մասնակիցներ չներկայացրեց ֆիզիկա, ինֆորմատիկա և աստղագիտություն առարկաներից:

Table with 3 columns: ՀՀ, Դպրոցը, Մասնակիցների քանակը. Rows include Մարտունու հ. 1 մ/դ, Մարտունու հ. 2 հ/դ, ճարտարի հ. 1 մ/դ, etc.



Հանգամանքներից ելնելով՝ Շուշիի շրջանի հանրակրթական 6 դպրոցներից օլիմպիադային մասնակցեցին միայն Ստեփանակերտ քաղաքում գործող Շուշիի Խ. Աբովյանի անվան միջնակարգ և Գ. Ղազարյանի անվան երաժշտական մասնագիտացված դպրոցները՝ համապատասխանաբար 4 և 7 աշակերտներով: Բոլոր 11 աշակերտները մասնակցել են հայոց լեզու, ռուսաց լեզու, հայ գրականություն և պատմություն առարկաներից:

Table with 3 columns: ՀՀ, Դպրոցը, Մասնակիցների քանակը. Rows include Շուշիի Խ. Աբովյանի անվան մ/դ, Շուշիի Գ. Ղազարյանի անվան երաժշտական մասնագիտացված մ/դ, Ընդամենը.

Ելնելով վերոնշյալ փաստերից՝ ակնհայտ է, որ բնագիտական առարկաների դրվածքը հանրապետությունում գրեթե կաթվածահար վիճակում է, բայց և հումանիտար առարկաների արդյունքներից էլ նկատելի է, որ այստեղ ևս վիճակը, մեղմ ասած, բարվոք չէ: Ինչն էլ բացատրել այն փաստը, որ հայ գրականություն առարկայից հայտագրվել է 7 աշակերտ. 1 հոգի Ստեփանակերտի հ. 11 ավագ դպրոցից, մնացածները՝ շրջաններից: Աշխարհագրություն առարկայի 10 մասնակցից 1 աշակերտ դարձյալ Ստեփանակերտի հ. 11 ավագ դպրոցից էր, մնացածները՝ շրջաններից: Քիմիա առարկայի 6 մասնակցից 5-ը շրջաններից էր, 1-ը՝ Ստեփանակերտի հ. 11 ավագ դպրոցից:

Կամ՝ ինչպե՞ս պատկերացնել, որ պատմություն, ՀԵՊ, ֆիզիկա, ինֆորմատիկա, գերմաներեն և աստղագիտություն առարկաներից Ստեփանակերտի հանրակրթական դպրոցներից օլիմպիադային ոչ մի աշակերտ չի հայտագրվել:

Տեղեկություններ ներկայացնենք Ստեփանակերտ քաղաքի և շրջանների համեմատաբար խոշոր դպրոցների մասնակիցների արդյունքների մասին:

ՎԵՐԼՈՒԹՈՒԹՅՈՒՆ

• Ստեփանակերտի հ. 1 հիմնական դպրոցը օլիմպիադային ունեցավ 12 մասնակից, որից մրցանակային տեղ գրավել է 1 աշակերտ՝ հայոց լեզու առարկայից, իսկ ակտիվ մասնակցության համար գովասանագրով պարգևատրվել է 2 աշակերտ՝ մաթեմատիկա և հայոց լեզու առարկաներից:

• Ստեփանակերտի հ. 2 հիմնական դպրոցից օլիմպիադային մասնակցած 8 աշակերտից մրցանակային տեղ գրավել է 1 աշակերտ՝ ռուսաց լեզու առարկայից, իսկ ակտիվ մասնակցության համար գովասանագրով պարգևատրվել է 1 մասնակից՝ մաթեմատիկա առարկայից:

• Ստեփանակերտի հ. 3 միջնակարգ դպրոցից օլիմպիադային մասնակցել է 21 աշակերտ, որոնցից մրցանակային տեղ գրավել է 1 աշակերտ՝ ռուսաց լեզու առարկայից, իսկ ակտիվ մասնակցության համար գովասանագրով պարգևատրվել է 1 աշակերտ՝ դարձյալ ռուսաց լեզու առարկայից:

• Ստեփանակերտի հ. 5 հիմնական դպրոցից օլիմպիադային մասնակցել է 3 աշակերտ, որոնցից մրցանակային տեղ գրավել է 1 աշակերտ՝ մաթեմատիկա առարկայից:

• Ստեփանակերտի հ. 6 հիմնական դպրոցից 7 աշակերտ է մասնակցել օլիմպիադային, որից ակտիվ մասնակցության համար գովասանագրով պարգևատրվել է 1 աշակերտ՝ մաթեմատիկա առարկայից:

• Ստեփանակերտի հ. 7 հիմնական դպրոցից օլիմպիադային 13 մասնակցից մրցանակային տեղ գրավել է 1 աշակերտ՝ ՆՁՊ առարկայից, իսկ ակտիվ մասնակցության համար գովասանագրով պարգևատրվել է 3 աշակերտ, 2-ը՝ ՆՁՊ և 1-ը՝ մաթեմատիկա առարկաներից:

• Ստեփանակերտի հ. 8 միջնակարգ հոսքային դպրոցից օլիմպիադային մասնակցել է 16 աշակերտ, որից մրցանակային տեղ գրավել է 4 աշակերտ, 2-ը՝ մաթեմատիկա, 2-ը՝ հայոց լեզու առարկաներից, իսկ ակտիվ մասնակցության համար գովասանագրով պարգևատրվել է 1 աշակերտ՝ հայոց լեզու առարկայից:

• Ստեփանակերտի հ. 9 հիմնական դպրոցի 7 մասնակցից մրցանակային տեղ է գրավել 1 աշակերտ՝ ՆՁՊ առարկայից, իսկ ակտիվ մասնակցության համար գովասանագրով պարգևատրվել է դարձյալ 1 աշակերտ՝ նույն առարկայից:

• Ստեփանակերտի հ. 10 հիմնական դպրոցից օլիմպիադային մասնակցած 6 աշակերտից մրցանակային տեղ գրավել է 1 աշակերտ՝ մաթեմատիկա առարկայից:

• Ստեփանակերտի հ. 11 ավագ դպրոցից օլիմպիադային 28 մասնակցից մրցանակային տեղ գրավել է 7-ը, որից 5 աշակերտ՝ հայոց լեզու առարկայից, 1 աշակերտ՝ անգլերենից, 1-ը՝ ֆրանսերենից, իսկ ակտիվ մասնակցության համար գովասանագրով պարգևատրվել է 4 աշակերտ՝ հայ գրականություն, ռուսաց լեզու, քիմիա և ՆՁՊ առարկաներից:

• Ստեփանակերտի հ. 12 հիմնական դպրոցից օլիմպիադային մասնակցել է 1 աշակերտ, որը մրցանակային տեղ է գրավել ՆՁՊ առարկայից:

• Ստեփանակերտի ֆիզմաթ դպրոցից օլիմպիադային 18 մասնակցից մրցանակային տեղ գրավել է 2 աշակերտ՝ հայոց լեզու առարկայից, իսկ ակտիվ մասնակցության համար գովասանագրով պարգևատրվել է 2 աշակերտ՝ դարձյալ հայոց լեզու առարկայից:

• Ասկերանի միջնակարգ դպրոցից օլիմպիադային մասնակցել է 19 աշակերտ, որից մրցանակային տեղ գրավել է 2 աշակերտ՝ պատմություն և հայոց լեզու, իսկ ակտիվ մասնակցության համար գովասանագրով պարգևատրվել է 2 աշակերտ՝ հայոց լեզու և անգլերեն առարկաներից:

• Ասկերանի շրջանի Լորագյուղի միջնակարգ դպրոցից 13 աշակերտ է մասնակցել օլիմպիադային, որից մրցանակային տեղ գրավել է 2 աշակերտ՝ հայոց լեզու և անգլերեն առարկաներից, իսկ ակտիվ մասնակցության համար գովասանագրով պարգևատրվել է 1 աշակերտ՝ աշխարհագրություն առարկայից:

• Մարտակերտի միջնակարգ դպրոցից մասնակցել է 14 աշակերտ, որից մրցանակային տեղ գրավել է 1 աշակերտ՝ հայոց լեզու առարկայից:

• Մարտակերտի շրջանի Գաթրի միջնակարգ դպրոցից օլիմպիադային մասնակցած 9 աշակերտից մրցանակային տեղ գրավել է 2-ը՝ հայոց լեզու առարկայից, իսկ ակտիվ մասնակցության համար գովասանագրով պարգևատրվել է 1 աշակերտ՝ պատմություն առարկայից:

• Մարտունու հ. 1 միջնակարգ հոսքային դպրոցից օլիմպիադային մասնակցել է 14 աշակերտ, որից մրցանակային տեղ գրավել է 4 աշակերտ. 2-ը՝ հայոց լեզու, 2-ը՝ անգլերեն և պատմություն առարկաներից:

• Մարտունու շրջանի Գարտարի հ. 1 միջնակարգ հոսքային դպրոցի 12 մասնակցից մրցանակային տեղ գրավել է 3 աշակերտ. 2-ը՝ հայոց լեզու, 1-ը՝ անգլերեն առարկաներից, իսկ ակտիվ մասնակցության համար գովասանագրով պարգևատրվել է 1 աշակերտ՝ հայոց լեզու առարկայից:

• Շուշիի Գ. Ղազարյանի անվան մասնագիտացված երաժշտական դպրոցի օլիմպիադային մասնակցած 7 աշակերտից մրցանակային տեղ գրավել է 2 աշակերտ՝ հայոց լեզու և պատմություն առարկաներից, իսկ ակտիվ մասնակցության համար գովասանագրով պարգևատրվել է 1 աշակերտ՝ հայոց լեզու առարկայից:

• Շուշիի Խ. Աբովյանի անվան միջնակարգ դպրոցից օլիմպիադային մասնակցած 4 աշակերտներից ոչ մեկը մրցանակային տեղ չի գրավել, 1 աշակերտ պատմություն առարկայից ակտիվ մասնակցության համար արժանացել է գովասանագրի: Մրցանակային տեղերի և ակտիվ մասնակցիցների թիվը ըստ շրջանների հետևյալն է.

	1-ին տեղ	2-րդ տեղ	3-րդ տեղ	ակտիվ մասնակից	2022-2023 մրց.տ./ակտ. մ.
Ստեփանակերտ	-	9	13	17	22/17
Ասկերանի շրջան	-	2	4	3	6/3
Մարտակերտի շրջան	-	1	4	4	5/4
Մարտունու շրջան	-	3	8	5	11/5
Չուշիի մ/դ	-	-	-	-	-
Շուշիի շրջան	-	1	1	2	2/2
Շահումյանի շրջ. /Ավանբերդի մ/դ/	-	-	-	-	-
Ընդամենը	-	16	30	31	46/31

Մրցանակային տեղերի քանակի առումով 1-ին տեղում է Մարտունու թիմը՝ 11 մրցանակային տեղ, որը կազմում է շրջանից օլիմպիադային փաստացի մասնակցիցների 21,6 %-ը, 2-րդ տեղում է Ստեփանակերտի թիմը՝ 22 մրցանակային տեղ, որը կազմում է փաստացի մասնակցիցների 15,2 %-ը, 3-րդ տեղում է Ասկերանի թիմը՝ 6 մրցանակային տեղ՝ 12 %:

Առանձնացրել ենք օլիմպիադային արդյունքներով տարբեր առարկաներից ամենաբարձր միավորներ վաստակած մասնակցիցների անունները:

Այսպես. **հայոց լեզու** առարկայից ամենաբարձր՝ 17,7 միավորով առաջատարն է Ստեփանակերտի հ. 11 ավագ դպրոցի 11-րդ դասարանի աշակերտ Սլավա Սեյրաբյանը.

հայ գրականություն առարկայից Մարտունու շրջանի Բերդաշենի միջնակարգ դպրոցի 11-րդ դասարանի աշակերտուհի Լուսինե Ավանեսյանի հավաքած 14,5 միավորն ամենաբարձրն էր.

ռուսաց լեզու առարկայից ամենաբարձր՝ 15 միավորով վաստակել է Ստեփանակերտի հ. 3 միջնակարգ դպրոցի 12-րդ դասարանի աշակերտուհի Լուիտա Սարգսյանը.



անգլերեն առարկայից ամենաբարձրը Ստեփանակերտի հ.11 ավագ դպրոցի 11-րդ դասարանի աշակերտ Սլավա Սեյրաբյանի վաստակած 17,35 միավորն էր.

ֆրանսերեն առարկայից ամենաբարձր՝ 17,5 միավորով վաստակել է Ստեփանակերտի հ. 11 ավագ դպրոցի 10-րդ դասարանի աշակերտուհի Ալինա Ասրյանը.

պատմություն առարկայից Ասկերանի շրջանի Խնձրիստանի միջնակարգ դպրոցի 10-րդ դասարանի աշակերտ Ժիրայր Դանիելյանի աշխատանքի 17,5 միավորը ամենաբարձրն էր.

ՉեՊ առարկայից ամենաբարձր՝ 16 միավոր գնահատվեցին Մարտունու շրջանի Գարտարի հ. 3 հիմնական և Խնուշի-Նակի միջնակարգ դպրոցների 9-րդ դասարանի աշակերտուհիներ Էլինա Պողոսյանի և Մարիամ Ավետիսյանի աշխատանքները.

աշխարհագրություն առարկայից հպարտանալու առիթը բաժին է հասել Ասկերանի շրջանի Լորագյուղի միջնակարգ դպրոցից՝ 12-րդ դասարանի աշակերտ Արամ Գալստյանի վաստակած 14 միավորի համար.

մաթեմատիկա առարկայից ամենաբարձր՝ 18 միավորը ոչ միայն մաթեմատիկա առարկայից, այլ նաև օլիմպիադային ընդհանուր արդյունքներով միակ 18 միավորն էր, որը վաստակել է Ստեփանակերտի հ. 8 միջնակարգ հոսքային դպրոցի 5-րդ դասարանի աշակերտ Արման Օհանյանը.

քիմիա առարկայից ամենաբարձր՝ 13 միավոր գնահատվել է Ստեփանակերտի հ. 11 ավագ դպրոցի 11-րդ դասարանի աշակերտ Բենիամին Զայրապետյանի աշխատանքը.

կենսաբանություն առարկայից դարձյալ ամենաբարձրը 13 միավորն էր, որը վաստակել է Մարտունու շրջանի Սոսի միջնակարգ դպրոցի 12-րդ դասարանի աշակերտուհի Նարե Դադասյանը.

ՆՁՊ առարկայից Ստեփանակերտի հ. 9 հիմնական դպրոցի 8-րդ դասարանի աշակերտուհի Սոֆյա Ավանեսյանին հաջողվեց վաստակել ամենաբարձր՝ 17 միավորը:

Այս տարի և կային դպրոցականներ (7 աշակերտ), որոնք օլիմպիադային մասնակցեցին 2 և ավելի առարկաներից: Նրանցից Ասկերանի շրջանի Լորագյուղի միջնակարգ դպրոցի 10-րդ դասարանի աշակերտուհի Էլեն Դանիելյանը և՛ հայոց լեզվից, և՛ անգլերենից արժանացավ 3-րդ կարգի դիպլոմների, Ստեփանակերտի հ. 11 ավագ դպրոցի 11-րդ դասարանի աշակերտ Սլավա Սեյրաբյանը և՛ հայոց լեզու, և՛ անգլերեն առարկաներից արժանացավ 2-րդ կարգի դիպլոմների, իսկ ռուսաց լեզվից ակտիվ մասնակցության համար արժանացավ գովասանագրի:

Օլիմպիադայի հանրապետական կազմկոմիտեի կողմից փետրվարի 17-ից մինչև մայիսի 15-ը ԳԳ-ում կայանալիք եզրափակիչ փուլին մաս-

նակցելու համար երաշխավորվել է 56 աշակերտ: Օլիմպիադայի եզրափակիչ փուլին մասնակցած աշակերտների քանակը՝ ըստ առարկաների.

ԳԳ	Առարկան	Հայոց լեզու	Հայ գրականություն	Ռուսաց լեզու	Անգլերեն	Ֆրանսերեն	Պատմություն	Եվրոպական պատմություն	Սոցիոմաթիկա	Չիտարագրություն	Կենսաբանություն	Քիմիա	ՆՁՊ	Ընդամենը
1	Աշակերտների քանակը	6	5	6	5	1	5	5	10	4	1	1	7	56

Կապված Արցախում ստեղծված իրավիճակի հետ՝ այդ փուլը ևս կազմակերպվել է մեզ մոտ՝ Ստեփանակերտում, և օլիմպիադայի եզրափակիչ փուլի ԳԳ կազմկոմիտեի հետ ձեռք բերված պայմանավորվածության համաձայն աշակերտների գրավոր աշխատանքները էլեկտրոնային տարբերակով ուղարկվել են Զայաստանի Զանրապետություն: Ուրախությամբ մշնեք, որ մեր աշակերտները կարողացան պատվով դուրս գալ այս պայթիցի նույնպես:

56 մասնակցից 23-ը արժանացավ մրցանակային տեղերի և գովասանագրերի. 2 աշակերտ արժանացավ 2-րդ, 7 աշակերտ՝ 3-րդ մրցանակային տեղերի և 14 աշակերտ՝ գովասանագրերի: Այս փուլում ևս Սլավա Սեյրաբյանը գերազանց հանդես եկավ և անգլերենից արժանացավ 2-րդ, ռուսաց լեզվից՝ 3-րդ մրցանակային տեղերի, իսկ հայոց լեզվից ակտիվ մասնակցության համար արժանացավ գովասանագրի:

Զայաստանի Զանրապետության կրթության, գիտության, մշակույթի և սպորտի նախարարությունը, ամփոփելով եզրափակիչ փուլի արդյունքները, նախարարի 2023 թվականի ապրիլի 14-ի N 379-Ա հրամանով հաղթողներին (դիպլոմակիրներին) նշանակել է անվանական կրթաթոշակ մեկ տարի ժամկետով.

- առաջին կարգի դիպլոմակիրներին՝ ամսական 10 000 դրամ,
- երկրորդ կարգի դիպլոմակիրներին՝ ամսական 7 500 դրամ,

- երրորդ կարգի դիպլոմակիրներին՝ ամսական 5 000 դրամ: Օլիմպիադայի եզրափակիչ փուլում դիպլոմների արժանացած 9 մասնակցները ևս կօգտվեն այդ արտոնությունից: Նրանք են՝

1. Սեյրաբյան Սլավա-Ստեփանակերտի հ. 11 ա/դ, 11-րդ դաս. - II կարգ, III կարգ
2. Բաբայան Մարիաննա - Ստեփանակերտի հ. 3 մ/դ, 10-րդ դաս. - II կարգ
3. Գասպարյան Անի - Մարտակերտի հ. 1 մ/դ, 12-րդ դաս. - II կարգ
4. Պետրոսյան Արգիշտի - Ստեփանակերտի հ. 10 հ/դ, 5-րդ դաս. - III կարգ
5. Խաչատրյան Ռուդիկ - Ստեփանակերտի հ. 5 հ/դ, 5-րդ դաս. - III կարգ
6. Գալստյան Արամ - Ասկերանի շրջանի Լորագյուղի մ/դ, 12-րդ դաս. - III կարգ
7. Բախչիյան Կարինե - Ասկերանի մ/դ, 9-րդ դաս.- III կարգ
8. Այդինյան Նարինե - Գարտարի հ. 1 մ/դ, 10-րդ դաս. - III կարգ
9. Սաֆարյան Տիգրան - Ստեփանակերտի հ. 3 մ/դ, 10-րդ դաս.- III կարգ

Սիրելի՛ դպրոցականներ, մեզ համար շատ կարևոր է Արցախում կիրք, բանիմաց սերունդ ունենալը: Զանգված ենք, որ այս ուսումնական տարվա առարկայական օլիմպիադան գիտելիքի ճանապարհով ձեզ մեկ քայլ ևս առաջ տարավ՝ շնորհիվ իրենց գործին ամենացորով միլիոնավոր բանիմաց ուսուցիչների:

Սիրելի՛ մանկավարժներ, դուք մեր երկրի ամենապատասխանատու բանակն եք, քանզի դուք եք կրթում ու դաստիարակում ապագա մանկավարժին ու բժշկին, իրավաբանին ու գիտնականին, գեներալին ու զինվորին, այսինքն՝ դուք եք հղկում մեր ապագան կերտողներին:

Սիրելի՛ դպրոցականներ, մենք հպարտանում ենք ձեզնով, ձեր հաջողությունները գրավական են այն բանի, որ դուք եք շենացնելու մեր հայրենի երկիրը, կերտելու Որս վառ ապագան: Պատգամում ենք Ձեզ, որ մշտապես հիշեք Լուսնաչարսկու հետևյալ տողերը.

«Կրթության շնորհիվ ձեռք բերված գիտելիքը մարդուն դարձնում է ազատ ու հպարտ: Կյանքում պետք է ձգտել առաջ անցնել ոչ թե ուրիշներից, այլ ինքդ թեզնից»:



ՔՆՆԱՅՐՁԱՆ

ԴԻՄՈՐԴՆԵՐԸ ՀԱՅՏԱԳՐՎԵԼ ԵՆ



Ավարտվել է 2023-2024 ուսումնական տարվա բուհերի ընդունելության, մասնագիտությունների ընտրության և ընդունելության քննությունների համար դիմորդների հայտագրումը: Ի՞նչ է ցույց տալիս վիճակագրությունը. դիմորդներն ի՞նչ մասնագիտություններ են նախընտրել և ո՞ր բուհերում, շրջափակման պայմաններում ինչպե՞ս են կազմակերպվելու ներքուհական քննությունները: Հետաքրքրող այս հարցերով դիմեցինք ԱԶ գնահատման և թեստավորման կենտրոն:

ԸՍՏ ԲՈՒՅԵՐԻ ԵՎ ՄԱՍՆԱԳԻՏՈՒԹՅՈՒՆՆԵՐԻ

ԳԹԿ տնօրեն Յուրի Քարամյանի տեղեկատվությամբ՝ հայտագրվել է 572 դիմորդ, որից 374-ը դիմել է Արցախի, իսկ 198-ը՝ հայաստանյան բուհեր ընդունվելու համար, որից է՝ 101-ը՝ Արցախին հատկացված, իսկ 97-ը՝ ոչ նպատակային տեղերի համար: Արցախի պետական համալսարան ընդունվելու համար հայտագրվել է 274 դիմորդ, Շուշիի տեխնոլոգիական համալսարան՝ 31, «Գրիգոր Նարեկացի» համալսարան՝ 18, «Մեսրոպ Մաշտոց» համալսարան՝ 51: ԱրԴՀ միայն «Իրավագիտություն» և «Անգլ-

լերեն լեզու և գրականություն» մասնագիտությունների համար է, որ նախատեսված 30-ական տեղերի համար համապատասխանաբար հայտագրվել է 48 և 38 դիմորդ: Մյուս մասնագիտություններում դիմորդների թիվը կամ քիչ է, կամ չեն հայտագրվել: Այսպես՝ «Աշխարհագրություն» մասնագիտության համար ընդհանրապես չեն հայտագրվել, «Մաթեմատիկա և ֆիզիկա»՝ 2 հոգի, «Կենսաբանություն և քիմիա»՝ 9, ՆԶՊ՝ 4, «Տարրական մանկավարժություն և մեթոդիկա»-ն, որը միշտ մեծ քանակ էր ապահովում, այս տարի այստեղ 10 հոգի է հայտագրվել:

ՀՀ բուհերից, ինչպես միշտ, ամենաշատ դիմորդները երևանի Մխիթար Հեղացու անվան բժշկական համալսարանի համար են. 45 հոգի՝ 25 տեղի համար (10 անվճար, 15 վճարովի):

Արցախի նպատակային տեղերով ԵՊՀ հայտագրվածների թիվը մեծ է «Ինֆորմատիկա և կիրառական մաթեմատիկա» մասնագիտությունում. 7 հոգի՝ 4 տեղի համար, «Անգլերեն, ֆրանսերեն և հաղորդակցություն»-ում՝ 4 դիմորդ՝ 2 տեղի համար, «Տեղեկատվական ամվտանգություն»՝ 3 տեղի համար՝ 5 հոգի, «Միջազգային հարաբերություններ»՝ 2 տեղի՝ 4 հոգի»:

Խ. Արմվյանի անվան մանկավարժական համալսարանում Արցախին հատկացված 8 տեղի համար հայտագրվել է 3 դիմորդ, որից 2-ը՝ «Լոգոպեդիա», 1-ը՝ «Սոցիալական մանկավարժություն» մասնագիտության համար: Դիմորդ չի հայտագրվել Հայաստանի ազգային ազդարային համալսարանի համար, չնայած կարևոր «Ազդեցություն», «Անտառային տնտեսություն», «Բնակավայրերի կանաչապատում» մասնագիտությունների:

Մյուս բուհերում հատկացված 1-2 տեղերի համար դիմորդները հայտագրվել են:

ՄԻԱՍՆԱԿԱՆ ՔՆՆՈՒԹՅՈՒՆՆԵՐԻ ՕՐԵՐԸ

Առաջին քննությունը հունիսի 9-ին է՝ «Քիմիա» և «Ռուսաց լեզու» առարկաներից: Հունիսի 13-ին՝ անգլերեն լեզու: Հունիսի 16-ին՝ «Մաթեմատիկա»: Հունիսի 20-ին՝ «Հայոց լեզու, հայ գրականություն»: Հունիսի 23-ին՝ «Կենսաբանություն»: Հունիսի 27-ին՝ «Հայոց պատմություն» և «Ֆիզիկա»:

ՔՆՆԱԿԱՆ ԿԵՆՏՐՈՆՆԵՐԸ

ԱՀ ԿԳՄՍ նախարարի կողմից հաստատվել են քննական կենտրոնները: Միասնական քննությունների համար կատեգորիա 5 կենտրոն Ստեփանակերտի հ. 1, 2, 6, 7, 8 դպրոցներում:

Լինելու են նաև 29 քննական կենտրոններ՝ 9-րդ դասարանների կենտրոնացված քննությունների համար. 9-ը՝ Ստեփանակերտում, 6-ը՝ Մարտունու շրջանում, 9-ը՝ Մարտակերտի շրջանում, 4-ը՝ Ասկերանի շրջանում, 1-ը՝ Շահումյանի շրջանի Ալմաբերդում: Քննական կենտրոնների կառավորման աշխատանքները կսկսվեն մայիսի 26-27-ից՝ վերջին զամբից հետո:

Առաջին կենտրոնացված քննությունը լինելու է հունիսի 5-ին հայոց լեզվից:

ՆԵՐՔՈՒԿԱԿԱՆ ՔՆՆՈՒԹՅՈՒՆՆԵՐԸ

ԿԱՆՑԿԱՑՎԵԼ ԱՐՑԱՒԽՈՒՄ

Ներքուհական քննությունները, որոնք արվեստի և ֆիզիկական պատրաստություն բնագավառների համար են, դիմորդները ըստ կարգի համծնուն են տվյալ բուհում: Արցախից կա 7 դիմորդ, որոնք պետք է ներքուհական քննություն հանձնեն երևանում. 2-ը՝ կոն-

սերվատորիա, 5-ը՝ ճարտարապետաշինարարական համալսարան ընդունվելու համար: Շրջափակման պայմաններում, բնականաբար, անհնար է դիմորդների ներկայացումը երևան: Յու. Քարամյանը տեղեկացրեց, որ այդ հարցը քննարկվել է ԱՀ կառավարությունում և մի շարք տարբերակներից ընտրվել է Արցախում նրանց քննությունների կազմակերպումը: Կկազմվեն հանձնաժողովներ՝ համաձայնեցվելով ՀՀ ԿԳՄՍ-ի և համապատասխան բուհերի հետ: Քննության ամբողջ ընթացքը կտեսածայնագրվի և գնահատականներով կուղարկվի համապատասխան բուհ: Յու. Քարամյանի խոսքով՝ խնդիր չի լինի, ամեն ինչ կախված է ճիշտ կազմակերպումից. Արցախում էլ կան համապատասխան մասնագետներ, որոնք կարող են բարձր մակարդակի և անաչառ անցկացնել քննությունները:

ՆՈՐ ՄԱՍՆԱԳԻՏՈՒԹՅՈՒՆ

Շուշիի տեխնոլոգիական համալսարանում նախատեսվում է սեպտեմբերի 1-ից բացել նոր մասնագիտություն՝ թռչող սարքերի ավիացիոն սարքավորումներ (այդ մասնագիտությունն այս տարվանից նաև մտցված է Հայաստանի ազգային պոլիտեխնիկական համալսարան և Արցախին հատկացված է մեկ տեղ, հայտագրվել է 2 դիմորդ): Քանի որ ավելի ուշ է կայացվել այդ որոշումը, չկան հայտագրված դիմորդներ և նոր հայտագրում էլ չի լինի: «Քայց դա կարևոր մասնագիտություն է մեր երկրի համար: Ընդունելության կարգում կկատարվեն որոշ փոփոխություններ, որպեսզի դրական միավորներով դիմորդները, եթե ցանկություն ունեն, ընդունվեն այդ բաժին», - տեղեկացրեց Յու. Քարամյանը:

«ԼՈՒՍԱՐԱՐ»

ՄԱՇՏՈՑՅԱՆ ՀՋՈՐ ԲԱՆԱԿԻՆ ԶԻՆԿՈՐԱԳՐՎՈՒՄ ԵՆ ՆՈՐԱՆՈՐ ՆԿԻՐՅԱԼՆԵՐ

Արցախի դպրոցներում այս օրերին անցկացվում են Այբուբենի տոնին նվիրված հետաքրքիր միջոցառումներ: Ասել է թե՛ Մաշտոցյան հզոր բանակին զինվորագրվում են նորանոր նվիրյալներ, որոնք այսուհետ ոչ միայն կկարողանան վարժ կարողալ ու գրել ոսկեղենիկ հայերենով, այլև նրանցից յուրաքանչյուրը կդառնա Մեծն Մաշտոցի դեսպանը: Այդպես հայրենիքում, թե այլուր, եթե դու հայ ես, պետք է իմանա հայոց այբուբենը, քանզի մայրենի լեզվի իմացությամբ է հաստատվում ազգային պատկանելությունը: Էլ ի՞նչ հայ, եթե չի խոսում ու կարդում իր մոր աղոթած լեզվով:

Ստեփանակերտի Ա. Սախարովի անվան հ.8 միջնակարգ հոսքային դպրոցում անցկացված Այբուբենի տոնը համաքաղաքային բնույթ էր կրում. ներկա էին Ստեփանակերտի քաղաքապետարանի ԿՍ բաժնի պետ Թ. Ղարախանյանը, տարրական դասարանների քաղաքային մեթոդիկավորման նախագահները, ծնողներ, հյուրեր:

Անտեսելով Արցախի շրջափակմամբ պայմանավորված բոլոր դժվարությունները՝ դասվար Լիանա Ծատրյանը կազմակերպեց հետաքրքիր միջոցառում՝ ներառելով դասարանի բոլոր աշակերտներին: Այն սկսվեց երգով, որով աշակերտները ողջունեցին ներկաներին, ապա նրանք արտասանեցին բանաստեղծություններ՝ նվիրված առաջին ուսուցչին, դպրոցին, մայրիկին, հայրենիքին: Մանկական անկեղծ շուրթերով լավագույն արժեքները նոր շունչ ու իմաստ ստացան:

Երեխաների մոտ վառ արտահայտված և հղկված էր բանավոր խոսքը՝ ոսկեղենիկ մայրենին՝ իր պերճանքով ու համեստությամբ: Միջոցառումը համեմված էր երգով, պարով ու հունորով, որը ուժ էր փոխանցում մեծերին՝ դիմագրա-

վելու օրավուր աճող մարտահրավերներին:

Փոքրիկ բեմականացմամբ Արցախի բարբառով ներկայացվեց շրջափակու-



մը, նրա ստեղծած դժվարությունները, որին երեխաները հունորով արձագանքեցին: Եվ սա՛ է հաջողությունը, և սա՛ է հաղթանակի նախապայմանը:

Այդ օրը առաջին դասարանիները ոչ միայն իրաժեշտ տպեցին Այբբենարանին՝ դրանով փաստելով, որ արդեն գրաճանաչ են և նրանց է հասել Մեսրոպ Մաշտոցի վառած ջահը, որ իրենց ձեռքերում ունեն հզոր գեճը՝ քայլելու կյանքի ոլորապտույտ ճանապարհներով, այլև արդեն հայրենաճանաչ են: Նրանք իրենց խոսքում փառաբանեցին Արցախը՝ իրենց տունը և խոստացան երբեք չլքել այն:

Հմուտ դասվարի կատարած աշխատանքն անգնահատելի է: Նա ոչ միայն ջանք ու եռանդ չի խնայել երեխաներին տառճանաչ դարձնելու, կրթելու, դաստիարակելու համար, այլև կազմակերպել է բովանդակալից և օրինակելի մի-

ջոցառում, որում ասելիքը շատ էր, անելիքը՝ հստակ նախանշված: Անտեսել չենք կարող նաև տեխնիկական մեծ աշխատանքը. ամբողջ միջոցառման ընթացքում երեխաների ելույթներին զուգընթաց էկրանին սահուն էին նրանց առօրյան արտացոլող, հայրենի բնաշխարհի պատկերները:

Շնորհավորելով սաներին՝ Լ. Ծատրյանն ասաց. «Արդեն դրված է ձեր ուսումնառության առաջին և ամենակարևոր հիմնաքարը. դուք արդեն տիրապետում եք մեսրոպյան ոսկեղենիկ այբուբենին, ձեռք եք բերել այն հրաշագույն բանալին, որով կարող եք բացել գիտության ցանկացած դուռ»:

Հիրավի, նաև գաղափարական ուսուցչության ձեռքին է Արցախի գալիքը: Դպրոցի տնօրեն Լ. Գևորգյանը և Ստեփանակերտի քաղաքապետարանի



աշխատակազմի կրթության և սպորտի բաժնի պետ Թ. Ղարախանյանը շնորհավորեցին երեխաներին և բարձր գնահատեցին դասվարի աշխատանքը՝ տառճանաչության յուրահատուկ քննությունը հաջող հանձնելու համար:

Այդ կիրթ ու հայրենասեր սերունդն է փրկելու մեր վաղվա օրը:

Սեփ. լրատվություն

ՄԵԹՈՂԱԿԱՆ ԿՈՆՖԵՐԱՆՍ՝ ՌՈՒՍԱՑ ԼԵԶՎԻՑ

Մարտունու Ն. Ստեփանյանի անվան հ.1 միջնակարգ հոսքային և Մ.Մաշտոցի անվան հ. 2 հիմնական դպրոցների հիմքի վրա ԱՀ ԿԳՄՍ նախարարության կողմից անց է կացվել մեթոդական կոնֆերանս ռուսաց լեզվից:



Մասնակցել են ԱՀ նախագահի աշխատակազմի ղեկավարի տեղակալ, ռուսաց լեզվի բաժնի աշխատանքների համակարգող Գայանե Աթանեսյանը, Արցախի ռուսական համայնքի ղեկավար Ալեքսանդր Բորդովը և ռուսական համայնքի հոգևոր առաջնորդ հայր Դմիտրի, Մարտունու շրջվարչակազմի աշխատակազմի կրթության և սպորտի բաժնի վարիչ Վահրամ Հակոբյանը:

Հրավիրված էին Մարտունու շրջանի Քերթի, Սոսի, ճարտարի հ. 1, հ. 2 և հ. 3, Խնուշինակի, Ննգու, Գիշու, Քարահունջի դպրոցների և արհեստագործական ուսումնարանի ռուսաց լեզվի ուսուցիչները:

Բաց դասերից հետո տեղի է ունեցել ակտիվ քննարկում, որի ընթացքում կատարվել են կարևոր եզրահանգումներ:

Ռուսական համայնքի կողմից բաց դասեր անցկացրած ուսուցիչները պարգևատրվել են շնորհակալական նամակներով:

Կոնֆերանսն ամփոփվել է Մարտունու արհեստագործական ուսումնարանի ռուսաց լեզվի մասնագետ Սուսաննա Ավետիսյանի կազմակերպած գրական-գեղարվեստական ցերեկույթով: Աշակերտները ռուսաց լեզվի երկանսյա բանավոր դասընթացների ակտիվ մասնակցելու համար Մարտունու շրջվարչակազմի ղեկավար Հ. Հայրունյանի կողմից ստացել են հավատարմագրեր:

Հետդարձի ճանապարհին պատվիրակությունը Վ. Հակոբյանի ուղեկցությամբ այցելել է Ամարասի վանական համալիր և Կոլխոզաշենում գործող՝ ԽՄՀՄ հերոս, հրետանու գեներալ-գնդապետ Միքայել Պարսեղովի տուն-թանգարան:

«Ամարաս» թերթ

ԳԻՏԱԺՈՂՈՎ

ԷԹՆԻԿ ԶՏՈՒՄԸ՝ ԱՂՐԲԵՋԱՆԻ ՊԵՏԱԿԱՆ ԲԱՂԱՔԱԿԱՆՈՒԹՅՈՒՆ

Էթնիկ գտումները եղել են Աղբբեջանի պետական քաղաքականության անկյունաքարերից մեկը՝ իր հիմնադրման պահից: Արցախահայությունը դրա դրսևորումները զգացել ու տեսել է պարբերաբար՝ 1920-ական թվականներին, Մեծ Զայրենականի տարիներին, ԽՍՀՄ գոյության ողջ ժամանակահատվածում, որի վերջաբանը դարձան Սունգայիթում, Բաքվում հայկական ջարդերն ու տխրահռչակ «Կոլցո»-ն: Արդեն ավելի քան 5 ամիս շարունակվող Արցախի շրջափակումն էլ այդ քաղաքականության բաղադրիչներից մեկն է: Դենց այս թեմաներին էր նվիրված մայիսի 11-ին «Գրիգոր Նարեկացի» համալսարանում տեղի ունեցած գիտաժողովը՝ «Արցախում էթնիկ գտման Աղբբեջանի քաղաքականությունը» խորագրով, որին ներկա էին նաև ԱՅ ԿԳՄՍ նախարար Նորայր Մկրտչյանը, նախարարի տեղակալներ Զասմիկ Մինասյանը, Լեռնիկ Գրիգորյանը, ԱՅ նախագահի հատուկ հանձնարարությունների գծով ներկայացուցիչ Դավիթ Բաբայանը:



Գիտաժողովը մեկնարկեց ժողովների խոսքերից և լուսավորված ժողովի հիշատակ բուհի ղեկավար Վարդան Զակոբյանի և Արցախյան պատերազմների մահացածների:

ԳՆՂ ղեկավար, իրավաբանական գիտությունների թեկնածու Սևակ Զակոբյանը, ողջունելով ներկաներին, մտախոհարարական աշխատանք է քննարկում: «Սեմն միջոցառում առանց համալսարանի հիմնադիր ղեկավար Վարդան Զակոբյանի՝ առաջին անգամ ենք կազմակերպում: Նրա ներդրած ավանդույթներն ու մոտեցումներն անկասկած կշարունակվեն, և այն նպատակներն ու ծրագրերը, որոնք ընկած են համալսարանի ստեղծման ու զարգացման հիմքում, առաջիկայում ևս պետք է պահպանվեն և ունենան դրական զարգացում»:



ԱՅ ԿԳՄՍ նախարար Նորայր Մկրտչյանը կարևորեց մասն միջոցառումների կազմակերպումը: «Գիտաժողովի խորագիրն իսկ փաստում է քննարկվող թեմայի կարևորությունը ու արդիականությունը: Վերջին շրջանում տեղի ունեցած քաղաքական գործընթացները միանգամայն մարտահրավերների առաջ են կանգնեցրել մեր հանրությանը: Քաղաքակիրթ աշխարհի համակ ուշադրության պայմաններում Աղբբեջանը, նվաճելով մեր հայրենիքի նշանակալից հատվածը, աննախադեպ մասշտաբների հասցնելով հայատյացության քաղաքականությունն ու քարոզչությունը, զուգահեռաբար ձեռնամուխ է եղել նաև հայկական պատմամշակութային ժառանգության բացահայտ ոչնչացման քաղաքականությանը, ինչն էլ ավելի է խորացնում հակամարտությունը և ընդգծում Արցախի Զանապետության անկախության կարգավիճակի լուծման հրատապությունը: Ստեղծված պայմաններում առավել մեծ է թե հայ քաղաքական գործիչների, թե՛ մտավորականության դերը մեր ժողովրդին անվտանգ, ճիշտ ճանապարհով առաջընդդեմ, դրանով իսկ բազում փորձություններ հաղթահա-

ձալի հաղթանակներին ու ազգային նոր վերածնունդին, մենք պետք է կարողանանք մեկտեղել հայ մտավոր ներուժը: Մենք պարտավոր ենք վերջապես նորից ու նորից միավորվել մեր ազգային նպատակի շուրջ, այն նպատակի, որ մեզ բոլորիս կուղեկցի դեպի հայրենիքի հզորացման միջոցով մեր ազգային իղծերի իրագործմանը: Զանգված են, որ գիտազործական համաժողովը, որը միտված է Արցախում Աղբբեջանի էթնիկ գտման քաղաքականության բուն նպատակների բացահայտմանը, քննարկմանն ու համապատասխան եզրահանգումների կայացմանը, կարևոր քայլ կհանդիսանա նաև մեր գործնական ծրագրերի կազմմանն ու իրականացմանն ուղղությամբ: Իրողություն է, որ ներկայումս հսկայական գործ ունենք կատարելու կանխատեսելի լուսավոր ապագայի համար», - ասել է նախարարը:

ԿԳՄՍ նախարարի տեղակալ Լեռնիկ Գրիգորյանը («Մշակույթի ժառանգության պահպանման վտանգները 44-օրյա պատերազմից հետո»), իրավագիտության ամբիոնի դասախոս, իրավաբանական գիտությունների թեկնածու, ԱՅ վաստակավոր իրավաբան Գրետա Արզումանյանը («ԼՂ Ինքնավար Մարզի իրավակիրառ պրակտիկան հորհրդային Աղբբեջանի հակահայ դրսևորումների լույսի ներքո»), ԱրՊՂ պատմության և քաղաքագիտության ամբիոնի վարիչ, պատմական գիտությունների թեկնածու, դոցենտ Նունե Սարումյանը («Աղբբեջանի հայախալած քաղաքականության դրսևորումները ԼՂԻՄ-ի սոցիալ-տնտեսական և հասարակական քաղաքական կյանքում»), իրավագիտության ամբիոնի դասախոս, ԱՅ կադաստրի և պետական գույքի կառավարման կոմիտեի իրավաբանական բաժնի պետ Սոնա Զամբարձումյանը («Արցախի Զանապետությունում Աղբբեջանի հակահայ քաղաքականության հետևանքով անշարժ գույքի նկատմամբ սեփականության իրավունքի իրացման անհնարիությունն ու նոր սպառնալիքները»), իրավագիտության ամբիոնի դասախոս, ԱՅ ոստիկանության շտաբի իրավաբանական բաժնի պետ, ոստիկանության փոխգնդապետ Նորա Միրզոյանը («Աղբբեջանի կողմից ապրիլյան քառօրյա և 44 օրյա պատերազմների ժամանակ կատարված հանցագործությունների քրեաիրավական բնութագրիչը»),

«Մեսրոպ Մաշտոց» համալսարանի Կովկասագիտության կենտրոնի ղեկավար Գրիգորյանը («Մշակույթի և գեղասպանությունը՝ որպես Թուրքիայի և Աղբբեջանի հայատյաց քաղաքականության բաղադրիչ»), իրավագիտության ամբիոնի դասախոս, ԱՅ գյուղի և գյուղատնտեսության աջակցման հիմնադրամի իրավաբանական բաժնի ղեկավար մասնագետ Իրինա Զաքարյանը («Աղբբեջանի ագրեսիայի հետևանքով գյուղատնտեսության ոլորտում ստեղծված իրավիճակը և դրա հաղթահարման ուղիները»), «Մեսրոպ Մաշտոց» համալսարանի Կովկասագիտության կենտրոնի ղեկավար միջազգային կոնֆերանսի և Իսրայելյանը («2020թ. Արցախի դեմ սանձազերծված լայնածավալ պատերազմը՝ որպես Զայրոց գեղասպանության անպատժելիության հետևանք»), իրավագիտության բաժնի բակալավորի 3-րդ կուրսի ուսանողուհի Անի Բալուդյանը («Արցախը Զայրոցի միացման ճանապարհի շրջափակման վերաբերյալ ՄԱԿ-ի միջազգային քրեական դատարանի որոշումը»):

Վերջում ԳՆՂ ղեկավար Սևակ Զակոբյանը շնորհակալություն հայտնեց գիտաժողովի կազմակերպիչներին, մասնակիցներին և հավաստագրեր հանձնեց զեկուցողներին: Գիտաժողովի զեկուցումները կտպագրվեն առանձին գրքով:

«ԿՐԹՈՒԹՅՈՒՆԸ 21-ՐԴ ԴԱՐՈՒՄ»



«Մեսրոպ Մաշտոց» համալսարանի Ուսանողական գիտական ընկերության նախաձեռնած «Կրթությունը 21-րդ դարում» խորագրով գիտաժողովը մեկնարկեց խոսքերից և լուսավորված ժողովի հիշատակ բուհի ղեկավար Գրետա Գաբրիելյանը: Նա կարևորել ու արդիական է համարել բոլոր ժամանակներում կրթված ու գիտակից երիտասարդություն ունենալը: Կրթված լինելու գրավականը որակյալ ուսումն է:

Գիտաժողովին բացման խոսքով հանդես եկավ բուհի ղեկավար Գրետա Գաբրիելյանը: Նա կարևորել ու արդիական է համարել բոլոր ժամանակներում կրթված ու գիտակից երիտասարդություն ունենալը: Կրթված լինելու գրավականը որակյալ ուսումն է: Գիտաժողովի մասնակից Աստղիկ Գրիգորյանը «Տեղեկատվական տեխնոլոգիաների դերն Արցախի տնտեսության մեջ» թեմայի շրջանակում պարզել և հետազոտել է այն հիմնական դիրքերը, որոնք առկա են Արցախում: Ուսումնասիրության արդյունքում եկել է այն եզրակացության, որ պետք է կարևորել միջազգային կապերի ստեղծումը, ինչպես նաև տարբեր նախագծերի ստեղծման անհրաժեշտությունն ու շարունակական համագործակցությունը:

ՄՄՂ ուսանողական գիտական ընկերության նախագահ Մարիա Զակոբյանը իր ելույթում նշել է, որ կրթությունն ամենահզոր գեներ է, որով երիտասարդները կարող են փոխել աշխարհը: «Եթե ունենանք բանիմաց, խելացի և ուժեղ ուսանողություն, կունենանք նաև հզոր երկիր»:

Գիտաժողովն ընդգրկում էր պատմություն, իրավագիտություն, քաղաքագիտություն և միջազգային հարաբերություններ, արևելագիտություն, տնտեսագիտություն, մանկավարժություն, սոցիոլոգիա, հոգեբանություն, բանասիրություն, լրագրություն ոլորտները: Շուրջ 70 ուսանողների մասնակցությամբ գիտաժողովում քննարկվել են տարածաշրջանի հումանիտար, տնտեսական, սոցիալ-քաղաքական զարգացման արդիական հարցերը:

Բուհի պրոռեկտոր Ալիսա Բաղդասարյանն ասաց, որ այս իրավիճակում կրթությունը շատ կարևոր է հատկապես ուսանողների համար: «Դենց նրանց զբաղվածությունը, նրանց հետաքրքրությունները, հիմնախնդիրն ընկալելու ձևաչափերը հաշվի առնելով՝ որոշեցինք կազմակերպել «Կրթությունը 21-րդ դարում» խորագրով գիտաժողով, որտեղ ուսանողները հանդես կգան և՛ հիմնախնդիրների բացահայտմամբ, և՛ միաժամանակ իրենց առաջարկությունները կանեն ու կհասկանան, որ իսկապես լուրջ խնդիրներ ունենք, և դրանք պետք է որոշակիորեն լուծումներ ստանան»:

Ներկա ժամանակներում կրթություն ստանալու հնարավորությունները մեծացել են, և բոլորն իրավունք ունեն սովորելու: ՄՄՂ կովկասագիտության կենտրոնի ղեկավար Գրիգորյանը կոչվեց խոսքով՝ հատկապես շրջափակման իրավիճակում և պատերազմական գոտում գտնվող պետությունների համար կրթությունն առավել կարևոր նշանակություն ունի: «Զարգացած և կայուն պետություն ունենալու համար մենք անհրաժեշտություն ունենք կրթված և որակյալ մասնագետներ ունենալու: Դրա հնարավորությունը տալիս է միայն կրթական համակարգը», - ասաց Գ. Ավանեսովը՝ հավելելով, որ ամենակարևորն այն է, որ գիտաժողովի շրջանակում ուսանողներն արդիական թեմաներ են ընտրել, որոնք տարբեր խնդիրներ են արտացոլում: Այս ամենը թույլ կտա ավելի կատարելագործել աշխատանքները և օգտագործել տարբեր հարթակներում, հատկապես որ կան թեմաներ, որոնք կիրառական նշանակություն ունեն:

Գիտաժողովի աշխատանքները շարունակվել են մասնախմբային միստերում: Իսկ լավագույն հոդվածների հեղինակներն արժանացել են պատվոգրերի:

ՍԵՐՈՒՆԴ

ԱՐՅԱՆ, ՄԵՐ ՄԻՐՏ

Մերը հայրենիքի հանդեպ կիսատ-պաշտություն չի ճանաչում. ով նրա համար չի անում ամեն ինչ, չի անում ոչինչ, ով նրան ամեն ինչ չի տալիս, նա մերժում է նրան ամեն ինչ:

Այս խոսքերի կարևորության ըմբռնումով, ժողովրդին հույսով ու հավատով զինելու անհրաժեշտության գիտակցումով, մեր հայրենիքի բարօրության համար ամբողջ հոգով աղոթք հղելով առ Աստված՝ ապրիլի 15-ին Սոսի միջնակարգ դպրոցում տեղի ունեցավ հերթական ռազմա-հայրենասիրական միջոցառումը՝ «Արցախ, մեր սիրտ» խորագրով:

Յիշատի, հայրենիքը և մենք լծորդված ենք իրար, ինչպես հողի և մարմին, ինչպես նպատակ և միջոց. նա գերազույժ նպատակն է, մենք՝ միջոցը:

Խորագրի վեհ գաղափարը հարազատ է յուրաքանչյուրիս սրտին և մտքին. չէ՞ որ բոլորս գիտենք, որ Արցախը մեր սիրտն է, մենք՝ Արցախի: Նա մեր ապրելու, արարելու, արձանաները մայր հողում ավելի ամրացնելու և խորացնելու առհավատյան է, իսկ մենք՝ նրան ապրեցնողը, շեն ու կանգուն պահողը, նրա սրտի բաջբախող գարկերը, առանց որոնց ուղղակի կղաղարի լինել երկիրն այս սուրբ:

Չայրենիքը մենք ենք՝ ես ու դու, ու քանի կանք մենք, վառ է նաև հայրենիքի կանթերը:

Միջոցառմանը ներկա էին համայնքի ղեկավար Յ. Գրիգորյանը, գյուղի, հայրենիքի համար նախատեսված քաջորդիների մայրեր, հարազատներ, դպրոցի ուսուցչական կոլեկտիվը, աշակերտներ, համագյուղացիներ: Միջոցառումը բացվեց ՄԿԱԳՏՏ Ս. Ավետիսյանի ոգեցունց խոսքով. «...ժամանակն արտացոլում է մեր արդարացի պայքարն ու պահանջները: Եվ ոչ մի օտար ուժ, ոչ մի ռազմական միություն չի կարող սասանել մեր անկյուղում ոգին: Մենք ենք այս հողի տերը, մեր պապերն այստեղ են ապրել ու սերնդեսերունդ ավանդել մեզ Աստուծոց օրհնված, կռվախնձոր դարձած այս փոքրիկ վեռնաշխարհը, ուր ամեն մի քար հերոսական ասք է պահում իր մեջ ու պատմում սերնդեսերունդ, մշակում դիմակա-

յելու և պայքարելու ոգի»: Չնչեցին մեր սրտի զարկերն ազդարարող օրհներգի ելևէջները. բոլորս ոտքի կանգնած, ձեռքներս կրծքներիս սեղմած, կարծես ուժ առնելով հայրենիքի հանդեպ սրտում հրդեհ-



ված սիրուց և կարծես մեր սիրտը սփոփելով՝ երգում էինք՝ «Ազա՛տ ու անկա՛խ Արցախ...»: Բայց մեղեդին այս ավելի աղոթք էր, քան երգ, սպասումներով ու երազներով լեցուն աղոթք... Այն, ինչ բոլորիս հոգում ու սրտում է, այս միջոցառման ընթացքում հնչեց դպրոցի սաների շուրթերից՝ ասումների տեսքով, հուզեց հայրենասիրական երգերի ելևէջներով, արտահայտվեց պարերի շարժումներում, ապրումներն ու սպասելիքները բեմականացվեցին բեմադրության մեջ:

«Ցավոք, հայրենասիրությունն ու հայրենամոլությունը շատ ու շատ անգամ պետք է ապացուցվեն զենքով, ու որ ամենացավալիս է՝ արյամբ... Չայրենիքի ազատության ու անկախության համար պայքար պետք է մղվեր, և այդ պայքարից՝ արցախյան երեք պատերազմներից ամնասն չմնացին սոսեցիները:

2020թ. սեպտեմբերի 27-ին անորոշության ու անտերության մեջ Չայոց աշխարհի վրա թախիծ ու վիշտ էր իջել. մթնշաղի մեջ գուժ-

կան լուրերը տնից տուն էին անցնում, փողոցից փողոց, դիրքից դիրք, գյուղից գյուղ: Շուրջ երկու ամիս տևած կռվում ընկան տղերքը, մարեցին հազարավոր լույսեր... Նրանք սովորական զոհեր չեն, այլ սուրբ նահատակներ, որոնց հիշատակի առջև պետք է խոնարհվեն ոչ միայն մեր ժամանակակիցները, այլև գալիք սերունդները: Նրանց անունները պետք է փոխանցվեն գալիքին, որպեսզի սերունդները հոգու կրակ առնեն նրանց շիրմներից, նրանց հերոսական ճանապարհից...», - հչեց միջոցառման ընթացքում, ապա մեկ րոպե լռությամբ հարգեցինք մեր հերոս տղաների վառ հիշատակը:

Չավատարիմ մնալով մեր պատմական անցյալին, մեր ազգային ինքնությանը, փառաբանելով մեր



պատմության հաղթական էջերը, ապավինելով լուսավոր ու պայծառ գալիքին՝ դպրոցահասակները ներկայացրին, թե ով ենք մենք, որտեղից ենք գալիս և ուր ենք գնում.

Ղարաբաղի ենք. Յին ենք, թե նոր ենք, Այն թթեմին ենք, Որ ցանկացել են պոկել, զլխատել, արմատից հատել, Բայց մեր արմատը ձգել ենք հողում,

Այլևս ոչ մի հողմից չենք դողում, Չարուստ ենք, այո՛, հարուստ ենք երգով, Չարուստ ենք բերքով, Չարուստ ենք մեր կուռ-կառուցյալ ձեռքով եվ... պատմությամբ մեր:

Չայ լինելն առաջին հերթին առաքելություն է, մարդկային և անմարդկային, հնարավոր և անհնար բոլոր փորձությունների միջով քաղաքակրթության ջահը տանելու և դրանով մարդկային տեսանելի հորիզոնն ընդարձակելու առաքելություն: Սա մի ճանապարհ է, որն ավարտ չունի, քանի դեռ չի ավարտվել հորիզոնն ինքը:

Պատվով ու փառքով հաղթահարենք այս քարքարոտ, բայց հերոսական ուղին, որով հետև մենք, որ «ժառանգել ենք մեր նախնիներից նրանց մեծ հողին, նրանց սերն անբիծ, որ ամրացել ենք այս ժայռերի մեջ», մի բռունցք պիտի դառնանք և հաստատենք «մեր կամքը անբեկ, հասակը՝ անթեք»:

Այս մի բուռ քարեղեն հողում, դեռ ինչքան ջանք է հարկավոր, որ պահենք հացը հողեր...

Առանց հայրենիքի մարդը ժամանակի ու տարածության պատահականություններին ու քմահաճույքներին մատնված ավազահատիկ է, առանց հայրենիքի, առանց հարազատ հողի հետ սերտ կապի մարդ չի կարող գտնել իրեն, իր հոգին:

Այս տագնապալի ու պատասխանատու ժամանակաշրջանում խիզախություն ու կորով են մաղթում մեզ, որ հաղթահարենք բոլոր զրկանքներն ու դժվարությունները: Մեր բազկին՝ ուժ, մտքին՝ աջալրջություն: Թող հայրենյաց սահմաններում արշալույսները միշտ խաղաղ բացվեն:

Չավատանք ու սպանենք մեր հաղթանակած ու պանծալի ապագային.

Չի մնալու Արցախը մեր՝ Գերի ընկած մշուշին, Չայ զինվորը ետ կբերի Թե՛ Չաղրութը, թե՛ Շուշին...

Չրանուշ ԳԱԲՐԻԵԼՅԱՆ
Սոսի միջնակարգ դպրոցի փոխարտն

ՆՈՐՈՎԻ ԸՆԹԵՐՑԵՆՔ ՄԵՐ ՊԱՏՄՈՒԹՅՈՒՆԸ

Մարտակերտի վ. Բալայանի անվան հ. 1 միջնակարգ հոսքային դպրոցում հերթական միջոցառումը, որ կազմակերպվել էր դպրոցի պատմության ուսուցչուհի Լիլիթ Մովսիսյանի կողմից, նվիրված էր Արցախի գոյատևման պայքարին՝ սկսած Շարժման օրերից մինչ այսօր, որն իր մեջ կրում էր Մալխայան եռատոնի խորհուրդը:

Արցախի օրհներգով սկսվեց միջոցառումը, որին հաջորդեց ուսուցչուհու ելույթը.

«Չաղթանակներ խորհրդանշող օրը դիմավորում ենք կորստի մեծ ցավով, սակայն՝ մեր հայրենիքում ապրելու, արարելու անկյուղում մեծ կամքով բռունցքված:

...Մեր օրերում անհրաժեշտ է նորովի արժևորել մեր հաղթանակների դերն ու նշանակությունը՝ դրանց խորհուրդը դարձնելով նոր սերնդի համար ոգեկոչման, ոգեշնչման աղբյուր, որը կարող է հիմք հանդիսանալ գալիք հաղթանակների համար»:

Շուտով Մարտակերտի մշակույթի տան բեմում երևացին 10-րդ բնագիտական հոսքի և 11-րդ «բ» դասարանի շնորհաշատ աշակերտները: Ուղղակի խոսքեր չէին, որ հնչեցրին նրանք, այստեղ պատմություն կար, հայրենիքի սեր, այն պաշտպանելու, փայփայելու, հայկական պահելու ձգտում.

«Այն ծանր օրերին ոչ մի նախադրյալ չկար, որ մեր երկիրը կփրկվեր, ավելին՝ կհաղթեր

թշնամուն Սարդարապատում ու դեռ բանակ ու պետություն կկերտեր, բայց եղավ, հաղթեցինք, հիմա ճիշտ ժամանակն է, որ նորովի ընթերցենք մեր նորագույն պատմությունը»:

«Ես ուզում եմ պատմությունը ճանաչել իր ողջ ողբերգականությամբ ու վեհությամբ, մի-



այն այդ դեպքում մենք կարող ենք ճիշտ ընկալել այսօրվա խնդիրները... Մենք պիտի ստեղծենք այնպիսի հայրենիք, որ թշնամին սարսափի, իսկ «բարեկամ» կոչվածները ստիպված լինեն մեր ընկերությունը փնտրել...»:

«Մենք պետք է ստեղծենք հոգևոր հայրենիք, որը նվաճելի չէ բացարձակ: Երբ թրջությունը այսօր կաշվից դուրս է գալիս՝ սրբելու մեր ազգային հետքերը մեր իսկ հայրենիքում,

ես չգիտեմ՝ լացե՞լ, թե՞ ծիծաղել նրա անհատակ տգիտության վրա, քանի որ նա չի կարող սպանել նաև հայ ժողովրդի պատմական հիշողությունը...»:

«Մեր ժողովրդին վիճակված է եղել անընդհատ գոյամարտել օտար ավարառուների և նվաճողների դեմ: Ցավալի է, երբ մարդ ի ծնն է ի բնե ապրում է աշխարհաքաղաքական մի տարածաշրջանում, ուր գալիքի ու բռնիքների հոշոտման վտանգին է թողնված»:

«Չայ ժողովրդի զինված պայքարի արտահայտություններից է ֆիդայական շարժումը, որը տվել է ազատաբաղձ քաջորդիների մի մեծ համաստեղություն: Օտարել նրանց հայոց պատմությունից, նշանակում է՝ գունազրկել նրանց հազարամյա պատմությունը»:

«Միշտ էլ մեծ տերությունները իրենց տնտեսական և քաղաքական շահերին զոհաբերել են հայկական հարցը: Այսօր էլ չի փոխվել աշխարհը, չի փոխվել և մեծ պետությունների քաղաքականությունը»:

«Այսօր էլ մեր հասարակությունը կրկին բավականին ծանր վիճակում է, սակայն մեզանից յուրաքանչյուրը պարտավոր է անել առավելագույնը՝ բարոյահոգեբանորեն անկումը բացառելու համար»:

«Մեր պատմության մեջ նշանակալից երևույթ է կամավորական շարժումը հայ ժողովրդին բնաջնջումից փրկելու համար: Մեծ

էր նրանց դերը թե՛ հայկական բանակի կազմավորման հարցում, թե՛ հաղթանակի...»:

«Չայ ազգային-ազատագրական շարժումները միշտ եղել են արդարացի ու սրբազան պայքարի գործունեության արդյունքը հաղթանակով պատկերվելու նվիրական նպատակ»:

«Ցավի ու մորմոքի մի պատմություն է պատերազմի բովոլվ անցած մեր հերոս տղաների ու աղջկաների այսօրվա կյանքը: Ծանր ու թեթև վիրավորներին բուժելը, հաշմանդամ դարձած ազատամարտիկներին հոգատարությամբ շրջապատելը, զոհվածների ընտանիքների հոգացողությունը»:

«Մենք դեռ աշխարհին մեր հաղթական խոսքը կասենք: Մենք կզորանանք՝ ի հեճուկս մեր ոսոխների, մենք դեռ կիրավիրենք ողջ աշխարհից բարի հյուրերի, և ոչ ոք հայկական խնջույքից քաղցած չի գնա»:

Սերնդի լավատեսական խոսքերը համեմված էին երգ ու պարով, ապրելու, արարելու ձգտումով, հայրենիքը պաշտպանելու վճռականությամբ...

Դպրոցի տնօրեն Ռուզաննա Չարությունյանի շնորհակալական գոհացուցիչ խոսքն ուղղված էր աշակերտներին և ուսուցչուհուն, որով եզրափակվեց միջոցառումը:

Մնում է ասել՝ գալիքը փրկելու, երկիրը պաշտպանելու համար ունենք առողջ ուժ, որը պետք է շարժման մեջ դնել՝ հանուն այն հայրենիքի, որին նվիրաբերվեցին հազարավոր կյանքեր:

*Նատաշա ՊՈՂՈՍՅԱՆԻ
Ֆեյսբուքյան էջից*

ԱԶԳԱՊԱՏՈՒՄ

ՄԻԱՅՆ ՀԱՅՐ ԶԷ, ՀԱՅՐԵՆԻ ՀՈՂԸ ԵՎՍ ԲՈՂՈՔ ՈՒՆԻ

Քաղաքակրթություն՝ թաղված թեմիների տակ...



ու լույսի մաքրության որոշում:

...Եվ արդեն բանի՝ հազարամյակ. ու մենք հլու, խոնարհ ծառան ենք Ի վերուստ մեզ տրված այդ որոշման, որ ունի հպարտ ու անհաս մի վսեմ ԱՆՈՒՆ՝ Հայ ու Հայաստան: Խարբերողի հայ, Շուշեցի հայ, Հաղորթի հայ, Մարաղայի հայ, Մշեցի հայ, Ուտիք աշխարհի հայ... Կորսված հայրենիքի բոլոր անկյունների հայեր, նույն ցավ ու դավի կրող, նույն ձեռագրով հոշոտված, առանց բնօրրանի մնացած հայեր...

Եվ ինչո՞ւ, ինչո՞ւ այսպես դասավորվեցին իրողությունները՝ մի քայլ առաջ, տասը քայլ՝ հետ: Այսպես եղավ հարյուր հիսուն տարիներ առաջ և այսօր, որ այսչափ խելք ունենալով, չունեցանք խելքի այն չափաբաժինը, որ Երևանի ավարտառու Ձեռագրին լավագույնս տիրապետեինք ու ավելի հաղթական, վայելուչ Ձեռագրով պատասխանեինք: Եղավ այսպես, քանզի հայրենապաշտության ձեռագիրը մեր շատ խայտաբղետ էր, ազգային թույլ մերդաշնակությունը: Խելքները շատ էին, իսկ բոլորը միասին՝ նվիրյալների շարքերի կողքին՝ նաև անկարգ, նյութապաշտ շարքերով: Եվ սա՛ է ճշմարտությունը Վասակից ու Մերուժանից, ռես Ավեցի ու Մխիթարի գլխին սուր քաշած ստահակներից մինչև այսօր: Արծաթն ու շահը, փառքն ու աթոռակերվող սպանում, ոչնչացնում են քո մեջ ապրող երբեմնի հերոսին, երբեմնի ազգապաշտին, երբեմնի ազնիվ հային:

Եվ մի՞թե բանականությանը հասու չէ կամ դժվար է գիտակցել, թե որն է անցողիկը, որն է մնայունը. չէ՞ որ դժվար չէ յուրացնել ամենից տարրական գոյաբանածը. Մարդը մահկանացու է, նրա արած-թողածը՝ մնայունը:

...Ավա՛ղ հավասարվեցին, նույն հավասար հարթակին հայտնվեցին դար առաջ թուրքահպատակ՝ ազատության տենչով լեցուն, կուռ շարքերով մարտնչած, ավա՛ղ ապարդյուն ընկած հայրուկ-նվիրյալ՝ հարյուր-հարյուր Գևորգ, Անդրանիկ, Չառու տղաների և Հայրենիք ազատագրած, հաղթանակի բերկրանքն ու վայելքը ժողովրդին, ազգին ընծա բերած Արցախյան Գոյամարտի տղաների դափնիները: Ընկան ցեխի, մրի մեջ, մրոտվեցին, նրանց կերտած խիզախումի պատվանդանն ընկավ, որի երբեմնի անչափելի խորությունն ու շքեղ բարձրությունը դարձավ լոկ Յուզ, Յուզապատուն, հարթակ, որ վսեմ իրողությունից, բարձունքից իջավ հատակ: Ընկավ մի հզոր բերդ՝ դառնալով վերացակալան երեք կամ հինգ դասազրբային միտք:

Եվ տնքում է հողը Հայոց, լացուն, մռնչում է հողը Հայոց՝ մեր անցյալ բոլոր սերունդների, քաջարի տղաների, ծեր ու մանկանց, հայոց որդոց ու մայրերի մարմիններով, նրանց արյամբ ժայռ ու Բերդ, Ամրոց դարձած հողը հայրենի: Ո՛վ գիտե, գուցե ճշմարտություն է, որ հողը հիշողություն ունի, ո՛վ գիտե, բայց մեր դեպքում՝ այո: Մեր հողը հիշողություն ունի. ճակատագրի բերումով հայիս ազգային գեներն արյամբ մայր հողին շարախվել, այնքան են շատացել հայրենի հողի մեջ... Հիշողություն, որ մարմնավորվել է, Շուշե ու Լեզու առած, խոսուն, աղաղակուն է իր ինքնության, իր պատկանելության, իր գոյության, իր պայքարի մասին: Հարյուր և ավելի տարիներ Հայիս պայքարը չգտավ իր ցանկալի հանգրվանը, չգտավ այդ պայքարի շարքերում հաճախ աննկատ ու հաճախ էլ անտարբեր վկայների մեղքով: Իրենց՝ ազգային որակ փչացնող տեղերը գտան արծաթասերն ու փառամուղը, եսապաշտն ու մատնիչը...

Եվ նվիրյալների կամքով ու արյամբ բարձունքին հասած բերդերը երեքացին ու ընկան: Միտիկ, վերացական է հնչում: Բայց մեր հողը, Հայոց հողը հիշողություն ունի: Մարդկային ու ազգային սխալներից հոգնած ու բզկտված մայր հողի միջից ցատուն է ելել, անթաղ մանչերի, մայրերի հայոց, երեքն չփակված ու բաց մնացած աչքերից նրանց՝ ցատուն է ելել... Հողիս լեզուն էլ դա՛ է. նա

այդպես է դիմում աշխարհին: Իսկ որտե՞ղ են տերերը իմ: Եվ՝ Ո՛վ Անքննելի... Մարդկային մտքի ծայրերով ի՛նչ մտքեր ասես որ չեն անցնում: Զէ, չի նսեմանում միտքս, այն իրական, իրապես է դատում: Հարյուր տարի անց տնքում, աղաղակուն է Երզրիս հողը տանջահար: Այլևս վառված, մեր հին ոստան Վանի մոխրացած այգեստաններից, տանջահար բանաստեղծ Մահարու օրրան այգեստաններից, կրակե լեզուները ՄԱՅՐ գետն անցնելով հիմա էլ եկել-հասել են Գոչալանք ու Դիզափայտ, վառվում, մոխրանում են մեր ծննդավայր, մեզ սնած ու օրորած հայոց մարտնչող Արևելքի այգեստանները... Եվ այսօր Տիգրանակերտի Սուրբ Կիրակոս եկեղեցուն փրկություն գտած Երզրիս զարկվածների աղաղակները, նրանց լուռ տնքոցները ծուլվեցին՝ միախառնվեցին իմ Հաղորթի, իմ Շուշեի, Իմ Մարաղայի, Մեծ Գետի, մեր կողմի կորսված երևելիների ու Մայրերի, Հողվորի, Գրչի, մշակի ու մարտերում դեռ բաց աչքերով ընկած Տղաների հառաչին ու նրանց վերջին ակնթարթներին, վերջին մտքերին՝ նրանց անքննելի՝ ավելի խորացնելով Ազգային ցավի օվկիանոսը: Կիսված մի մարմին և գույգ արյունակից եղբայրներ՝ կորսված ու կռվող, իսկ ցավը նույնն է, իսկ ցավը մեկն է երկուսի համար, որ երկիրն ապրի, որ Հայը ապրի: Տակավին ցավերի մեջ Գետի այս կողմից մեր ծայրն էլ հասավ Երզրին՝ Միտի դռանը՝ թե որ կբացվի: Ծնունդ ու աղաղակուն է Հայոց Աշխարհը և ուզում է հիշեցնել ու մատնանշել քաղաքակրթության մի չքնաղ օրրանի, մի չքնաղ աշխարհի մասին, մեռած մի Երզրի և իր կյանքի ու գոյատևման համար մաքառող ու մարտնչող մեր երկրի մասին:

Եվ լսո՛ւմ է Աշխարհը: Այո՛, մենք տեսնում և լսում ենք, որ Աշխարհը և՛ լսում է, և՛ տեսնում, բայց այդ Աշխարհն ավելի շատ իր գործերով է զբաղված, իր օգուտներն է ուզում քաղել բոլոր հնարավոր հնարներով, բոլոր տեղերում, անգամ կրակների միջից, որտեղ Աստծո արարած իր տեսակն է մահանում և մեռնողից էլ է ուզում օգուտ քաղել... Համոզվել, համոզվել ենք, որ սա է աշխարհիս Կարգը, որ դարիս մարդասիրությունը միայն կոչեր են, միայն գեղեցիկ շարադրված բառեր, լավագույն դեպքում՝ կարեկցանք, հուսադրում: Սրանից այն կողմ գործում է միայն քո Սուր եղունգի, քո հուժկու Սրի և քո Միաբանության օրենքը... Ո՛ր թե այդպես չէ. ո՞ր է մեծանունն ու մեծատունն այրեր աշխարհին տված, աշխարհի իմաստունությունը մեծ չափաբաժնով ավելացրած մտքի շտեմարան Վարուժանի ու Մեծարենցի, աշխարհահռչակ Վիլյամ Մարոյանի, Անրի Վերնոյի, մեծ նկարիչ Արչիլ Գորկու, այլևս վառված ու մոխրացած այգեստաններում իր մանկությունն ըմբռնչած մի հրաշք հայ մանուկի՝ մինչև աքսորվալու դառը կյանքի մրուրը մինչև վերջին ունյա տեսած ու դատարկած բանաստեղծի, բոլոր գալիք սերունդների համար դաս ու դասագիրք Արամ Մանուկյանի և քանի՞-քանի մեծանունների Երզրից Հայոց: Մեծանուններ, որ քայլել, խայտանքով վազել են Մուշի, Խարբերդի, Կարինի, Բրզնիկի ու Բազառիճի ճամփաներով, խմել Վանի բերդի տակ հայերեն գլուխացող վարար աղբյուրից, որի ջրերն այսօր հոսում-հոսում, բայց այգեստաններին չեն հասնում... Այգեպանը մահացել, Այգեստանները այրվել-մոխրացել են արդեն, իսկ Հողը այնքան չէրմ է, այնքան տաք, որ Հողի հիշողությունը չի լռում: Չի լռում: Հայոց Հողի հիշողությունը բողբոջում է...

Իսկ գուցե իր մեծ, բայց բզկտված ու բզկտվող՝ իր մյուս այս մեր ԿԵՍ-ի համա՛ր է բողբոջում և իր անկատար վճիռը որպես դրոշ պարզում մեզ: Հայրենի հողս տեսավ լռելի, այսօր էլ շարունակում է լռել Աշխարհը արյունակից, ազգակից, հարազատ եղբոր ցավերին անտարբեր ու անհաղորդ: Ժայթքել ու չի հանդարտվում, ծայր տալով մեզ, Աշխարհին՝ թե ով է տերն իր, թե ինչու օտար ոտնահետ-

բերից հեծում ու անտեր է մնացել: Երզրիս հողը իր ցատուն է պարզել մեզ, որպես հրաման և իր ապրածի հիշեցում: Ապրել հայրենի հողի վրա և այն երբեք չլքել, չթողնել: Որ չկրկնվի մեծ ոճիրից մազապուրծ փրկված խարբերդից այն վերջին վկայի՝ միլիոնի մեջ մեկ հայի պատմությունը, որը Խարբերդի իրենց թեմիների տակ թուրքի սվիմներից սվիմահարված իր հասակակից, իր փողոցի ու բակի ընկեր-տղաներից դիզված կույտի տակ նրանց արյունից արյունվա, բայց փրկված, օվկիանոսի այն կողմը հասած և հազարների հետ 108 տարեկանում իր մահկանացուն կնքած Մեծ Ոճիրի վերջին վկաներից էր, ուն ապրած 108 տարիները ունեին մեկ ամուն՝ Հայրենիքի կարոտ և այդ տարիներում աչքերից խո՛ւրձ-խուրձ գլորվող արցունքներ... Նրանց թեմիների տակ թաղվեց հիմնավոր մի ժողովրդի քաղաքակրթություն: Եվ նրա աղիողորմ արտասուքները հեռավոր Ֆրեզոնոյից արյան երակներով եկան խառնվեցին իրենց տան բազմոցին նստած իմ Թալիշի, Իմ Հաղորթի, Իմ Ջրաբերդի, Իմ Մարաղայի թեմիների տակ ընկած, խոշտանգված, անօգնական մեծերի ու փոքրերի սառած արտասուքներին: Բառերով չեն սիրում Հայրենիքը, բառերով չի ստացվում փրկել Հայրենիքը, չի ստացվում պաշտպանել: Ոչ մի պետություն ուրիշի փրկության համար չի զոհել իրեն և չի զոհելու: Դու ու քո ԱՐՄԱՏ-ը պետք է կենսունակ լինեք, իսկ կենսունակությունը հանուն Ազգային Գոյի անդադրում աշխատանքն է, քրտինքն ու նվիրումը:

...Եվ մարդկային մտքի ու ձեռքի հզորության հատուցման ժՄԱ-ի մասին չպետք է դադարել մտածել: Ավելին՝ մտածելը, միայն մտածելը սին ու խաթկանք, գործել ու գործել, առաջ նայել, շատանալ, շատանալ ու գործանալ է պետք. ՀՁՈՐԱՆԱՆ՝ Մեծ խոսքը Մեծ գործ դարձնելով: Իսկ հզորանալու համար պարզապես պետք է լինենք բարոյական արժանիքներով տոգորված, խնորված, առաքինի, ազնիվ ու հայրենապաշտ հայեր, մեր հողի վրա, Հայրենի հողի վրա ապրելով, իրապես գործով սիրելով ու պահելով Հայրենի օջախները: Եվ ինչքան ճիշտ է ասված Մեծն Ազգապաշտի կողմից. «Հայրենիքներն ապրում են հայրենասիրությամբ և կործանվում դրա պակասից»: Եվ կյանքը մեր քանիցս է ցույց տվել, որ ուրիշ ասելիք չկա, հարյուր անգամ փորձության ենթարկվելուց հետո՝ էլ: Գիշտ է ասված՝ Հայրենիքն ապրում է, երբ դու նրա գրկումն ես, քո գոյությամբ, քո արարումով է ապրում քո պապենական ՏՈՒՆԸ, որի սյունների, օճորքի առաջ դու մեծ պարտավորություն, քո ծննդյան օրից քեզ տրված հրամանն ունես: Եզակի իրավիճակ, որի դեպքում հրամանը չի քննարկվում: Հարյուր և ավելի տարիներ առաջ ժողովրդիս տեսած ու ապրած արյունոտ ապրիլը, նույն լինել-չլինելու օրհասական մարտահրավերներով նորից եկել՝ ուղիտի պես ոչ թե չոքել, կանգնել է մեր դռանը...

Չհուսահատվե՛նք, գոտեպնդվե՛նք, սերունդներին ամենօրյա աշխատանքով ու քարոզչությամբ ոգևորենք ու չմոռանանք, որ մեր ԱԶԳԱՊԱՏՈՒՄ ծանրակշիռ հուշակալառակը հաղթությունների, խիզախումի դրվագներով լեցուն իր գույգն ունի՝ Յերուսալեմ, աննկուն, ազգային-համաժողովրդական ոգու դրսևորումների ծանրակշիռ Հուշապատմ-պատմականառակը, որի ամեն մի էջ ի գորու է ամբողջական-դարակազմիկ ու դարակերտ ՍԵՐՈՒՆՆԵՐ՝ տանել իր հետևից...

Ուրեմն՝ առանց ակնթարթ ու թույն կորցնելու՝ ի գործ, ի գործ:

Լ. ՄԱՐՏԻՐՈՍՅԱՆ
Տարեկանների Ա. Գուլյանի անվան հ. 2 դպրոցի տնօրեն

ԱԶԳԱՅԻՆ

ՄԱՅԻՍՅԱՆ ՀԱՂԹԱՆԱԿՆԵՐԻ ԽՈՐՀՈՒՐԴԸ

Օրացուցային տարվա չորրորդ ամիսը թուրքերը սևով ներկեցին, Աստված հանդուրժեց: Գուցե թե փորձ արեց պարզել այն ակունքները, որոնցից հայ ժողովուրդն ընկած է անմահության կաթիլները և որպես փյուռիկ հառնում մոխիրներից: Աստված փորձեց և համոզվեց հայի դիմացկունության, տոկունության, ապրելու կամքի, անխորտակելի ոգու, արարելու ուժի մեջ:

Ամեն ժողովուրդ գուցե թե իր հաղթանակների, տոների ամիսն ունի: Մերը մայիսն է... Բոլոր 12 ամիսներից մեզ համար առավել հարգատեղի է ստանում մայիսը, ավելի շատ արյուն ենք թափել, բայց ուրիշ է մայիսին թափած արյան գինը: 451 թվի մայիսի 26... Տղմուտ գետի ափին՝ Ավարայրում դրված էր հայ ժողովրդի լինել-չլինելու, հավատին տեղ մնալու հարցը: Ժողովուրդը ելավ Ավարայրի դաշտ, զարկեց ու զարկվեց, ոգեշնչեց նահատակվելու ելած իշխանին, ռամիկին, փափկասուն տիկնանց և բոլորին, բոլորին: «Մահ իմացյալ անմահություն է», - լսեց իշխան, շինական, գոտեպնդվեց, զարկեց զարկ առավել, և փրկվեց Աշխարհը հայոց, և ժողովուրդը հավատաց՝ ուժը հավաքակաճության մեջ է:

1918 թվի մայիսի 21-28: Սարդարապատի, Ղարաբաղի սիսի, Բաշ Ապարանի մատույցներում կրկին անգամ որոշվում էր հայ ժողովրդի լինել-չլինելու հարցը: Թուրքերի յաթաղանին դեռ չէր չորացել 1915 թվի ամենը զոհերի արյունը: Հայկական հարցը լուծելու բարբառոս տարբերակ ընտրած թուրքը վերստին ուրվագծել էր «Մեծ Թուրան» պետության ուրվակարը, որը մշուշել էր արմատում ցեղի և խիղճ, և՛ միտք, և՛ հոգի: Հայ ժողովուրդը դարեր շարունակ հանուն ազատության, հանուն հայրենիքի պայքարի հուրը ժառանգել է Հայկ Նահապետից՝ դեռևս իր կազմավորման արշալույսին: Այդ օրհասական օրերին 7 օր շարունակ Արարատյան դաշտի եկեղեցիների զանգերի ղողանջները ժողովրդին հանուն հայրենիքի սրբազան պատերազմի կոչ էին անում: Պատերազմի բռնվում թրծված զորահրամանատարներ Նազարբեկյանի, Սիլիկյանի, Դանիել-Բեկ Փիրումյանի և այլոց ելույթները զորքին հավատ էին ներշնչում հաղթանակի հանդեպ: Հայոց կաթողիկոսը՝ Գևորգ Գ Տփղիզյան (Սուրենյանց - 1911-1930), Ջավեն և Մեսրոպ եպիսկոպոսները կոչ էին անում չերկնջել թշնամու առաջ: Սարդարապատի, Բաշ-Ապարանի համար մարտնչողների առջև մարտական կոչով հանդես եկավ ղարաբաղցի Գարեգին Դավթյանը: (Գ. Դավթյանը ավարտել է Գևորգյան ճեմարանը, Բեռլինի, Հայկապի, Լայպցիգի համալսարանները, դասավանդել է Գևորգյան ճեմարանում, Ալեքսանդրապոլի, Երևանի համալսարաններում: Կյանքի վերջին տարիներին Մեծի տան Կիլիկիո կաթողիկոսն էր):

Խիստ հատկանշական է այն փաստը, որ հայկական զորքերի և աշխարհագրայինների շարքերում թուրք բարբարոսների դեմ հերոսաբար մարտնչում էին տարբեր ազգերի ներկայացուցիչներ՝ եզդիներ, գերմանացիներ, ֆրանսիացիներ, էստոնացիներ..., տարբեր կուսակցությունների՝ ԴՅԴ, բուլշևիկյան ներկայացուցիչներ՝ մի կողմ դնելով իրենց քաղաքական պայքարի տարաբնույթ լինելը: Կողմ կողքի մարտնչում էին թուրքերի դեմ

անուն հանած շատ անձնավորություններ՝ գրող Ալեքեյ Բակունցը, Դոկտորներ Բաղդասարյանը (ԽՍՀՄ մարշալ), Արտակ Վարդանյանը (գեներալ-գնդապետ), Արարատ Ղարաբյանը (լեզվաբան, ակադեմիկոս), Դուկաս Դուկասյանը և շատ հանրահայտ անձնավորություններ: Առանձին դրվատանքի էին արժանի Պողոս-Բեկ Փիրումյանի հրամանատարությամբ գործող ղարաբաղցի զինվորները: Նրանք անձնվիրաբար և տոկուն մարտնչելու օրինակ էին ցույց տալիս:

«Ես մինչև այժմ էլ չեմ կարող մոռանալ, - Սարդարապատում մարտնչող ղարաբաղցիների մասին, - գրել է մարշալ Բաղդասարյանը, - թե ինչպես ծայրահեղ անբարենպաստ պայմաններում էին մարտնչում նրանք: Ղարաբաղցիներն անձնվիրաբար հարձակվում էին հակառակորդի՝ թվում է, թե անմատչելի բաղձունքների վերածված դիրքերի վրա: Ես մեծ համակրանքով լցվեցի դեպի ղարաբաղցի



մարտիկները՝ մարտերում նրանց ցուցաբերած խիզախության, ինքնագոհության համար»:

Բռնցքվեց հայ ժողովուրդը, ապավինեց սեփական բազկի ուժին: Բիբլիական Արարատի հովանու ներքո ապրելու իրավունքը ի վերուստ հային էր տրված: Եվ տոկաց ժողովուրդը հայոց, դիմացավ, հավատաց, ապա-գային նայեց ապրելու հույսով և հաղթեց: Հաղթեց թուրքին ու, հավերժի ճամփորդ իր ցուպը ձեռքին, շարունակեց տեղ կանգնել ապրելու իր իրավունքին: Ժողովուրդը մեկ անգամ ևս զգաց իր կորստյան վտանգը ու այն կանխելու համար միասնության, մեկ բռնցք դառնալու անհրաժեշտությունը: Սարդարապատի ճակատամարտը հայ ժողովրդի պատմության ամենփառաբանող էջերից մեկը դարձավ: Այդ հերոսամարտի մասնակիցները միջազգային և ներքին բարոյ ու խճճված իրադրության պայմաններում ապահովեցին Հայաստանի առաջին հանրապետության ծնունդը: Հենց պատերազմի օրերին՝ մայիսի 26-ին Անդրկովկասյան սեյմը հայտարարեց իր լուծարման մասին: Աղբյուրը և Վրաստանը հայտարարեցին իրենց անկախության մասին: Հայոց ազգային խորհուրդն իր հերթին 1918թ. մայիսի 28-ը հայտարարեց անկախ Հայաստանի Հանրապետության ստեղծման օր:

Չնայած մայիսյան հերոսամարտերին, այնուհանդերձ, մահացու վտանգը արևելահայության գլխից լիովին չէր վերացել: Այդ իսկ պատճառով անհրաժեշտ էր հաշտություն կնքել Թուրքիայի հետ և փոքր-ինչ դադար առնել: Հենց Հայաստանի անկախության օր Մայիսի 28-ին Հայոց Ազգային խորհուրդը պատվիրակություն ուղարկեց Բաթում Ալ.Խատիսյանի գլխավորությամբ: Բաթումի

հաշտության պայմանագիրը կնքվեց հունիսի 4-ին: Բաթումի պայմանագրով Թուրքիային են անցնում Արևմտյան Հայաստանը և Արևելյան Հայաստանից Կարսի մարզը և 5 գավառ: Հայաստանի Հանրապետությունը ստեղծվում էր ընդամենը 11 հազար քառակուսի կիլոմետր տարածության վրա: Չնայած պայմանագիրը շատ ծանր էր Հայաստանի համար, բայց այն անկախ Հայաստանի առաջին միջազգային փաստաթուղթն էր: Թուրքիան առաջինը ճանաչեց Հայաստանի անկախությունը: Այդ մասին Խատիսյանը իր ուղարկած նամակում գրել է. «Մենք կբերենք վատ հաշտության պայմանագիր, բայց կբերենք նաև անկախ Հայաստան, տուն, բույն, որտեղ կբնակվենք մեր ժողովրդական միտքը: Այս բոլորը կկապի, կմիավորի, կբարձրացնի ոգին, իսկ դա կարևոր է: Ես հավատում եմ մեր պետությանը»:

Առաջին համաշխարհային պատերազմն ավարտվեց Գերմանիայի ու նրա դաշնակիցների պարտությամբ: Թուրքիան իր զորքերը դուրս բերեց գրաված տարածքներից:

Առաջին հանրապետությունը աշխատում էր աշխարհաքաղաքական լուրջ փոփոխությունների, ներքաղաքական խորացող ճգնաժամի պայմաններում: Քեմալական Թուրքիան շարունակում է լուրջ վտանգ ներկայացնել երիտասարդ Հայաստանի Հանրապետության համար: Ակնհայտ լարվածություն կար քաղաքական կուսակցությունների, քաղաքա-

կան գործիչների, զինվորական հրամանատարների միջև: Նրանցից շատերը հեռացան Հայաստանից: Թուրքիայի դրոմմաբ Հայաստանի շատ շրջաններում զինված բախումներ սկսվեցին տեղի աղբյուրների և հայերի միջև: 1920թ. սեպտեմբերին սկսվեց հայ-թուրքական պատերազմ, որը ճակատագրական նշանակություն ունեցավ Հայաստանի համար: Հայկական բանակը առանց լուրջ դիմադրության հանձնեց Կարսը: «Հայաստանի ճիչերը և օգնության աղաղակները ոչ մի տեղից՝ ոչ «մարդասիրական» Եվրոպայից, և ոչ էլ «հեղափոխական» Մոսկվայից արձագանք չգտան», - գրել է Հայաստանի առաջին հանրապետության վերջին վարչապետ Սիմոն Վրացյանը: Նրա բանակցությունները բոլշևիկյան Ռուսաստանի հետ ավարտվեցին նրանով, որ Հայաստանում հռչակվեցին խորհրդային կարգեր: Խորհրդային 70 տարիների ընթացքում Հայաստանը անմախաղեպ զարգացման առաջընթաց արձանագրեց արդյունաբերության, գյուղատնտեսության, գիտության, կրթության, մշակույթի, բոլոր բնագավառներում: Հայ ժողովուրդն իրեն անթառամ փառքով պսակեց Հայրենական մեծ պատերազմի տարիներին:

Երկրորդ աշխարհամարտ, 1428 երկար ու ծիգ օրեր: Պատերազմ, որ հիմքերից ցնցեց քաղաքակիրթ աշխարհը: Հայ ժողովուրդը բազում փառավոր էջեր գրեց երկրորդ համաշխարհային պատերազմի տարեգրության մեջ՝ սկսած շարքային զինվորից մինչև ռազմաճակատի հրամանատարներ, գեներալներ: Պատերազմի մասնակից հայ մարտիկների ու սպաների թիվը հասել է 671 հազարի, որից զոհվել է 367 հազարը (տարբեր աղբյուրներում, այդ թվում և դասագրքերում տարբեր թվեր են շահարկվում, ստույգը նշածս թվերն

են): Հետաքրքիր է այն փաստը, որ Աղբյուր-նից Հայրենական պատերազմին մասնակցել է 67 հազարով քիչ մարդ, քան հայ ժողովրդի տված զոհերն են:

Հայ ժողովրդի ծոցից ելել են 4 մարշալ և 1 նավատորմի ծովակալ, շուրջ 70 գեներալ, մարշալները և շուրջ 30 գեներալ ղարաբաղցիներ էին, այն դեպքում, երբ ամենաբարձր զինվորական կոչումը աղբյուրացուն շնորհվել է 1965թ., գեներալ-գնդապետի աստիճան: Ղարաբաղից Հայրենական պատերազմին մասնակցել են 45 հազար մարդ, զոհվել՝ 23 հազար, հերոսները՝ 21, որից 1-ը՝ կրկնակի, Փառքի շքանշանի երեք աստիճանի ասպետ՝ 5 հոգի, հերոսների թիվը՝ 108:

78 տարիներ են մեզ բաժանում մայիսյան կարմրաշունչ օրից, երբ լռեցին թնդանթները: Մայիսի 9-ը դարձավ ամենացանկալի տոն օրը: Եվ որքան տարիները մեզ հեռացնում են Մեծ Հայրենականում տարած հաղթանակից, և նուրանում են այդ հաղթանակը կողմերի շարքերը, այնքան ավելի ենք համոզվում, որ միայն հայրենիքի նկատմամբ անսահման սերը կարող է ծնել հերոսություն ու անձնագոհություն: Եվ այդ հերոսությունն ու անձնագոհությունը իբրև ժառանգություն փոխանցվեց Մեծ Հայրենականի հաղթանակը կռած հերոսների որդիներին ու թոռներին, որոնք Արցախյան գոյապայքարի տարիներին իրենց հայրենասիրությամբ գերազանցեցին հայրերին ու պապերին:

Մայիսի 9-ին էր, երբ թուրքը ծնկի չոքեց Շուշիի պարիսպների տակ, և այն Եռատոնի կարգավիճակով (Արցախի պաշտպանության բանակի օր) մտավ ու ամրապնդվեց մեր երկրան մեջ:

Շուշիի ներկայիս կարգավիճակը մեզ պարտադրում է մեկ անգամ ևս հետ նայել մեր անցած ուղուն, դասեր քաղել պատմության էջերից, գոտեպնդվել ոգով և ապագայի նկատմամբ լավատեսությամբ:

Երիցս իրավացի է Նժդեհը. «Հաղթում է այն կողմը, որ վստահ է ոչ թե իր սպառազեն բռնցքին, այլ իր ներազեն ոգու գերազանցությանը: Երկաթե զենքերի դեմ հեշտ է վահան գտնել, բայց ոչ նաև ոգու զենքերի դեմ, որ թունդ պիտի լինի, հայ գորական, անպարտելի է մնում միայն այն դրոշակը, որ պարզվում է ցեղի անունով և ցեղի համար»:

Տարվա 12 ամիսներից թերևս մայիսն է, որ մենք իրավամբ կարող ենք անվանել հաղթանակների ամիս: Հենց մայիսին տեղի ունեցած պատմական հաղթանակներն այնքան հարազատ են մեր հոգուն, որ արժանի են ազգային տոն օրեր կոչվելու:

Ի հավերժացումն Սարդարապատում տարած հաղթանակի (այս տարի լրանում է 105-ամյակը), ի փառս պատերազմի դաշտում զոհված նահատակների և Առաջին հանրապետության ծննդի, 2005թ. մայիսին կազմակերպվեց շուրջպար Արագածի փետերին, որին մասնակցեց շուրջ 160 հազար մարդ: Խորհրդանիշն էր՝ լինել միաբան, ունենալ միասնական կամք, ինչն այսօր շատ ավելի անհրաժեշտ է մեր ժողովրդին: Դա միաժամանակ սերունդների շուրջպար էր: Չեռք ձեռքի տված՝ պարում էին պապ ու թոռ, հայր ու որդի, դպրոցական և ուսուցիչ: Պարողների հոգիներում մի միտք էր ծլարձակվում. «Այնքան պիտի պարենք Արագածի փետերին, որ հերթը հասնի Մասիսին»:

Լեւոն ԱՄԱՔԵԼՅԱՆ
Գ. ԵՄԻՇՅԱՆ

ԱՆՁՆԿԻՐՈՒԹՅՈՒՆ

ՆԵՐՈՍՆԵՐԻ ՕՐԻՆԱԿՈՎ

Մայիսի 9-ը լոկ տոնն չէ, այն մշտական հիշեցումն է այն մասին, որ ամհնար թվացողը միշտ էլ կարելի է հնարավոր դարձնել, եթե կան բավարար կամք ու անսահման անձնվիրություն, եթե կա ըմբռնում, որ դա է միակ ելքը: 1992-ին Շուշին գրոհողները իրենց օրինակով ապացուցեցին դա եւ դաս թողեցին եկող սերունդների համար:

Շուշին ազատագրող ազգային հերոսներից է «Ոսկե արծիվ» շքանշանակիր Աշոտ Խաչատուրյանը: Ծնվել է 1966թ. հուլիսի 16-ին Ստեփանակերտում: Ավարտել է քաղաքի հ. 1 միջնակարգ դպրոցը: Երեք



տարի տեղուկությամբ զինվորական ծառայությունն անցնելով Իժմուկ քաղաքում՝ վերադարձել է Արցախ ու միացել Արցախյան շարժմանը, կամավորագրվել ֆիդայական ջոկատում: 1990թ. ԿԿԸ 3-րդ վաշտի հրամանատարն էր, միաժամանակ զբաղվում էր հետախուզությամբ: 1992թ. Աշոտ Խաչատուրյանը՝ Սե Աշոտը, Աղնախի ուղղությամբ օպերացիայի պատրաստման համար պատասխանատու, հետախույզ, հանդուգն դիվերսիաների եւ Հաղորութի շրջանում մարտերի մասնակից էր: Շուշիի ազատագրման օպերացիայի նախօրեին նա գնաց Գլխավոր շտաբ եւ օգնություն ու խորհուրդ հարցրեց՝ ասելով. «Թող հրամայեն, եւ մենք կմտնենք Շուշի ու կմասնակցենք ազատագրական մարտերին՝ անգամ կնքելով մեր մահկանացուն: Ես իմ տղաների վրա վստահ եմ, ինչպես ինքս ինձ վրա»: Որպես ուղղություններից մեկի հրամանատար՝ նա մասնակցեց Քիրսի ռազմական դիրքերը գրավելուն եւ Լաշին-Շուշի ռազմական ճանապարհը վերահսկողության տակ վերցնելու գործողություններին, որից հետո իրականացվեց «Հարսանիք լեռներում» ռազմագործողությունը, ինչի շնորհիվ ազա-

տագրվեց հայոց հինավուրց բերդաքաղաք Շուշին: Տասնամյակներ թշնամու գերության տակ գտնվող՝ կիսավերված Մուրը Ղազանչեցուցի վրա ծածանվեց հայոց հաղթական եռագույնը: Շուշիի ազատագրումն Արցախյան առաջին պատերազմում բեկումնային նշանակություն ունեցավ եւ նախանշեց հետագա հաղթանակների ուղին, Արցախի համար սա նաեւ պաշարման օղակը ճեղքելու հույս էր:

1997թ. Աշոտ Խաչատուրյանը տեղափոխվեց Երեւան, որտեղ մտավ ծառայության: Ամուսնացած էր, ունեցավ երկու որդի: Աշոտ Խաչատուրյանը իր մարտական ծառայության ընթացքում կարելու ու ռազմավարական նշանակություն ունեցող գործողություններ ու առաջադրանքներ է կատարել, որոնց մասին նշելը նպատակահարմար չէ՝ անվտանգության նկատառումներից ելնելով: 1988-1994թթ. պատերազմում ձեռք բերած հիվանդությունների հետեւանքով մահացել է 2009 թվականին: Կինն ու որդիները վերադարձել են Արցախ:

Ավագ որդին՝ Հայկ Խաչատուրյանը, «EFC» ֆեդերացիայի գլխավոր մարզիչն է, ինչպես նաեւ տաղանդավոր մարզիչ է, քիթ-բոքսինգ, թաեքվոնդո եւ մուայթայ մարզաձեւերում ունի ձեռքբերումներ, պրոֆեսիոնալ մրցաշարերի է մասնակցել ու հաղթել: Մասնակցել է քառօրյա եւ 44-օրյա պատերազմներին: Հոր խրատները սրտում եւ վերագատագրման հույսով՝ ոչ թե խոսքով, այլ գործով ապացուցելու համոզմունքով է ՀԱՅԿ ԽԱՉԱՏՈՒՐՅԱՆԸ ապրում ու արարում, մարզվում ու մարզում սերունդ: Նրա հետ մեր ունեցած հարցազրույցը բովանդակալից էր:

- Հայկ, ինչպիսի՞ն էր Ձեր հայրը:
- Իմ հուշերում հայրս մնացել է այնպիսին, ինչպիսին գիտեն նրան մարտական ընկերները, մտերիներն ու հարազատները. անվախ, համարձակ, չնահանջող, հաստատակամ ու նպատակասլաց, սկսածը ավարտին հասցնող, հայրենամեծեր անձնավորություն, որն ազգային գաղափարները վեր էր դասում անձնական շահից եւ արյուն ու կյանք չէր խնայի այդ գաղափարներն ի կատար ածելու համար: Հայրս նաեւ առանձնանում էր թշնամու հանդեպ անողորմ, դաժան ու հանդուգն վերաբերմունքով ու գործողություններով, ինչն էլ ոսոխի ահ ու սարսափի պատճառ էր դարձել: Մարտական ընկերները պատմում են, որ հորս գլխի համար մեծ պար-



զեւավճար էր խոստացել թշնամին, բայց նրանց չի հաջողվել դա անել:

- Ինքներդ պատերազմների մասնակից եք, օգնե՞լ են, արդյոք, հայրական խրատները պատերազմի ծանր պահերին:

- Միշտ առաջնորդվել եմ ու շարունակում եմ առաջնորդվել նրանից ինձ փոխանցված խրատներով ու օրինակով: Տասնչորս տարեկան էի, երբ հայրս մահացավ: Տասնչորս տարին էլ է բավական նրա վեհ կերպարը հասկանալու, նրա կատարած գործերը վերլուծել կարողանալու համար: Իսկ շատ բաներ էլ նրա մասին իմացել եմ ավելի հասուն տարիքում՝ շփվելով նրա մարտական ընկերների հետ: Ոգետրված լինելով նրա այն գաղափարով, որ հայրենիքի փրկությունը վեր է ամեն ինչից, ու կյանքն անգամ չպետք է խնայել հայրենիքի ազատության համար, ինքս էլ ունեցել եմ եւ ունեմ այդ համոզմունքը. մարտական խնդիրը կատարելիս նահանջ կա, որքան էլ դժվար լինի ու խոչընդոտներով լեցուն ճանապարհը: Հայրս եւ նրա մեծն Եվրոպայից շատ էին Արցախյան առաջին պատերազմի ժամանակ: Նվիրված էին իրենց հայրենամետ գաղափարներին, կոչվում էին գաղափարի մարտիկներ: 90-ականներին գրեթե բոլորն էին մարտիկներ, հատուկներ մարդիկ էին, որ կոչվ չէին գնում: Ամոթ էր կոչվել չմասնակցելը: Կար միանություն, կարգապահություն, ընդհանուր նպատակ ու գաղափար: Մասնակիցը լինելով պարիլյան ու 2020թ. աշնանային պատերազմներին՝ շատ բան եմ տեսել, նկատել ու այնպիսի բաների միջով անցել, որ ինձ պետք են եկել հենց իմ հոր ու նրա մարտական ընկերների խրատներն ու խորհուրդները:

- 2020 թվականի պատերազմից հետո Շուշին կրկին գերության մեջ է հայտնվել: 1992-ից 31 տարի անց Շուշին դարձյալ վիրավոր ու ավերված սպասում է իր զավակներին.

ի՞նչ պետք է անենք: Ազատագրում լինելու է:

- Մեզ պետք են հայրենիքի շահերը սպասարկող, առողջ դատող ու արդար առաջնորդներ, որոնք ոչ թե խոսքով, այլ գործով կարող են ցույց տալ, որ մենք ենք տերը մեր երկրի: Մենք պետք է ավելի շատ գնահատանք տանք Շուշին ազատագրած ու ողջ մնացած մեր լեզուներին եւ սերունդներին համար նրանցից օրինակ վերցնելու, պատմությունից դասեր քաղելու ավելի շատ հնարավորություններ ստեղծենք: Մեր խնդիրը մեր մեջ այդպիսի միջոցներ ձեւավորելն է՝ տեղանքին լավ ծանոթ, մարտական ու ռազմական գիտելիքների տեր, բարձր մարտական ոգով, վայրագ թշնամու անմարդկային գործողություններին համարժեք պատասխան տալու ընդունակ, հոգեպես կոփված մարտիկներ, որոնք նահանջելու ընդունակ չեն: Այդ դեպքում ազատագրում հնարավոր է:

- 44-օրյա պատերազմից հետո շատերի մոտ կա Մայիսյան եռատոնի հետ կապված ոչ միանշանակ մտածում. Շուշիի ազատագրման օրը նշե՞լ, թե ոչ, շնորհավորե՞լ, թե ոչ, Ձեր մտածումն ինչպիսի՞ն է:

- Մայիսի 9-ը փաստ է, որը չեղարկման ենթակա չէ: Տոնն իր խորհուրդը չի կորցրել: Պատահական չէ, որ նշում ենք եռատոն՝ Հայրենական Մեծ պատերազմում հաղթանակի, Բանակի կազմավորման եւ Շուշիի ազատագրման տոն: Ես հիմնվում եմ մի շատ կարեւոր ու լուրջ փաստի վրա՝ մեր տղաները 31 տարի առաջ ինչ որ արել են, այդ արածի շնորհիվ ենք մենք ապրել ու արարել մեր հողում: Օրը նշել՝ չի նշանակում տոնախմբություն կազմակերպել: Իմ մտածմանս Մայիսի 9-ը լավ առիթ է՝ կրկին համախմբվելու Շուշին ազատագրած ու հաղթանակ կերտած մեր հերոսների շուրջ, վերլուծել նրանց կատարած գործերը ու դասեր քաղել: Մենք ունենք օրինակելի կերպարներ, ինչպիսին է Սամվել Բաբայանը եւ ուրիշներ, որոնց կատարածը անհերքելի փաստ է մեր պատմության մեջ:

- Հայկ, քիչ-քոքսինգ մարզաձեւի մարզիչ եք եւ միաժամանակ մարտական պատրաստության դասընթացներ եք վարում քաղաքացիների համար, ի՞նչ սկզբունքների եք ավելի շատ ուշադրություն դարձնում:

- Ներկայումս պարապում եմ քիչ-քոքսինգ կրտսեր տարիքի մարզիկների հետ: Դա միտված է Արցախում

ու մեր ֆեդերացիայի կրտսեր մարզիկներին նախապատրաստելու այդ մարզաձեւով տարբեր մրցաշարերի մասնակցություն եւ Արցախի անունը բարձր պահելուն: Դրան զուգահեռ վարում եմ մարտական պատրաստության եռամսյա դասընթացներ, որոնք ընդգրկում են 16 եւ բարձր տարիքի մարզիկներ: Առաջնային սկզբունք է, որ թանկ է յուրաքանչյուր քաղաքացու կյանքը: Լեռնային Ղարաբաղում ապրող ցամաքացած մարդ, առավել եւս՝ տղամարդ, պետք է լինի մարտունակ, բոլորն էլ պետք է գոնե տարրական գիտելիքներ ունենան: Իմ կողմից մատուցվող հմտություններն ու հնարքները համապատասխանում են լավ մարտիկ պատրաստելուն: Շեշտը դրված է մարզվողների մարտականությունը բարձրացնելու վրա: Դրա մեջ մտնում են ֆիզիկական պատրաստություն, այսինքն՝ ուժեղ, կոփված մարմին, մոտիկ մարտ վարելու հնարքներ եւ տեխնիկա, կտրող, ծալող հնարքներ, սառը գեների՝ դանակի հետ աշխատելու հնարքներ, հրազեն կիրառելու եւ դրանից պաշտպանվելու պատրաստություն, քաղաքացիական պաշտպանության հմտություններ. ինչպես գործել օդային տագնապի ժամանակ, բաց տարածքում ինչպես կարողանալ ճիշտ կողմնորոշվել, օգտվել կողմնացույցից, ինչպես նաեւ 21-րդ դարի տեխնոլոգիաները կարողանալ նպատակային օգտագործել եւ այլն: Այս ամենը մատուցվում է փուլ առ փուլ, համապատասխան պատրաստություն ստանալուց հետո: Ուշադրություն է դարձվում ոչ թե նրա վրա, որ մատուցվող ծրագիրը կատարելու նպատակով, այլ բանին, որ մարզվողը կարողանա սովորել ու ճիշտ կատարել հանձնարարվածը: Ձիմվորի կյանքը առաջնային արժեք է: Պետք է լավ պատրաստել, թույլ չտալ, որ մեր հայրենակիցները անպատրաստ ուղարկվեն մարտադաշտ: Կարեւոր սկզբունք է կարգապահության սահմանումն ու պահպանումը, իհարկե, սեփական օրինակ ցույց տալով: Պետք է դաստիարակել այնպիսի սերունդ, որի հետ չեն համարձակվի կռվել: Պետք է կարողանանք տերը մնալ մեր հողերի, մեր հայրենիքի եւ մեր հայրերի հաղթական ոգով շարունակենք ապրել ու արարել մեր հողում՝ կերտելով մեր հաղթանակների օրեր:

Ստեփան ԱՎԱԳՅԱՆ

ԱՅԲՈՒԲԵՆԻ ՏՈՆԸ ՀԱՂՐՈՒԹԻ ԴՊՐՈՑՈՒՄ

Ապրիլի 19-ին Հաղորութի միջնակարգ դպրոցում տիրող տոնական տրամադրության առիթն առաջին դասարանցիների «Հրաժեշտ Այբբենարանին» միջոցառումն էր, որին ներկա էին ուսուցիչներ, ծնողներ եւ աշակերտներ:

Միջոցառումը սկսվեց դասվար Արևիկ Բաբայանի ելույթով. «Այսօր մեզ համար տոն է, Այբուբենի տոնը փառավոր: Մեր հրաշք բալիկները դարձան գրաճանաչ՝ հաղթահարելով բոլոր դժվարությունները: Այբբենարանը այն փոքրիկ պատուհանն է, որով յուրաքանչյուր աշակերտ կարող է ներս թափանցել գիտելիքների աշխարհ: Ծիշտ է այն թևավոր խոսքը, որ դասվարը Այբբենարանի էջանշանն է, որ ցույց է տալիս յուրաքանչյուր տառ: Արցախյան այս իրավիճակով համոզվեցինք, որ պետք է աշակերտներին զինել անենահզոր գեներով՝ գիտելիքով: Անտեսելով ներկայիս իրավիճակի պատճառները՝ ես ինքս հոգուս ամենամուրթ թելերով կապվել եմ իմ 14 սաներին ու, չխնայելով ջանք ու եռանդ, աշխատել եմ դարձնել տառաճանաչ: Այսօր նրանք ճանաչում են Մաշտոցյան 39 զինվորներին, այն զինվորներին, որ ոչ ոք չի



տել եմ դարձնել տառաճանաչ: Այսօր նրանք ճանաչում են Մաշտոցյան 39 զինվորներին, այն զինվորներին, որ ոչ ոք չի

կարող նրանց ոչ տապալել, ոչ կործանել եւ ոչ էլ թալանել»: Այնուհետև խոսքը տրվեց փոքրիկներին: Նրանք վարժ ու արտահայտիչ ասումներեցին, պարեցին, երգեցին երգեր՝ նվիրված հայոց գրերին:

Առաջին դասարանցիներին շնորհավորեց դպրոցի ուսումնական գծով փոխտնօրեն Ս. Դուլյանը՝ մաղթելով, որ Արցախ աշխարհում տիրի խաղաղություն, և նրանք կարողանան հասնել իրենց նպատակներին: Ծնողկոմիտեի կատարելու Մաթեմիկ Սարգսյանն էլ իր և բոլոր ծնողների անունից շնորհակալություն հայտնեց դասվար Ա.Բաբայանին, որ նրանց փոքրիկներն արդեն տառաճանաչ են, կարողանում են միմյանց հետ հաղորդակցվել, գրել ու կարդալ մեսրոպատառ գրերով:


Իսկ ես մեր փոքրիկներին ցանկանում եմ նորանոր հաջողություններ ուսման ասպարեզում: Թող դեպի գիտելիքներ տանող ճանապարհը նրանց համար լինի հարթ ու հաղթական:

Արեգա ՄԱՐՏԻՐՈՍՅԱՆ

ՕԳՆՈՒԹՅՈՒՆ ՈՒՍՈՒՑՉԻՆ

ԽՆԴԻՐՆԵՐ ՈՒՂԻ ԵՎ ԲԱԶՄԱՆԻՍԻ ՀԱՏՄԱՆ ԿԵՏԵՐԻ ԿԱՌՈՒՅՄԱՆ ՎԵՐԱԲԵՐՅԱԼ

Ամփոփագիր: Հոդվածում լուծվում են մի շարք խնդիրներ ուղղի և բազմանիստի հատման կետերի կառուցման վերաբերյալ, որոնք կարող են հետաքրքրել դպրոցի մաթեմատիկայի ուսուցիչներին:



Խնդիր 1. Տրված է ABCDA'B'C'D' խորանարդը և նրա երկու զուգահեռ նիստերին երկու կետեր՝ M և N: Գտնուցել այդ կետերով անցնող ուղղի և խորանարդի նիստերի հարթությունների հետ հատման կետերը, / զծ. 1/:

Լուծում: Նախ կառուցենք M և N կետերի օրթոգոնալ պրոյեկցիաները խորանարդի հիմքի հարթության վրա՝ M' և N' -ը: Այնուհետև MM' և NN' զուգահեռ ուղիղներով անցնող հարթությունը, / գծագրում այդ հարթությունը ներկված է / : MN ուղղի վրա նշված 6 կետերից յուրաքանչյուրը հանդիսանում է խորանարդի համապատասխան նիստի հետ հատման կետ, որոնց թիվը 6 է:

Խնդիր 2. Բուրգի երկու կողմնային նիստերին տրված են երկու կետեր՝ M և N, որոնց պրոյեկցիաները հիմքի հարթության վրա՝ M' և N' կետերն են: Տարված է ուղիղ, որն անցնում է M և N կետերով: Գտնուցել MN ուղղի և բուրգի նիստերի հատման կետերը:

Լուծում: Գտնուցենք MN ուղղի հետքը հիմքի հարթության վրա, կստանանք 3 կետը: MN ուղղի և բուրգի BSC նիստի հետ հատման կետը նշանակված է 1 թվով: Այսպիսով, MN ուղղի վրա ստացանք 3 կետեր, որոնք համընկնում են եռանկյուն բուրգի կողմնային նիստերի թվի հետ, /զծ. 2/:



Խնդիր 3. Բուրգի CSD նիստում տրված է M կետը, իսկ ASB նիստում՝ N կետը: Այդ երկու կետերով տարված է MN ուղիղը: Գտնուցել այդ ուղղի և բուրգի նիստերի հետ հատման կետերը:

Լուծում: Գտնուցենք այդ կետերի պրոյեկցիան հիմքի հարթության վրա, կստանանք M' և N' կետերը: Գտնուցենք MN' ∩ AD = {4}: Քանի որ MN-ի պրոյեկցիան MN' է, ապա այդ ուղիղների հատման կետը կհանդիսանա 5 կետը: Այսպիսով, MN ուղիղը քառանկյուն բուրգի բոլոր 5 նիստերի հետ հատվում է, /զծ. 3/:

Խնդիր 4. Տրված է հնգանկյուն պրիզմա: Նրա AEE'A' և CDD'C' նիստերի վրա երկու կետեր՝ M և N: Այդ կետերով տարված է ուղիղ: Գտնուցել այդ ուղղի և պրիզմայի հարթությունների հատման կետերը:

Լուծում: Գտնուցենք այդ ուղղի օրթոգոնալ պրոյեկցիան հիմքի հարթության վրա: Կստանանք KM' ուղիղը:


DE' ∩ MN = {7}; DM' ∩ MN = {T}; BA ∩ MN' = {K}: K կետում կանգնեցնենք ուղղահայաց պրիզմայի հիմքի հարթությանը, կստանանք K6 ուղիղը: Այսպիսով, MN ուղղի վրա ստացանք 7 կետեր, որոնք համապատասխանում են բազմանիստի հատույթի կետերի հատման կետերի թվի հետ, / զծ. 4/:




Խնդիր 5. Տրված է ABCDE հիմքով S գագաթով հատած բուրգը: Եվ երկու նիստերին՝ ASB և DSE երկու կետեր՝ M և N: Գտնուցել այդ կետերով անցնող ուղղի և բուրգի նիստերի հատման կետերը, / զծ. 5/:

Լուծում: M և N կետերը պրոյեկտենք բուրգի S գագաթից հիմքի հարթության վրա, կստանանք M' և N' կետերը:

- MN ∩ MN' = {3};
- CD ∩ MN' = {6'};
- S6' ∩ MN = {6};
- CB ∩ N'M' = {S'};
- EA ∩ N'M' = {7};
- S7' ∩ NM = {7};
- SS' ∩ NM = {5};



Էլ ավելի գծագիրը տառերով և թվերով չձանրաբեռնելու համար առանց մանրամասնելու գրենք, որ 4 կետը ստանալու համար տանում ենք բուրգի վերին հիմքում ուղիղ և ստանում MN ուղղի 4 կետը: Այսպիսով, կառուցեցինք MN ուղղի հատման բոլոր 7 կետերը բուրգի նիստերի հետ, /զծ. 5/:



Օգտագործված գրականություն

1. Ф. Ф. Лысенко, С. Ю. Кулабухова, Математика. Сечения многогранников. Легион, Ростов-на-Дону. 2016
2. Е. В. Потаскуев. Опорные задачи по геометрии. Издательство «Экзамен», Москва, 2017

Ռուդիկ ԱՌԱՔԵԼՅԱՆ
ԱրՊՅ մաթեմատիկայի եւ
ֆիզիկայի ամբիոնի պրոֆեսոր,
Մ. գ. թ.

ԲՆԱԳԻՏԱԿԱՆ ԱՌԱՐԿԱՆԵՐԻՆ ՆՎԻՐՎԱԾ ՄԻՋՈՅԱՌՈՒՄ



Ասկերանի շրջանի Նորագյուղի Վ. Պետրոսյանի անվան միջնակարգ դպրոցում տեղի ունեցավ բնագիտական առարկաներին նվիրված միջոցառում: Այն կազմակերպվել էր դպրոցի բնագիտական մեթոդավորման մասնախմբի ուսուցիչների կողմից՝ մասնախմբի նախագահ Ա. Գրիգորյանի նախաձեռնությամբ և ղեկավարությամբ:

Միջոցառումն առանձնահատուկ էր նրանով, որ շատ հետաքրքիր ու բազմաբովանդակ էր: Մեր խելացի աշակերտները ներկայացրին աշխարհագրական վիկտորինաներ, գիտական հետաքրքիր փաստեր ու տվյալներ, կատարեցին փորձեր կենսաբանություն, քիմիա և ֆիզիկա առարկաներից, ցուցադրեցին փոքրիկ ներկայացումներ աշխարհի հայտնի գիտական հայտնագործությունների մասին և այլն: Եվ մենք մեր աշակերտների մեջ տեսանք ապագա բժիշկների, գիտնականների, մաթեմատիկոսների, աշխարհագրագետների ու աստղագետների: Հաջողություն մաղթենք նրանց իրենց ընտրած ճանապարհին:

Հուսանք, որ նման միջոցառումներ հաճախակի կկազմակերպվեն մեր դպրոցում, որովհետև դրանք հետաքրքրություն ու սեր են առաջացնում երիտասարդ սերնդի մեջ բնագիտական առարկաների նկատմամբ, որն էլ շատ կարևոր ու անհրաժեշտ է մեր երկրի կրթության և գիտության զարգացման համար:

Շնորհակալություն կազմակերպիչներին ու մեր սիրելի աշակերտներին մեզ հագեցած օր պարգևելու համար:

Նորագյուղի միջնակարգ դպրոց

ՕՐԱԽՆԴԻՐ

ՄԱՐԶԱԿԱՆՑ ԴԵՊԻ ՄԱՐՏԱԿԱՆ ՊԱՏՐԱՍՏՈՒԹՅՈՒՆ. ԺԱՄԱՆԱԿԻ ՀՐԱՄԱՅԱԿԱՆԸ

Ուրախալի է, որ սպորտային պարապ- մունքներին զուգահեռ Արցախում թափ է առնում նաև քաղաքացիներին մարտա- կան պատրաստություն սովորեցնելու գոր- ծընթացը: Շարունակական լինելով, ան- շուշտ, գործընթացն անցնելու է զարգաց- ման փուլերն ու դառնալու է մասսայական, արդի: Կարելու է մարտական պատ- րաստության դերն ու նշանակությունը, ակ- տիվորեն մասնակցելով կազմակերպվող դասընթացներին՝ ավելի ենք ամրանալու, կարողանալու ենք ճիշտ գնահատել եւ օգ- տագործել մեր ներուժը, ավելի ամուր ենք կառչելու մեր հողին ու արժանա- պատվորեն ենք պայքարելու մեր հողում ապրելու համար:

Հետևողական լինելով, որ Արցախում զարգացած լինեն ոչ միայն տարբեր մարզածեւեր, այլև հնարավորություն ստեղ- ժելով քաղաքացիների համար, նաև մարտական պատրաստու- թյուն անցնել, մարզադպրոցնե- րի մարզիչների կողմից արդեն իսկ մշակվում է քաղաքացիների մարտունակությունը բարձրաց- նելուն միտված դասընթացների ծրագիր, իսկ որոշ ֆեդերացիա- ներում գործում են մարտական պատրաստության խմբեր:

Շարունակաբար հարցազ- րույցներ վարելով տարբեր մարզածեւերի մեր մարզիչների հետ՝ ակնհայտ է դառ- նում, որ նրանց ուժն ու ոգին, մարզական բարձր ձեռքբերումները չեն ավարտվում միայն մարզադահլիճում կամ ռինգում, այլ ցայտուն դրսևորում են ստանում նաև ռազմադաշտում կամ քաղաքացիական պաշտպանություն ցուցաբերելու ժամա- նակ: Պատերազմներով անցած գրեթե բո- լոր մարզիչներն էլ խոսում են այն մասին, որ այնպիսի իրավիճակներում են հայտն- վել, երբ կյանքի ու մահվան պայքարը կա- րող էր հօգուտ մահվան ավարտվել, եթե

խելացի չգործեին կամ չունենային մարզա- կան ու մարտական հմտություններ:

Ուրեմն, պետք է ազգը կոփել, ամբողջ բնակչությամբ դառնալ պաշտպաններ մեր հողին ու հայրենիքին՝ ողջ մնալով: Այդ նպատակին հասնելու համար միայն սպոր- տը բավական չէ: Սպորտը այլ բան է, մար- տական պատրաստությունը՝ այլ: Ուստի մարզական պատրաստությանը զուգահեռ մարզիչները սկսում են նաև մարտական պատրաստության դասընթացներ վարել՝ իրենց գիտելիքներով ու փորձով կիսվելով, օգնելով մարդկանց, որ էքստրենալ իրավի-



ճակներում կարողանան ճիշտ գործել, իրար օգնել եւ ողջ մնալ: Անհրաժեշտ են ուժեղ, խելացի, մարտական պատրաստու- թյուն անցած փորձառու մարդիկ՝ ոչ միայն զինծառայողների, սպաների ու իրամաս- տարների շարքերում, այլև հասարակ քա- ղաքացիների շրջանում:

Դասընթացներին ընդգրկվելու համար տարիքային կտրուկ սահմանափակում չկա: Կարող են, եւ անհրաժեշտ է, որ բոլոր քաղաքացիները, անկախ տարիքից ու մասնագիտությունից, դիմեն հաճախելու համար: Թանկ է յուրաքանչյուր քաղաքա-

ցու կյանքը: Բոլորն էլ պետք է կարողանան ունենալ զոնե տարրական գիտելիքներ՝ ինքնապաշտպանության ու ողջ մնալու հմտությունների մասով:

Ընթերցողները կարող են կարծել, թե մարտական պատրաստության հմտու- թյունները յուրացնելը դժվար է կամ ոչ բո- լորին է հարմար: Իհարկե, ոչ ոք չի վիճում դրա հետ: Բայց պետք է հաշվի առնել, որ «մարտական պատրաստություն» հասկա- ցությունը ներառում է լայն շրջանակ: Ամեն դեպքում սովորել ցանկացողները եւ դրա կարելուությունը նշանավորողները, ան- շուշտ, գտնում են յուրացնելու հմ- տությունների եւ անելիքների իրենց բաժինը՝ նույնիսկ մարտա- կան պատրաստության լայնա- մասշտաբ լինելու պարագայում:

Պրոֆեսիոնալ մարտական պատրաստությունը ներառում է մի շարք ուղղություններ, որոնցից մե- կը մարտական հատուկ պատրաս- տությունն է, որը հաշվի է առնված ինչպես քաղաքացիական անձանց, այնպես էլ անվտանգության ոլոր- տի համագործակիցների համար: Սովորողներին առաջարկվում է մի քանի դասընթացների ընտրու- թյուն, որոնք ընդգրկում են տակ- տիկական հրաձգություն տարբեր զինատեսակներից, դանակով մարտ, ինքնապաշտպանություն եւ ողջ մնալու հմտություններ անսովոր կամ էքստ- րենալ վիճակներում: Իսկ որոշ դասընթաց- ներ անցնում են թվարկվածի համադրու- թյամբ:

Մարտական պատրաստությունը ներա- ռում է մերձակա մարտ վարելու համա- կարգ, որտեղ սովորեցնում են ինչպես հա- կամարտել զինված կամ անզեն հակառա- կորդի հետ եւ էքստրենալ իրավիճակնե- րում ճիշտ որոշումներ կայացնել: Տակտի- կան մարտական պատրաստության ամբա- ժանելի մասերից է, որն իրենից ներկայաց-

նում է կարճ հեռավորության վրա մարտ վարելու թեորիա ու պրակտիկա: Դանակա- յին մարտը ներառում է դանակով մարտ վարելու կամ պաշտպանվելու թեորիա ու պրակտիկա, ընդ որում, հրազենային զենք ունեցող հակառակորդի դեմ: Տակտիկա- կան հրաձգության (ատրճանակ, հրացան) դասընթացների ժամանակ ցուցատրում են ու պատմում, թե ինչպես վարվել զենքի հետ, ինչպես կրակել թաքստոցից, ինչ անել, եթե հակառակորդից շատ մոտ հեռա- վորության վրա ես եւ այլն: Առանձին ուշադրություն է դարձվում սովորողների բարոյահոգեբանական վիճակի վրա, տար- վում է համապատասխան աշխատանք՝ յու- րաքանչյուր սովորողի մոտ ձեւավորելու մարտական բարձր ոգի, մարտունակու- թյան բարձր մակարդակ: Սկզբունքորեն կարելուություն է տրվում ոչ թե նրան, որ այս ամենը մատուցվի ծրագիրը կատարե- լու նպատակով, այլ այն բանին, որ դասըն- թացների մասնակիցները կարողանան սո- վորել, յուրացնել ու ճիշտ կատարել հանձ- նարարվածը:

Բնականաբար, միայն մարզադահլիճը չի կարող բավարար լինել մարտական պատրաստության բոլոր կետերի կատար- ման համար: Հնարավորություն է ստեղծ- վում, որ սովորողները մարզումներին մաս- նակցեն հնարավորինս իրականությանը մոտ՝ բնական պայմաններում, կարողա- նան կողմնորոշվել բաց տարածքում, սովոր- րեն օգտվել կողմնացույցից, իմանան ինչ անել օդային տազնապի ժամանակ, օգտ- վեն հրաձգարաններից ու վարժասարքե- ռից:

Առաջիկայում հնարավորություն ենք ունենալու ներկա գտնվել մարտական պատրաստության դասընթացներից որեւէ մեկին, տեղում ծանոթանալ քաղաքացինե- րի մարտական պատրաստության ընթաց- քին, զրուցելու մարզիչների եւ սովորողնե- րի հետ:

Սոնյա ԱՎԱԳՅԱՆ

ԱՆՈՒՆԴ՝ ՀՎԿԵՐԺ ՄԵՐ ՄՐՏԵՐՈՒՄ



Ստեփանակերտի Ա. Դուլյանի անվան հ. 2 հիմնական դպրո- ցում մայիսյան հաղթանակների կապակցությամբ անցկացվեց ձևով ու բովանդակությամբ ինքնատիպ արիության դաս: «Անունը՝ հավերժ մեր սրտերում» խորագրով միջոցառումը նվիրված էր 44- օրյա պատերազմում դպրոցի զոհված շրջանավարտների անու- նով դասասենյակների հանդիսավոր անվանակոչմանը: Ներկա էին ԱՀ ԿԳՄՍՆ և քաղաքապետարանի ներկայացուցիչներ, քաղա- քապետը, զոհված քաջամարտիկների ծնողներ, հարազատներ, մարտական ընկերներ, այլը: Միջոցառման նախածեռնող՝ դպրո- ցի մանկապատանեկան աշխատանքների կազմակերպման գծով տնօրենի տեղակալ Կարինե Աբրահամյանը բացման իր խոսքում նշեց, որ դասասենյակների հանդիսավոր անվանակոչումը կրթո- ջալսի հերոս շրջանավարտների անունով կմտնի դպրոցի տարեգ- րության Ոսկե հուշամատյան, քանզի այն կդառնա հայրենամկեր պատգամ սերունդներին՝ նրանց անունները միշտ հիշել բարձր ու հպարտորեն, կիսատ թողած գործը շարունակել արժանապատ- վորեն:

Մեկ րոպե լռությամբ ներկաները հոտնկայա հարգեցին վասն հայրենյալ նահատակվածների հիշատակը: Ապա հնչեց Արցախի օրհներգը՝ յուրաքանչյուրի սրտում առաջացնելով նույն փափա- զը. «Փառավոր օրհներգ մեր սուրբ հայրենիքի, դեռ դարեդար հն-

չես դու այսօր շրջափակված ու վիրավոր, սակայն կանգուն ու հզոր, միշտ ամուր ու անսասան Արցախում՝ շնորհիվ թո քաջ որ- դիների, մեկ բռունցք դարձած ժողովրդի, միշտ բարձունքում հե- րոս տղաների: Ոտքի՛, Արցախ...»:

Դաս-միջոցառումն սկսվում է նրա դեկավար Կ. Աբրահամյանի կողմից «Ներկա-բացակա» անելով:

- Աբրահամյան Էդուարդ Իլյայի**
- Ներկա՛ եմ, կրթօջախ իմ հարազատ:
- Ալլահվերդյան Լեռնիկ Ջոնիկի**
- Ներկա՛ եմ, դու իմ սուրբ բնօրրան:
- Բաբայան Արմեն Կամոյի**
- Ներկա՛ եմ, մեզ անձնուրաց ու հայրենամկեր առաքելություն կատգամած սուրբ օջախ:
- Դալլաբյան Աշոտ Ռուբենի**
- Ներկա՛ եմ, ազատ ու անկախ իմ Արցախ:
-

44-օրյա պատերազմում զոհված բոլոր 22 հերոսները ներկա են՝ շնորհիվ իրենց մարմնավորող հայրենիքի վաղվա պաշտպան- ների, որոնք հաստատում են, որ նրանք միշտ մեզ հետ են, մեր կողքին, միշտ ներկա են, ու նրանց երբեք բացակա չենք զնի... Ապա տղաներին միանում են աղջիկները՝ ցույց տալով, որ նա-



խորը մեր պատերազմներում հայ կանայք եղել են տղամարդ- կանց կողքին, ու այդպես էլ կլինի միշտ: Հրեղեն խոսքին հաջոր- դում են երգը, պարը, նվագը: Բոլորը մի բանի մասին են խոսում.

- Մեր անունն Արցախ է, մենք չենք հանձնվում: Ոտքի՛, Արցախ, հաղթական Արցախ, կանգուն, հպարտ ու հզոր Արցախ, եղել ես, կաս ու միշտ կլինես, հայկական Արցախ, մեր սուրբ հայրենիք Ար- ցախ: Պատանիների ու պարմանուհիների ելույթների յուրօրինակ ընդհանրացում-գնահատականն է դպրոցի տնօրեն Լաուրա Մար- տիրոսյանի խոսքը,

- Բոլորս վկա, ակամատեղ եղանք, թե մեր այսօրվա լույս սե- րունդը ինչպիսի դաս մատուցեց մեզ: Սիրելի՛ ուսուրեր, դուստրեր, մեր լույս տղաներ, երբեք չվիատվեք: Այն հերոսապատումը, որ գրեցին մեր տղաները 44-օրյա դաժան պատերազմի ժամանակ, այսօր էլ առ էլ դուք մատուցեցիք մեզ: Մատուցեցիք, որ հավեր- ժության մեջ, ակնթաթների մեջ, ողջ պատմության ընթացքում չպետք է մոռացվեն նրանց խիզախումն ու արարումը: Բայց, սիրե- լի՛ աշակերտներ, դուք, որ Արցախի ապագան եք, հուշամատյանի էջերը լավ սերտելուց բացի ավելի քան պետք է տիրապետեք մա- քառումի՛ էջերին: Հէ՛ որ զոհված տղաների ոգին անցել է ձեզ, պետք է հուշամատյանը անընդհատ սերտել և չթողնել վայրկյան անգամ մոռացումի փոշի մստի երբեք ու երբեք: Բայց պետք է նաև միշտ հիշել, որ ապրելով ոգով՝ պետք է ուժեղանալ: Դա՛ են պահանջում այսօր կյանքի մարտահրավերները մեզանից: Ապրողներիս գործն այն է լինելու, որ այնպես անենք, որ այս դա- սասենյակներում, մեր բոլոր դպրոցներում սովորեն հայ երեխա- ները: Դրա համար մեր խոսքը դարձնենք գործ, մեր բառն ու բանը դարձնենք գործ, մեր քայլերը դարձնենք գործ, մեր միտքը, մեր գործը միմիայն համուն հայրենիքի՛ լինի, և պահենք Արցախը:

Միջոցառման շարունակությունը հերոսների անուններով կոչ- ված դասարաններում էր:

Աշոտ Վերդիյանի անունով կոչվում է 1-ին «գ» դասարանը: Փոքրիկները երգվեցին, որ հպարտորեն ոտք կոխեն, քաջի անու- նը կրող դասասենյակ, վառ կպահեն մեր արծիվ տղաների անմար հիշատակը, և կշարունակեն նրանց կիսատ թողած հայրենամկեր գործը:

Այդ հիշարժան օրը նրանք մտան աստղիկների շարքերը:

Ս. ՎԱԲԻԵԼՅԱՆ

ՄԱՆԿԱԿԱՐԺԱԿԱՆ

ՂԱՍՂԵԿԸ ԱՃԱԿԵՐՏՆԵՐԻ, ՆՐԱՆՑ ԾՆՈՂՆԵՐԻ ԴԵՍՊԱՆՆ Է ԴՊՐՈՑՈՒՄ

Ներդպրոցական վերահսկողության համակարգում անգնահատելի է դասարանի ղեկավարի դերն ու նշանակությունը: Այն նույնքան մասնագիտական գիտելիքներ, կարողություններ ու հմտություններ է ներառում, որքան որ առարկայի փորձառու ուսուցիչը: Լույս ու բարիք սերմանելը ուսուցիչ դառնալու կարևորագույն նախապայմանն է բոլոր ժամանակների համար: Եվ եթե ձեռք բերած կարողություններին ու հմտություններին գումարեմք մասնադրված մեծ հմայքը, ապա նա կդառնա այն անձնավորությունը, որի շուրջը, անկասկած, կհամախմբվեն բոլոր աշակերտները: Սա առաջին հերթին հենց դասղեկի թերևս պարզ բնութագիրն է: Դասղեկը դպրոցի միջին օղակում ներդպրոցական վերահսկողությունն ապահովող սուբյեկտ է, որի իրականացումը գործառնությունների գլխավոր նպատակն այն է, որ նպաստի ուսուցիչ-ուսուցիչ, ուսուցիչ-աշակերտ, ուսուցիչ-ընտանիք առողջ փոխհարաբերությունների հաստատմանը, աշակերտի անձի ձևավորմանը, զարգացմանն ու դաստիարակմանը, որը պետք է դառնա ուսումնադաստիարակչական գործընթացի արդյունավետության բարելավման գրավականը: Հանրակրթական դպրոցի գործունեության կարևորագույն նպատակը չի սահմանափակվում հասարակությանը առարկայական գիտելիքներով հարուստ շրջանավարտ տալով: Ցանկալի է, որ նա ունենա մարդկային բարձր որակական հատկանիշներ՝ լինել հայրենասեր, ազգային մտածողություն ունեցող, ինքնուրույն մտածելակերպով օժտված անձնավորություն, որն ի վիճակի է տարբեր իրավիճակներում ճիշտ կողմնորոշվել, հարգել համամարդկային արժեքները, լինել իր ուժերին վստահ: Դասարանի ղեկավարը պետք է իր ամենօրյա աշխատանքում ներառի այս և նման շատ այլ դրույթներ: Դասարանի ղեկավարը, հանձն առնելով այդ պատասխանատու պարտականությունը, իր աշխատանքները պլանավորելիս պետք է հաշվի առնի մի շարք առանձնահատկություններ և անշեղորեն պայքարի դրանք կյանքի կոչելու համար: Նախ և առաջ պետք է ձևավորել միասնական նպատակներ հետապնդող դասարանական կոլեկտիվ: Այդ նպատակին հասնելու համար պետք է կարողանալ դասարանում ապահովել բարոյահոգեբանական առողջ մթնոլորտ, որը կնպաստի աշակերտների համադասարանական ուսումնական գործունեությանը, ինչպես անհատական, այնպես էլ խմբային: Ուսումնական պրոցեսում նվաճումները կլինեն ավելի շոշափելի, երբ դասղեկը համագործակցի դասարանում աշխատող առարկայական ուսուցիչների հետ և համակարգի նրանց գործունեությունը: Դասղեկի ուշադրությունից չպիտի փրկվեն աշակերտների հաճախումները, նա պետք է հետևի օրագրերին, նրանց առաջադիմության մասին տեղյակ պահի ծնողներին: Դասղեկ լինելը պարտավորեցնում է համապարփակ աշխատանք տանել ինքնատիպ ընդունակու-

թյուններ ունեցող աշակերտների հետ ինչպես նրանց մտահորիզոնը ավելի ընդարձակելու և հետաքրքրությունների շրջանակներն ընդլայնելու համար, այնպես էլ «դժվար» երեխաների ու նրանց ծնողների հետ՝ չբացառելով նաև հոգեբանի միջամտության անհրաժեշտությունը: Իսկ սա նշանակում է անհատական մոտեցում յուրաքանչյուր աշակերտի նկատմամբ, ինչը, բնականաբար, դասարանի ղեկավարի աշխատանքի կարևորագույն օղակն է: Դասարանում ծագած կոնֆլիկտներին անդրադառնալը դասղեկի աշխատանքի առաջնահերթություններից է, բայց այն արդարացի լուծելու և պատճառն արմատախիլ անելու համար կարևոր է աշակերտներին, նաև նրանց ծնողներին, նրանց ընտանեկան վիճակին քաջատեղյակ լինել: Աշակերտի՝ մասնագիտության մեջ կողմնորոշվելն ու այդ ուղղությամբ հետաքրքրություններ դրսևորելը շատ հաճախ բախվում են ծնողների կարծիքներին: Նման իրավիճակներում մեծ մասամբ հաղթող են ճանաչվում ծնողները: Այս պարագայում շատ կարևոր է դասղեկի հետևողական աշխատանքը, կարևորվելով և իհարկե, առաջնահերթությունը տրվելով աշակերտի նախընտրած մասնագիտությանը: Տեղն է հիշեցնել հայ մեծահարուստ Գ. Գյուլբեկյանի ասույթը. «Մարդ իրավունք չունի սխալվել երկու ընտրության մեջ՝ մասնագիտություն ընտրելիս և ամուսնանալիս. դրանք նրա կյանքի մշտական ուղեկիցներն են»: Մանուկ հասակից աշակերտները պետք է լավ իրազեկված լինեն ինչպես իրենց իրավունքների ու այդ իրավունքների պաշտպանության, այնպես էլ իրենց պարտականությունների ու դրանք անվերապահորեն կատարելու մասին: Դասղեկն իր աշխատանքները պլանավորելիս պետք է նաև այդ հարցերը ներառի ու հետևողական լինի ուստարվա ընթացքում: Պարբերաբար դասալսումներն առարկայական ուսուցիչների մոտ, նրանց հետ խորհրդակցելը, համատեղ ուժերով առկա հիմնահարցերին անդրադառնալը և դրանց ճիշտ լուծումներն ավելի դյուրին դարձնելը դասղեկի անբեկանելի աշխատանքի մասը պետք է լինեն: Դասղեկի ամենօրյա աշխատանքի մաս պետք է դառնա դասարանում, դպրոցից դուրս աշակերտի օրինակելի պահվածքի, արտաքին տեսքի, լավ արարքների խրախուսումը, դասարանի հեթոթապահությանը, դասարանի սանիտարական վիճակին հետևելը: Դասղեկն աշակերտների հետ շփումը հիմնականում իրականացնում է գրույցների, միջոցառումների կազմակերպման միջոցով, ինչը հնարավորություն է տալիս բացահայտել երեխաների ներաշխարհը, խթանել նրանց առաջընթացը: Լավ կլինի նաև այդ բոլորի մասին գրառումներ կատարել այդ նպատակի համար հատուկ մատյանում: Հարկ է, որ այդ մատյանում յուրաքանչյուր աշակերտի համար հատկացված լինեն հատուկ էջեր, որոնցում կլուսաբանվեն նրանց հետ անձնական շփումների

արդյունքները, տվյալներ նրանց նախասիրությունների, հետաքրքրությունների, ընտանիքի, ծնողների, ընկերների մասին, հասարակական աշխատանքներում, կազմակերպվող միջոցառումներում աշակերտի ցուցաբերած ակտիվության մասին: Գրառումները կօգնեն դասղեկին աշխատանքի մասին հաշվետվություններ ներկայացնել դասղեկական մեթոդավորման (եթե կա) կամ մանկխորհի նիստերում: Ներդպրոցական վերահսկողության համակարգում շատ կարևոր են դասղեկի դաստիարակչական գործունեության գործընթացի պլանավորումն ու կազմակերպումը՝ սովորողների հոգեբանական և անհատական առանձնահատկությունների հաշվառմամբ: Դասարանի աշխատանքները պլանավորելիս անհրաժեշտ է նախաձեռնել այնպիսի գործառնություններ, որոնք կերտաշխարհում դաստիարակության առջև դրված խնդիրների իրագործումը, և որ շատ կարևոր է, գործընթացը կդարձնեն առավել արդյունավետ ու նպատակասլաց: Պլանը, բնականաբար, պետք է հենված լինի գործնական միջոցառումների վրա: Օրինակ՝ մտավոր դաստիարակությունը խթանելու համար կարելի է կիրառել «Մրցենք լավ սովորելու համար», «Լավ ձեռագիրը բարի բնավորություն է հուշում», «Համացանցը՝ լրացուցիչ գիտելիքների աղբյուր» և նման միջոցառումները, որոնք, անշուշտ, կնպաստեն գործին: Բարոյական դաստիարակության համար կարելի է անդրադառնալ «Հայաստան-Արցախ-Սփյուռք եռամիասնությունը մեր բոլոր հաղթանակների գրավականն է», «Մեր լեզուն, մեր մշակույթը, մեր հավատքը՝ անրակուռ վախճան դարերի փորձություններին» և այլ թեմաների: Նման գործնական միջոցառումներ կարելի է նախաձեռնել գեղագիտական, աշխատանքային, ֆիզիկական, հայրենասիրական դաստիարակության հիմնահարցերին անդրադառնալիս: Հայրենասիրական դաստիարակության առումով կարելի է շատ դրվագներ օգտագործել՝ հենվելով մեր բազմադարյա պատմության փառավոր էջերին, ներառյալ՝ Արցախյան գոյապայքարը: Մեր բազմադարյա պատմության փառավոր էջերը կերտած շատ հերոսների մասին կան գեղարվեստական հոյակապ ստեղծագործություններ, վավերագրական, գեղարվեստական կինոնկարներ, սակայն արցախյան շատ հերոսների նկարների վահանակն է միայն դպրոցներում, մինչդեռ նրանց անցած մարտական ուղու, սխրագործությունների մասին տեղեկությունները շատ համեստ են: Դասղեկը շատ անելիքներ ունի դասարան-ընտանիք-ծնող հարաբերություններում՝ գիտակցելով, որ ինքը կարող է շատ հարցերում խորհրդատու լինել ծնողի համար: Ինչ խոսք, ծնողն էլ կարող է դառնալ դասղեկի լավ օգնականը: Այս փոխհարաբերությունները կհաստատեն, որ դասարանի ղեկավարը սովորողի ընտանիքի բարեկամն է: Այն միաժամանակ կնպաստի աշակերտի պահվածքին տանը, դպրոցում,

իրեն շրջապատող միջավայրում: Այս տողերը գրելիս ակամայից հիշեցի իմ դպրոցական տարիները, երբ դասղեկն քառորդը մեկ գալիս էր մեր տուն (մեր ընտանիքը բազմանդամ էր՝ հազար ու մի պակասություններով հանդերձ): Ճիշտ է, մենք՝ դպրոցականներս, կամ քաշվում էինք մի կողմ, կամ ջանում էինք դուրս գալ տնից: Իսկ նա բարի ժպիտով թե՛ «ես ձեզ համար եմ եկել, ո՞ւր եք գնում»: Ստուգում էր մեր դպրոցական անկյունը, ուրախ գրուցում մորս հետ, պատրաստակամություն հայտնում օգնել՝ ինչով կարող է: Մի առանձին երանությամբ եմ հիշում այն օրերը, երբ դասղեկը մեզ համոզում էր օգնել գյուղի տարեց մարդկանց: Գյուղի միակ աղբյուրից ջուր էինք բերում նրանց համար, ծնունդից փայտ կտրտում, դասավորում ծածկի տակ, շատ անգամ փոքրիկ բանջարանոցի համար հող փխրեցնում և նման մանր-մունր աշխատանքներով օգնում շատ-շատերին: Հաճախ էր պատահում, որ բարի պառավները հնամաշ գոգնոցի գրպանից մի բուռ չիր, չամիչ կամ մի կոնֆետ ծածուկ (դասղեկը չնկատի) խոթում էին մեր փոքրիկ բռան մեջ: Կարծում էինք, բայց ներքուստ ուրախանում «մեզ վարձատրելու» համար: Իսկ մեր բարի դասղեկն այս ամենը չնկատելու էր տալիս... *Օ՛հ դուք երջանիկ, օ՛հ անհոգ օրեր՝* *(Ընդունակ միայն ուրախացնելու: (Ն. Նալբանդյան, «Մանկության օրեր»)* Պլանավորելով աշխատանքները և առաջնորդվելով դրանով՝ դասղեկը մի առ ժամանակ հարկ է, որ անդրադառնա իրականացրած միջոցառումների բերած ներգործությանը: Ասել է թե՛ քննարկի աշակերտների մասնակցությամբ կատարած աշխատանքները: Դասղեկի դաստիարակչական աշխատանքների պլանը պետք է արտահայտի դասարանի առօրյան, հեռանկարները, զարգացման ընթացքը, ավելի կոնկրետ՝ այն նաև պետք է իրավունք տա որոշակի ժամանակամիջոցում ամփոփել դաստիարակչական աշխատանքի արդյունքները և նախատեսել մեր աշխատանքներ: Երբեք չպետք է սահմանափակվել միջոցառումների անցկացմամբ: Պետք է այնպես անել, որ դրանք օգնեն սովորողի անձի ձևավորմանն ու զարգացմանը: Դրանք պետք է հնարավորություն տան փոխել այս կամ այն միջոցառման բնույթն ու բովանդակությունը, մտցնել մեր պահանջներ, մատնանշել նրանց իրականացման ուղիները: Միաժամանակ ցանկացած միջոցառման կամ բովանդակային գրույցներից հետո (աշակերտներին հետաքրքրող հարցերի շուրջ) դասղեկը պետք է պարզի միջոցառումներից կամ գրույցներից ստացած տպավորությունները: Այդ ամենը կարելի է պարզել աշակերտներին ուղղված մի քանի հարցերի միջոցով, կամ աշակերտներն իրենք են պատմում կամ գրավոր ներկայացնում իրենց տպավորությունները:

րի մասին, որոնք միաժամանակ կլինեն հետևյալ հարցերի պատասխանները. «Ինչպե՞ս էր հետաքրքիր միջոցառումը», «Ինչպիսի՞ն էր ընդհանուր տպավորությունը», «Կցանկանա՞ք նման մոր միջոցառումներ», «Ինչպիսի՞ միջոցառում կնախընտրեիք դուք»: Դասարանի ղեկավարի ընտրությունը չպետք է հիմնված լինի պատահականության սկզբունքի վրա կամ բխի ուսուցչի՝ ժամանակի անբավարար լինելու պահանջից (ինչը շատ հաճախակի կրկնվող սկզբունք է): Միայն չեն լինի, եթե պնդեն, որ դասարանի կառավարման ղեկը հաճախ հանձնվում է այնպիսի ուսուցչի, որն առանձնապես չի փայլում ուշադրությամբ, համակողմանի գիտելիքներով, ազնվությամբ, համբերությամբ, անկեղծությամբ և բնավորության այլ դրական գծերով: Ճիշտ ընտրված դասղեկը, պարզ է, ճիշտ ընտրություն կանի դասարանի ավագի հարցում: Դասղեկը պարտավոր է ի նպաստ դասարանի օգտագործել ընդունակություններով աչքի ընկնող աշակերտների ներուժը, առանձին վերաբերմունք դրսևորել սոցիալապես ոչ բարվոր վիճակում գտնվող աշակերտների նկատմամբ, այնպես անել, որ նրանք ճնշված չլինեն «արտոնյալ» խավի երեխաների ազդեցությունից: Ես տակավին մնում եմ այն համոզման, որ բոլոր ուսուցիչները չէ, որ կարող են կրել դասարանի ղեկավարի ծանր բեռը: Անվիճելի է նաև այն, որ դասաժամերով ծանրաբեռնված ուսուցիչը դասարանի ղեկավարի պարտականությունները լիարժեք չի կարող կատարել պարզապես ժամանակի սղության պատճառով: Չպետք է մոռանալ մի կարևոր արձանագրում ևս. մանկավարժի, առավել ևս նաև դասղեկի աշխատանքը կադապարներ չի հանդուրժում. այն մնում է որպես ստեղծագործական մոտեցումների, պրպտունների, մորի ու նորագույնի ձգտումի ասպարեզ, գումարած՝ նպատակ ու եռանդ, քրտնաջան աշխատանք՝ գիտակցելով, համոզվելով, որ որտեղ աշխատանք, այնտեղ և՛ հաջողություններ, այնտեղ՝ հաղթանակներ: Չեմ հիշում, թե երբևիցե դասղեկների դասընթացներ եղած լինեն: Լավ կլինե՞ր կազմակերպվեին նման դասընթացներ հոգեբանների, սոցիոլոգների մասնակցությամբ: Դրանք կնպաստեին ավելի հեշտությամբ թափանցել աշակերտների ներաշխարհը, բացահայտել նրանց կարողությունները, ինչու չէ, պայքարել նաև բնավորությունների ոչ վայել գծերի դեմ: Դասղեկի աշխատանքը շատ ավելին է պահանջում, քան ես փորձեցի ներկայացնել, և ոչ մի գործառնություն էլ սահմանափակումներ չունի: Պարզապես չպետք է անտարբեր լինել քեզ վստահված աշակերտների ապագայի նկատմամբ: Իսկ ապագայի արմատները ծլարձակում ու ամրանում են դպրոցում՝ ուսուցիչների, դասղեկների հովանու ներքո:

ԼԵՂՎԱՐԿԵՍ

ՆՈՐԻՑ ԲԵՉ ՇԵՏ, ՍԻՐԵԼԻ ԱՐԱՍԻ ՈՐԴԻ ՌՈՔԵ՛ՐՏ՝ ԱՐԱՍԱ ՅԵՂԻ ԴՊԻՐ
(«Արամորդու գիրք» գրքի շուրջ՝ 65-ամյակի կապակցությամբ)



ԲԱՆԱՍԵՐՇՈՒԹՅՈՒՆ ԶՈՒՄ ԿԵՆԱՐԱՐ ԼՈՒՅՍ Է (ՌԵ)

Արցախյան հանրահայտ բանաստեղծ, հրապարակախոս, թատերագետ, Արցախյան առաջին մեծ գոյապայքարին մասնակցած Ռոբերտ Արամի Եսայանը ծնվել է 1958թ., ժողովրդիկ Նորագյուղ (Թագաքեն) գյուղում: Այնուհետև ընտանիքով տեղափոխվել են Ստեփանակերտ: Ապրել ու ստեղծագործել է Շուշիում: Նրա վերջին արցախյան գեղագիտական գիրքը բազմաձևանակ «Արամորդու գիրք» է (Ստեփանակերտ, 2020թ., 256 էջ՝ բանաստեղծություններ, պոեմներ («Բառի ճանապարհ», «Գրախոսի շենք», «Եվ լույս է ելնում երակից ցավի», «Լուսայի ինքնագիրը», «Լուսայի շիվերը»), չափածո թարգմանություններ, հարցազրույցներ, գրախոսություններ): Չափածոյի լուսություն բառի վերագրային գեղագիտական ոճավորումը՝ Գ.Շիրազի քառատողային գործածության մասն, լայն ընդգրկում ունի գրավոր խոսքով շատ բան ասելու բնագավառում: Ենթավերագրային այդ խոսքը խտացված է «Լուսայի ինքնագիրը» շարքի բնագրում (էջ 104):

Գրում են տողերի միջև ձգվող տարածքում, բացելով մտքերիս մի տըրը, բացելով հույզերիս հո՛ւյզը, մինչև որ հանկարծ պարուրում են ինձ ենթագրե՛րը ճերմակ լուսության: (Չեղիմակային գրավոր չափածո՝ մեզ չմատուցված ներքին՝ մտային, գեղագիտական հրաշք դրսևորում: Գրում են տողերի միջև ձգվող տարածքում... ենթագրե՛րը ճերմակ լուսության խոսքը չափածոյի Եսայանական ընդգրկում ունի յուրատիպ գեղեցիկ արտահայտություններից են):

Վեցերորդ տասնամյակն անցկացրած բանաստեղծն իր վարպետ գրչի հոգեբանական և ուժեղ վերացարկված, այլաբերված ոգեխույզ պատկերներով տվել է ժամանակի ընդհանրական դիմագիծը: «Բանաստեղծի տեսողությունը հուշարձանվել է ոգու հայտնությանը», - քննվող գրքի էջ 190-ում աներկբա հայտարարել է հեղինակը Սյուզանա Գրիգորյանի հետ ունեցած հարցազրույցում:

Երեսուն տարի առաջ հասուն գինվոր, հմուտ գրչի ծառա արցախցի բանաստեղծը եղել է ազատության համար պայքարի ելածների շարքում (Արցախը հիմա կորցրել է իր ծեռք բերած երազանքը՝ ինքնուրույնությունը): Մեծ հեղինակը, իր քաղցր տունը (Շուշի), անմասն քաղաքը թշնամուն թողած, հիմա չի ուզում հայրենի հողում օտարահպատակ ապրել:

Ռ. Եսայանը ի սկզբանե լեզվարվեստի յուրատիպ գեղագետ է: Նրա կառուցած յուրաքանչյուր գեղագիտական պատկեր բառերի իմաստաբանական նորովի խտացում է՝ խիստ այլաբերված, վերացարկված ոճով: Մեզ ծանոթ այս վերջին գեղագիտական գրքի՝ «Արամորդու գիրք» կապակցությամբ գրչակից-ընկերուհի Ժ. Բեգլարյանը հուզաթափվել է՝ «Վերագիրն անմիջականորեն կապ ունի Ռոբերտ Եսայանի կենսագրության հետ: Նա ի ծնե արամորդի է, բայց վերագրի իմաստային ընդգրկումն ավելի խորն է: Բանաստեղծն իրեն Արամա ցեղի դպիր է հայտարարում: 60-ի շենքը հատած բանաստեղծն իր իմաստասիրական տարածքներից խոսք է բացում ընթերցողի հետ» (քննարկվող գրքի էջ 247):

Իսկ Ս. Խանյանը շեշտել էր մեծ հեղինակի Նորագյուղ չափածոյի ծաղկադաշտի ճանաչված լինելը: Նա Ռ. Եսայանին սովորական պոետ չի համարել: Այս գրքով ոչ թե բառարանային բառերի նոր ճանապարհ ցույց տվեց հանրահայտ հեղինակը, այլ «...մարդկային կյանքի տեսադաշտի վրա հառնած անհատականությունների, կերպարների պատկերասրահ... Գրքի հինգ բաժինների ստեղծագործությունների հենքը բառ-պատկերների հյուսվածքն է» (հեղինակի այս վերջին գրքի էջ 244):

Սա մեծ հեղինակ Եսայանի նշված գրքից հինգտողանոց բանաստեղծություն «Լուսայի ինքնագիրը» շարքից. Ես համբուրում եմ ծնունդն Անհունի: Կաթիլն իմ արյան բույն է կենսալի: Ստվերիս քարերն համբուրող անձրևը երգ է չգրված... Եվ թևավորվում է Անհունն իմ շնչով (էջ 125):

Սա խիստ վերացարկված քնարական խոսք է՝ նվիրված անձրևին, որը յուրահատուկ է Ռ. Եսայանի գրչին ի սկզբանե: Ինքնուրույն հոգեբանական զուգորդումը բնական երևույթին՝ անձրևին, խիստ վերացարկված է: Բանաստեղծի ստվերով երբևէ ծածկված քարերը երկնի անհունի անձրևով են համբուրվում երկնքին (ոչ մի գեղագետի կողմից այսպիսի կառույցներով ընդգրկված երազուն համբույր դեռ չի արձագանքված): Չեղիմակ էլ իր հերթին է համբուրում այդ երկնայինը (Ես համբուրում եմ ծնունդն Անհունի: Կաթիլն իմ արյան բույն է կենսալի): Ինքնավիճակը մեզմանձրևի ժամանակ՝ գեղագիտական պարզ հիշողություն է անդրադարձնում, ու կաթիլների մեղմ ծայրը յուրատիպ երգ-բանաստեղծություն է չգրված... Բնական այս ճշմարտությունը գեղագիտական խոսքի նորովի ոճով արժևորել է բառարկեստի հմուտ վարպետը, գնահատել տիեզերքի՝ օդնով հարուստ օդի լավագույն պահը մարդու շնչառության համար: Արվեստագետը գեղագիտական խոսքով հաստատել է մարդկանց զգացածն այդ պահին, իբր նաև բնության արձագանքը մարդու էությանը (Եվ թևավորվում է Անհունն իմ շնչով): Գեղագիտական երևակայական բառաշարիով Անհունի անմասնի տիրակալ դառած՝ մեզ է մատուցել խոսքարվեստի արցախյան արքան:

Սովորական երևույթի բառային ոճական գեղեցիկ նկարագրության պատառիկով ներկայացրինք Եսայանական բանարվեստից (այս փոքր բացատրությամբ աղճատեցինք նաև ընտիր չափածոն):

Կամ ինքնագրույցն իր ստեղծած գեղագիտական հրաշքի՝ բանաստեղծության հետ (տքնանքի ավարտին՝ լուսաբացին)՝ սքանչանալով ու անէանալով բնական վեհին՝ դյուրին թվացող լուսանալուն և ընդհանրացրել՝ այգն է տրոփում ոտքերիս տակ սովորական պահը. Բանաստեղծություն, Աստղային պահերդ հրո՛ւմն են իմ արյան դեպի շառավիղն անանձնապատկան: Ինքնամաքրման հաճույքը ձգի՛ր ակնթարթներով ոգևորության, ձգի՛ր անհունը երկայն միջով նաև այն անեզր տքնանքից հետո, երբ ես կանգնում եմ ցնորվածի պես, և ա՛յգն է տրոփում ոտքերիս տակ... (ն. տ.):

Չայոց գեղագիտական խոսքում իմաստաբանորեն անհարիր թվացող բառերի կապակցման վարպետ Ռ. Եսայանը կարողացել է ինքնին գրուցել, ստեղծել իր գեղագիտական աշխարհը: Անհուն տիեզերքը՝ մութի ու լույսի փոխհաջորդման հրաշքով, միշտ էլ հիացրել ու հիացնում է բանական մարդ արարածին... Անգամ իր մարմնական զգացումներից հրաժարվելով՝ այն վեր է ածել տիեզերական վերացարկման... Սքանչացած պահի զգացումները տարրալուծվում են տիեզերքին՝ Աստղային պահերդ// հրո՛ւմն են իմ արյան// դեպի շառավիղն անանձնապատկան:

Կատարվել է թունանյանական զարմնակիր նոր քայլ: Զգացականը զուգորդվել է գեղագիտականին՝ վերածվելով առարկայացված ճշմարտության.

խոսքս... ընդունեցեք, որպես... համբույր (106, 3. Թունանյանի իղծը): Որոշ բառեր յուրահատուկ գեղագիտական ճանապարհորդություն են կատարել Ռ. Եսայանի բանարվեստում և կարծես իմաստաբանորեն կապակցվել մեզ անհարիր թվացող պատահականին, անսպասելի այլ բառի: Օրինակ՝ ուռկանի հետքից արցունք նկատող բանաստեղծը մեզ տվել է սովորականը, բնականը, մեր տեսանելին, բայց վերագրել մեզ համար անհարիր թվացողի, ինչպես՝ ուռկանից թափվող քիչ ջուրը՝ ուռկանի հետքից արցունք կոչելը: Այստեղ ջուր և արցունք համարումը հեռու չէ ճշմարտությունից, բայց մենք չենք կապակցի մեր սովորական խոսքում այդ տիպի ընկալումը: Ցանկացած անհարիր թվացողը հենց հասկանում ենք, սովորական ու պարզ է դառնում մեզ համար: Կամ հիշողությունը դառնում է ճանապարհի բիթ գեղագիտական հրաշք կառույցը հեղինակի համար ճշմարտացի հիշելը՝ հիշեցնելն է: Ոգին՝ մուսան, ներշնչանքը Ռ. Եսայանին պահել է գեղագիտական ընտիր աշխարհում, մղել յուրօրինակ խոսելուն, որը երբեմն մարդկանց թվում է անհասկանալի (անգամ IV կուրսի լավ սովորող ազնիվ բանասեր Ռուսնոդուհին համարձակվել է համձն առնել իսկույն չհասկանալը):

Չենք փորձ է արվում բացահայտելու խոսքի ընտրանին, ցավոք, աղճատվում է օրինակելի գեղագիտականը, ուստի երբեմն հրաժարվում են հրաշքի բառային փոխարկումներից՝ գեղագիտական ու պարզ գիտական բառերի փոխհաջորդումից:

Չասարակ մի բառ-հասկացություն (օրինակ՝ հետք) Ռ. Եսայանի «Չետագիծ» պոեմում գեղագիտորեն երեք կարճ տողի է վերածվել՝ արտահայտելով մի ամբողջ հոգեբանություն, չգրված յուրօրինակ աշխարհի է ստեղծել՝ տալով հեղինակային նորույթ պատկերը՝ հագեցած լեզվաբանական գիտաբանությամբ.

Մի բազմակետ է հետգրությունը իմ ճանապարհի (141):

Գեղագիտական խոսքի կենտրոն բառերը երբեմն մեծատառով են գրվել Եսայանական ոճում՝ կարծես վերածվելով հոգեաշխարհի քարտեզի մայրաքաղաքի, ուշադրություն բերելու տալով այդ կարևոր ընդհանրացման վրա, որի ձեռք բերածը հարևան բառերով իմաստաբանական հրաշք է թվում, ինչպես՝ Անդի՛ այն աշխարհը, անդաշխարհը. Բառը լապտեր է, // որով լուսավորում են խաչմերուկը կյանքի: // Բառը երազ է, // որով տեսնում են տարածությունները // և ընթանում խորհուրդն Անդիի (արևմտահայերեն՝ այն կողմի, էջ 11): Ոգի և Կամը մեծատառերով բառերը հուշում են ստեղծագործելու պահին ունեցած տքնանքը (էջ 13, նաև վերագիրն է օժանդակել ընկալելուն՝ «Ներշնչանքին դիմավորելը») և այսպես այլ մեծատառով բառեր՝ Անհայտ, Բան, Ելք, Մեծագույն (14), Ավետյաց (17), Անհայտ, Ոգի (18), Անհուն, Լույս, Չորիզ (19) և այլն, որը մախրող դարի Արևմտահայ չափածոն սովորական էր:

Բառը մի աշխարհ է թունանյանական անմահ բնութագրությունը յուրաքանչյուր բառի իմաստային նրբերանգներն է շոշափել, որը տքնանքով տեղադրել է ստեղծագործողը ու դարձրել իր սրբույթությունը: Այն միջարկված ընկալում է յուրաքանչյուր ընթերցողի համար: Ռ. Եսայանը, լավագույն գեղագետների մասնատվածացրել է բառը, նրան նվիրել շարահյուսական տարբեր կառույցներ՝ իր սրտաբուխ խոսքը, խոհափիլիսոփայական մտորումները, արցախյան գեղագիտական անմահությունը, հայ իրականության հազարամյակային հոգու հավերժ թարգմանությունը... միշտ յուրովի.

Բառե՛ր, բառե՛ր...

Մերք քրտնում եք իմ շուրթերին, Մերք թարտում թռչունի պես... Մինչև որ դուք ձեզ գտնում եք: Եվ առաջին անգամ բացվող կրծքի նման ճերմակ թուղթն է հևում այնժամ աստվածային ձեր հպումից...

Ես այլ անմասն այրական կառույցներ (15): Ես ընտրում եմ բառը, որպեսզի հոգու դատարկությունը կրճատվի քիչ-քիչ՝ լցվելով լույսի տաք շնչառությամբ: Ընտրում եմ բառի անհայտությունը, ուր լռությունս հոգու պահո՛ւստ է: Իմ ճանապարհին իմն ուղեկցո՛ւմ են Յիշողությունը և շունչը բառի: Ինձ աջակցո՛ւմ է ոգին դարերի (17):

Բառի ինքնակարը, Բառի ինքնակարն են որսում ընթացքից, Քանու ժապավենին գրելով մի տող՝ մի ապսպարանք, հասնում են սահմանին ոգու ու արյան: Ամեն ճանապարհ պիտի՝ հաղթահարի ներքին փակուղին: Գրում են մի բառ տարածքում լույսի, և բարձրանո՛ւմ է լռության ոգին վիհից մոռացության, և ցավի դուռը բացվում է դեպի հիշողությունը լեռնապարեթի, և փոթորկված երկինքը տարուբերվում է ճյուղերին ծառի:

Բառերի պատերազմով ո՛չ թե խցվում է բիթը ճանապարհի, այլ ընդարձակվո՛ւմ է տեսադաշտը տողի (115): Մի բառ. Ինչքան իրար մեջ ենք, Այնքան էլ, սեր իմ, Իրարից դո՛ւրս ենք: Յիշողության գնդակով սպանվե՛լ է... Չորիզոնը (65):

Բառի կենտրոնացումը բառ լեզվաբանական միավորով Ռ. Եսայանի գեղարվեստում շատ-շատ է: Անհարիր բառերի կապակցումը նրա գեղագիտական ոճական առանձնահատկությունն է: Իրականում նրանք անկապ չեն: Բանաստեղծը կարողացել է նկատել մեզ անծանոթ թվացողը, հայտնագործել լեզվական արտահայտության նորույթ: Եթե կուտակումներ են լինում, ապա մի քիչ դժվար ենք հասկանում: Տքնող, հանրությանը պարզեցված, ընկալելի թվացող ընդհանուրը մատուցող է մեծ հեղինակը: Նախորդ գրքում՝ «Ինքնությունը դռներ» (Ստեփանակերտ, 2018թ.) այդ տիպի մեծ միավորները շատ էին:

Սա քննվող գրքի շարահյուսական միավոր նորակապակցում կառույցը, որը մեր գեղագիտությունում երբեմն եզակի է (անձրև, որոտ, կայծակ՝ գարուն). Աղջիկը նվագում է ստեղներին հորիզոնի, և երաժշտությունը կոհակ առ կոհակ լցվում է գուռը, որից ջո՛ւր են խմում ճանապարհները (էջ 40): Գուռը (աղբյուրի ջուրը թափվելու քարե փուղ՝ պատրաստված մարդու կողմից) այստեղ ամենահեռացած բառն է, որին վերաբերում է մեր խոսքը: Երկրի վրա եղած ձորն ընդհանուր անձրևաջուրն ընդունող մեծ տարածքն է: Գնապարհները կարելի է ուղղակի և այլաբերական հասկանալ՝ ջրի առու դառած հոսքը: Սա սովորական խոսքային բացատրություն, որը մեր աչքերի և ունկերի համար գեղագիտական ընտիր ու հաճելի կառույցի է վերածվել մեծ հեղինակի կողմից: Բնականը խոսակցական ցածր ոճի արժեք ունի՝ անձրևաջուրը հոսում է ձորն ի վար:

Բանաստեղծության մնացած մասն արդեն ուղեղի լարում է պահանջում՝ հասկանալու գեղագիտականը:

ԳԵՂԱԳԻՏԱԿ

ՆՈՐԻՅ՝ ՔԵՉ ՇԵՏ, ՍԻՐԵԼԻ ԱՐԱՄԻ ՈՐԴԻ ՌՈՒԲԵ՛ՐՏ՝ ԱՐԱՄԱ ՅԵՂԻ ԳՊԻՐ

13 Կերպարկուն ավելի մեծ միավոր է ու խիտ, ուստի միանգամից անընկալելի է պատկերը՝ հույժ գեղագիտական (թեև նույն զարման պահերի նկարագրության շարունակություն՝ անզամ ավելացրած թռչունների վախը՝ դուրս են ցայտում... բիրերը թռչունների)։

Այրվում են շեղջերը երագի, որոնցից դուրս են ցայտում մերթընդմերթ բիրերը թռչունների։

Ճակատագրի ափի մեջ շողում է Արցունքը հրեշտակի... Լցվել է երկինքը ճիչերով և քակվում... Եվ գարնան հետքերի վրայով անցնում է հողը կրակի։

Ամբողջ բանաստեղծությունը մաս կարելի է հասկանալ իբրև գարնան հրաշք գարթոնքին՝ բնական այդ կախարհական երևույթին նվիրված երաժշտության կատարում։

Քառատողյա մուշկների անդրադառմանը, որը դիտարկման, քննարկման ավելի մեծ ուժ ու կարողություն է պահանջում, թեկուզ ունի հազարամյակի փորձարկման պատմություն։

Եթե իմ ստվերից հոսում է աղբյուրը և լվանում զոհասեղանը հիշողության, ուրեմն իմ ձեռքերից ծլում է հորիզոնը, իմ արյունից ելնում է կա՛նչը Ապագայի (12)։

Գեղագիտական այս ընտիր պատահիկը հիշեցնում է աղբյուրի մոտ կանգնած բանաստեղծին՝ ինչ-որ բան խորհելիս կամ գեղագիտական պատկեր հնարելիս։ Դա հեղինակային տվյալներն են ու տանջանքների պահ է, բայց կողքից մայրող երբեմն դա չի ընկալում, թվում է՝ հանգստացող մարդ։ Նա չի ճանաչում, չի պատկերացնում գեղագետի հոգեաշխարհը, մտավոր դեգերումները։

Այլ պատկեր. Բառի մեկուսարանից ելնում են և մտնում սրահն Անհայտի, և ստվերիս վրա գալարվում է արշալույսը ծովի (12)։

Բացարձակ նորույթ-պատկեր ստեղծագործողի գեղագիտական տրամաբանի պահին, մտավոր տանջանքների արդյունք-տաղանդն է, որը մեզ թվում է սովորական մտաշխատանք։ Պահի մահամեծելի բնակլիմայական տեղանքների անցումներ կան, որոնք մեզ հրաշք ու երջանկություն են թվում՝ պարզված Աստծո կողմից, որն ամենքս չունենք։ Նկարագրվող երևույթը ստեղծագործության արդյունքն է՝ թղթի վրա գրվողը և լուսանկարի պահի առատ շառագունումն անդրադարձներով (արշալույսը ծովի)։

Գեղագիտական այլ ընտիր պատահիկներ հիշեցնում են ստեղծագործելիս կրած տարաբնույթ հուզաշխարհի նկարագրություններ, որոնք հավասար են պատրանքների։ Դեղինակի նկարագրության օբյեկտը մեր շրջապատն է, իսկ արտահայտությունը՝ հեղինակային անմասն կարողությունը, գեղագիտական մտածողության հրաշք արտահայտությունը, հոգեաշխարհի փոխանցումը։

Անհասկանալի՞ են, արդյոք, եսայանական չափածոյի որոշ մուշկներ։ Ոչ, ուղղակի նրա էության մեջ մխրձվել է պետք, հայ գեղագիտական մտքի ոճական նրբերանգներին լավ ծանոթ լինել է պետք, բառակապակցական նորություններին հմտանալ է պետք, հայ գեղագիտական մտքի զարգացման հետ քայլել է պետք, մեր դժնի պայմաններում մաս աշխատել է պետք, իրականի հետ մաս գեղագիտականի ժամանակ տրամադրել է պետք։

Մենք կարծես ճակատագրի հետևելով, գեղագետների նուրբ հոգիները երբեմն ջարդում ենք անտրամադրությամբ, անգթորեն մի կողմ ենք մետում գրությունը։ Կարծես տաժանակրության՝ անուշադրության ենք մղում ցավալի մեր կյանքի նուրբ գեղագետ ծառաներին (վկա՝ որդեկորույս բանաստեղծուհի Ժ. Բեգլարյանի տևական հիվանդությունը (գրածների արձագանքների չգոյությունը), Ռ. Եսայանի հայրենաշխարհափախուստը և այլն, բայց դիմանալ է պետք, այս է մեզ բաժին հասած դառն ճակատագիրն ի սկզբանե, ու դրա դեմ գոնե գրչով հնարավորինս պայքարել է պետք)։ Եվ ցավի բիրերում ծնվող արշալույսն է Դիշողությունը տառի (69), որը պիտի բռնենք ու առաջ շարժվենք...

Երբ ես տխրում եմ, երակներինս միջով հոսում է Արցունքի՛ մոխիր։ Եվ ես իմ շնչի կրակով արթնացնում եմ Առեղծվածային ոգին, Իսկ իմ հոգում բացվում են հայտնության ծաղիկները... (45)։

Բառի մեկուսարանից (12) ելած բանաստեղծը Անհայտի սրահ է մտնում, ծովի արշալույսի գլորվելը ստվերի վրա գզում (12) և հասկանում, որ Ցավոտ շո՛ւրթս կարոտ է դեռ հպումներին... (46), և դա յուրաքանչյուր մարդ արա-

թածի զգայական ապրումների ինքնին ու բնական պահանջ է։

Շուրթերիդ պահը այնպե՛ս է շարժվում, Որ իմ հոգուց բխում է ցո՛ղը երկնքի... (45)։

Գեղագիտական խոսքը կատարում է իր հրաշքը։ Դասարակ կապակցությունը՝ քամի լինել, այլաբերվում մի այլի՛ և փոթորկված երկինքը տարրերով է ճյուղերին ծառի (115) կամ հենց գեղագիտական ասելիքն է դառնում՝ Բառերի պատերազմով// ոչ թե խոցվում է բիրը ճանապարհի, // այլ ընդարձակվում է տեսողաշող տողի (115), ենթագրերը ճերմակ լուծության (104) և այլն։

Ռ. Եսայանի գեղագիտական ոճում երբեմն տողը մախադասության գերադաս և ստորադաս անվանական անդամներով է կառուցվում։ Անզամ մեծ տրոհում է ունենում շարահյուսական խստապահանջ հատկացուցիչ-հատկացյալ կապակցությունը՝ վերածվելով կեղծ թերի անդամ մախադասության (կարևորված խոսք դառնում)։ Քննվող գրքում այլ անդամներ հազվագյուտ են լինում, օրինակ՝ որոշիչ-որոշյալ։

Դիպվածի սյուններ և թռչնք ոգու, վիհերի ծորացող առավո՛տ է վերքը քաղաքի։ Բոսո՛ր մի վարդ։ Խղճի խորխորատից ելնում է լուսինը կարմիր (119)։

Այստեղ տրոհված բառակապակցություն կեղծ թերի մախադասությունը կարևորող բացահայտիչ իմաստ ունի՝ բոսոր մի վարդ, որը հետո արտահայտված մախադասության ենթակայի իմաստաբանական բացահայտիչ է՝ լուսինը կարմիր, որը քերականական արտահայտությամբ տևական դադարով՝ վերջակետով տրոհված շարահյուսական միավոր է։

Ինչպես նշեցինք, տարածվածը հատկացուցիչ-հատկացյալ կառույցն է համեմատաբար շատ, որը գործածվել է կեղծ թերի մախադասություն բացահայտիչ դերով։ Մի օրինակներ։

Ստվերիս պատուհանին հավում է Մի ուրվական։ Գոյության առանցքը։ Մի բազմակետ է հետգրությունը իմ ճանապարհի (141)։

Լուսաբացի ճիչ (63), Բևեռների արցունքը (142), Ունայնության փոսը (146), Տարերքի վա՛րդը (69) և այլն։

Արցախյան բանաստեղծ Ռ. Եսայանի գեղագիտական խոսքում տեղ ունեն մաս դարաբաղյան բարբառի բառազանգից սակավ օրինակներ, ինչպես՝ անշառ՝ կցված գիտաբառին։ Մենք ի գորո՞ւ ենք անշառ լուծություն/ քննել հիմնովին Բանն աշխարհի (14), քլքլքլքլ՝ քարից քլքլքլքլ աղբյուր է (128, 137)։

Չեղինակի վեցերորդ հատոր ճանաչվող գեղագիտական ընդհանրական ու քննարկվող գրքի վերնագիրը՝ «Արամորդու գիրը», կարծես հայրապաշտական ընտրանու արտահայտություն լինի (և դա խոր ընդգծել է Ժ.Բեգլարյանը, էջ 247)։ Արամորդին ինքը հեղինակն է... բազմանշանակ բանաստեղծը (Արամա՛ց եղի դպիր և որդի Ռ. Եսայանի հայրանունն ԱՐԱՄ է)։

Բառի ճանապարհ է գիրը Արամորդու (69)։

Չոր հիշատակումն մաս «Սեղմում են ձեռքը հուշի» բազմաբովանդակ հայրենիքի խտացված արտահայտությունում է։

Սեղմում են ձեռքը հուշի և փաթաթվում երկնքով հորովելի։ Չորս դեմքը ծաղկած ծառի պես բարձրանում է երկինքն ի վեր... (71)։

Չեղինակի բանաստեղծություններում տեղ ունեն հուշագրություն չափածոյի նոր արտահայտություններ՝ նվիրված բանաստեղծի հետ առնչված տարաբնույթ էական մարդկանց, հարազատներին։ Արցախյան գոյապայքարի մասնակից՝ վիրավոր զինվորին փրկողին. «Ռազմական բժշկուհի Աղավնի Սահակյանին» (էջ 19), բանասիրականի դասախոս (լուսահոգի) Գուրգեն Բաղդասարյանին՝ «Լույսը» (էջ 102), հարազատին՝ եղբոր դստերը՝ սիրելի Անուշին. «Կանգառների շնչառությունը» (էջ 101) և այլն։

Այսպիսով, անսպառ են Ռ. Եսայանի գեղագիտական հմայքի սքանչելիքները, նորովի կապակցությունների կիրառության հարստությունները, Արցախի չափածոյի զարգացմանը տված հնարավորությունները։

Ս. ՄԻՆԱՍՅԱՆ
Բ. Գ. Թ., դոցենտ

ԱՐՇԻԼ ԳՈՐԿՈՒ ՆԱՄԱԿԸ ՔՐՈՋԸ

«Նա անան է հսկա սառցալեռան, որը 9/10 մասով ընկղմված է օվկիանոսում և երևում է ընդամենը 1/10 մասով։ Բայց այն, ինչը երևում է, հզոր է և հրաշալի իր փայլի մեջ»։

Ուկրաինացի Կուրնիկ



«Նա»-ն Արշիլ Գորկին է՝ աշխարհահռչակ հայ նկարիչը, որի անունով 20-րդ դարի 30-40-ական թվականների ամերիկյան արվեստի շրջափուլը հաճախ բնութագրվում է որպես «Գորկու շրջան», և որի մասին 1967 թվականին ֆրանսիական մասնավոր գրեց. «Գորկին միակն է, որը կարողացավ ամերիկյան գեղանկարչությունը եվրոպական մակարդակի հասցնել»։

Արշիլ Գորկի, նույն ինքը՝ 1904 թվականի ապրիլի 15-ին Վանի մահանգի հորգոմ գյուղում ծնված Ոստանիկ չքմաղ հայկական անունով տղան՝ Ոստանիկ Սեդրակի Աղոյանը։ Նույն ինքը՝ անցած դարի մեծագույն նկարիչներից մեկը, որին գաղթի ճանապարհները հասցրին հեռավոր ԱՄՆ՝ աչքերում միշտ վառ թողնելով ծննդավայրի գույներն ու պատկերները և ամեն ինչի մեջ ամենավառը՝ մոր կերպարը։

Գորկին սիրում էր հետևել, թե ինչպես են նկարում երեխաները։ Դաճախ էր քորոջ՝ Վարդուշին ասում. «Նրանք իսկական նկարիչներ են՝ հինավուրց ժամանակների նկարիչներ։ Նրանք այնքան մաքուր են ու այդպես էլ նկարում են։ Երբ մենք էլ ենք ցանկանում այդպես նկարել, չի ստացվում։ Այն, ինչը մեզ համար այդքան բարդ է, նրանց համար բնական է»։

Աշխարհահռչակ ամերիկահայ նկարիչ Արշիլ Գորկին իր կյանքի որոշակի սիրումն ամանակներ է գրել քորոջ՝ Վարդուշին և քորոջորդուն՝ Կառլենին։ Դրանցից յուրաքանչյուրը գրական մի ստեղծագործություն է, արվեստաբանական լուրջ վերլուծություն, սիրո արտահայտում, հոգու մերկացում։ Ձեզ ենք ներկայացնում այդ նամակներից մեկը, որ Գորկին գրել է քորոջը 1943 թվականի հուլիսին, Վիբրինիա մահանգից։




«Իմ շատ սիրելիներ, Վարդուշ, թանկագինս, նկարների այն շարքը, որի մասին խոսում էի, պատկերում է Դայաստանում հորգոմի մեր պարտեզները։ Ես դրանք անվանել եմ «Պարտեզ Սոչիում», թեպետ իրականում պետք է անվանել «Պարտեզ հորգոմում» և, կարծում եմ, որ այդպես էլ կանեն։ Որովհետև դա այդպես էլ կա։ Ավա՛ղ, ամերիկացիները ոչինչ չգիտեն Դայաստանի մասին և ինձ ասել են, որ նրանք գերադասում են առավել «հայտնի» վայրերի անունները։ Կարծում եմ, որ դա սխալ է, և դեռ կանդրադառնամ դրան։ Սակայն վերնագրերն այնքան էլ կարևոր չեն։ Կարևորը Դայաստանի ոգեշնչումն է, որն առաջնորդում է իմ նկարչությունը, ինչը, սակայն, ամերիկացիները դժվարությամբ են հասկանում։

Մի՞թե ես պարզամիտների համար եմ նկարում։ Երբեք... Դուստով եմ, սա պատասխանում է քո հարցերին։

Վարդուշ, թանկագինս, արդյոք պատկերացնո՞ւմ ես, թե ինչպես են քննադատները շաղակրատում. դիմակ, որը թաքցնում է նրանց դատարկությունը։ Օրինակ, նկարների այդ շարքում ամենավառ

ԱՃԽԱՐԿԱՆՈՉՎԱ ԸՆԹԵՐ

ԸՆՅ ԱՂԳԻ ԵՎ ՖՐԱՆՍԻԱՅԻ ՊԱՐԵՆՆԵՐ



«Այս տղան ծեր գերդաստանի պատիվը կդառնա, մեր ժողովրդի և ֆրանսիացի ժողովրդի պարծանքը»:

Միսաք ՄԱՆՈՒՇՅԱՆ

Մարգարեական դարձավ Մ. Մանուշյանի խոսքը. տասնամյակներ անց շանտի արքա Ազնավուրը պիտի դառնար Ֆրանսիայի խորհրդանշաններից մեկը՝ էյֆելյան աշտարակի և Մոնմարտրի կողքին, իսկ ֆրանսիացիներն էլ պիտի խոստովանեին, թե՛ «Ֆրանսիան երկու Շառլ ունի, մեծ՝ դը Գոլը և փոքր՝ Ազնավուրը»: Ազնավուրի լույս աշխարհ գալուց դեռ շատ առաջ երգիչ դառնալ երազող և դրա համար բոլոր տվյալներով՝ թավշյա բարիտոնով, արտահայտիչ աչքերով, հարուստ ներաշխարհով օժտված գեղեցկատես Մամիկոն Ազնավուրյանը 1917-ին օպերետային խմբի կազմում Թիֆլիսից պիտի մեկնեի Կոստանդնուպոլիս՝ չորսամսյա հյուրախաղերի, այնտեղ պիտի ծանոթանար տեղի թերթերից մեկի մշակույթի բաժնի աշխատակից, Ջնյուռնիայում թուրքերի վայրագությունների հետևանքով ընտանիքն ու հարազատներին կորցրած պարմանուկի Քնար Բարդասարյանի հետ, իր համար անսպասելիորեն նրան ամուսնության առաջարկ անել, թատերախմբի ղեկավարը Քնարին վերցնել խմբի կազմում՝ երկու տարով մեծացնելով նրա տարիքը: Կրացահայ Մամիկոնն ու տաճկահայ Քնարը պիտի ամուսնանային և հրաշքով հեռանային արյամբ ողողված Օսմանյան Թուրքիայից՝ հյուրախաղերը շարունակելով Բուլղարիայում, ապա՝ Գերմանիայում: Եղեռնից փրկված շատ ու շատ հայերի պես Ազնավուրյաններն իրենց նորածին դստեր հետ պիտի ընտրեին Ֆրանսիան, սակայն անհնար էր երբևէ մոռանալ հայրենիքը, որը կոչվում է ՀԱՅԱՍՏԱՆ: «Ես ֆրանսիացի եմ՝ հայկական ծագումով, հետագայում կգրի Ազնավուրը: Ֆրանսիայում ինձ երբեք օտարազգի չեմ համարել, սակայն միևնույն ժամանակ չեմ մոռացել, որ ծնունդով հայ եմ: Ֆրանսիայում մենք մեր ուրույն տեղն ունենք՝ Գառու, Թրուսայա, Վերնոյ...»: Այո՛, Ֆրանսիան պիտի դառնար բազում հայորդիների երկրորդ հայրենիքը, այստեղ պիտի գործեին և ֆրանսիական հողում իրենց հավիտենական հանգիստը գտնեին ականավոր հայորդիներից շատերը՝ Արմենակ Շահմուրադյանն ու Զակար Գյուրջյանը, ֆրանսիական կրթությանը պիտի իրենց ստեղծագործական վարպետությունը հղկեին

Փանոս Թերլեմեզյանն ու Գովհաննես Չեքիջյանը: Եվ տարիներ անց արդեն ականավոր երգիչ, կոմպոզիտոր, բանաստեղծ, դերասան, Հայաստանի ազգային հերոս Շառլ Ազնավուրը պիտի խոստովաներ. «Ֆրանսիան իմ երկիրն է, Հայաստանը՝ իմ հավատը»: Ազնավուրն առաջին ֆրանսիացի կատարողն էր, որը եվրոպայում ստացավ պատիվն ծայրասկավառակ: Նրա երգերը կատարել են ինչպես ինքը, այնպես էլ Ռեյ Չարլզը, Բոբ Գիլանը, Շիրլի Բեյսին, Լայզա Մինելլին, Դուլիո Իգլեսիսը, Ֆրեդ Աստերը, Բինգ Կրոսբին և շատ ու շատ այլ հանրահայտ արտիստներ: Ազնավուրը գուրգուրանքով հանդես է եկել Ֆրենկ Սինատրայի, Սելին Գիոնի, Լուչիանո Պավարոտիի, Պլաչիդո Դոմինգոյի, Պատրիսիա Կասաի, Լայզա Մինելլի, Միրեյ Մաթյեի և այլոց հետ: Ավելի քան 1000 երգ է հեղինակել Ազնավուրը, որոնցից շատերն արդեն մտել են ֆրանսիական էստրադայի գանձարանը, դարձել էստրադայի կլասիկա: Նրա գրչին են պատկանում «Monsieur Carnaval» (1965), «Douchka» (1973) և «Lotrek» (2004, նվիրված է ֆրանսիացի նկարիչ Անրի Ռուլո-Լոտրեիին) մյուզիքլների, ինչպես նաև մի քանի ֆիլմերի երաժշտությունը: Ազնավուրի աշխարհահռչակ երգերի թվում են «Բոհեմ»-ը, «Սիրո թմբուկներ»-ը, «Մամա»-ն, «Սիրուց հետո», «Հավերժական սեր», «Ոչ մոռայիկ ուրախություններ», «Երիտասարդություն», «Դեռ երեկ», «Իզաբել», «Նա», «Ինչպես ասում են», «Ավել մերիք», «Ոչ, ես ոչինչ չեմ մոռացել», «Ես արդեն ներկայացրի», «Քանի որ», «Սա է վերջը», «Ավելույա», «Երկու կիթառ», «Տար ինձ», «Եվ սակայն», «Քաղաքը», «Պետք է գիտնալ», «Մենքն էլ հանուն սիրո» և այլն: «Ես հարյուր տոկոսով հայ եմ և հարյուր տոկոսով՝ ֆրանսիացի: Շատ կապված եմ իմ արմատներին, ամբողջականորեն հայ եմ իմ կենցաղով ու սովորույթներով և ամբողջականորեն ֆրանսիացի՝ իմ արվեստի մեջ: Ու երկվություն չկա այդ երկու հարմարեցման միջև: Շատ բան եմ ժառանգել իմ ծնողներից: Ես գաղթականի զավակ եմ և այդ իսկ բնույթով ունեցել եմ նվաճելու ձգտում: Եվ այդպես է, որ հայը ամուսնով անհաջակ ֆրանսիայում, և ֆրանսիացին՝ աշխարհում: Ես հայրենասեր չեմ, ես հայրենամուլ եմ»,- կասի Ազնավուրը: 1975-ին Հայոց մեծ եղեռնի 60-րդ տարելիցի կապակցությամբ Ապարտեիդի զավակ Ազնավուրը, ում ամերիկացիները կկոչեն a survivor (վերապրող), իր մշտական համահեղինակ Ժորժ Կառվարենցի հետ հորինում է «Ils sont tombs» («Նրանք ընկան») բալլադը՝ յուրատեսակ ռեքվիեմ միլիոնավոր անմեղ զոհերի հիշատակին, որոնց թվում էին Ազնավուրի թուրքահպատակ մոր ծնողները, երկու եղբայրներն ու քույրը, ովքեր անհետացան Մեծ եղեռնի տարիներին, և որոնց փնտրեց մայրն իր ողջ կյանքում ու մինչև կենաց վախճանն ապրեց նրանց գտնելու հավատով. «Նրանք ընկան ու այդպես էլ չհասկացան, թե ինչու, Տղամարդ, կին, թե երեխա, որ ապրել էին ուզում այնքան, Հարբածի պես մարմնակործան նրանք ընկան, Հոշոտված ու

սրի քաշված, աչքերը բաց, սարսափազդու...» (թարգմ.՝ Սամվել Գասպարյանի): Երգը, որը ծայրագրվեց Լոնդոնի Nova Sound ստուդիայում 1975 թվականի ապրիլի 23-ի լույս 24-ի գիշերը, հնչել է ոչ միայն ֆրանսերեն՝ Ազնավուրի կատարմամբ, այլև հայերեն, անգլերեն և ռուսերեն: Տարիներ անց իր ծնողներին և մանկությանը Ազնավուրը կնվիրի քնքշանքով, կարոտաբաղձությամբ և լիրիզմով ներծծված երգը, որն այդպես էլ կվերնագրի՝ «Ինքնակենսագրություն»: Հետաքրքրական է Ֆրանսիայով մեկ շատ արագ տարածված և ջերմ ընդունելություն գտած երգի ստեղծման պատմությունը: Այստեղ հեղինակը վերադառնում է իր մանկությանը, իր արմատներին. «Ես իմ ողջ կյանքում զգացել եմ իմ ազգային, ընտանեկան արմատները, ինչը չափազանց կարևոր է արտիստի համար: Իմ մեջ քնական ցանկություն առաջացավ գրել իմ հուշագրությունը: Ավարտելով այն՝ ես ինքս ինձ համար քննության պես մի բան սարքեցի, որոշեցի մի քանի րոպե տևողությամբ երգում տեղավորել հուշագրության մի քանի գլուխ»: Այդ քննությունը փայլուն հաջողություն ունեցավ: Հայկական թեմատիկայի վրա են հյուսված նաև նրա «Ջան» և «Քնքուշ Հայաստան» երգերը: Դստեր՝ Սեդա Ազնավուրի հետ նա հայերեն երգել է Սայաթ-Նովայի «Աշխարհումն ախ չիմ քաշի» երգը: Ազնավուրը երբեք չմոռացավ իր պատմական հայրենիքը: 1988-ի Սպիտակի երկրաշարժից ընդամենը մի քանի օր անց նա այցելում է Հայաստան, տուժածներին օգնում թե՛ փողով, թե՛ առաջին անհրաժեշտության պարզամեթոդով՝ հագուստ, սնունդ, դեղորայք: Հագարավոր մարդկային կյանքեր խլած աղետալի երկրաշարժից հետո Ազնավուրը հիմնում է «Aznavour pour l'Arménie» (Ազնավուրը՝ Հայաստանին) բարեգործական ասոցիացիան և տուժածներին օգնելու նպատակով կազմակերպում մի քանի ակցիաներ: Դրանցից մեկի համար նա հրավիրում է Անրի Վերնոյին ու փոփոքածառայողներին, քաղաքում և կինոյի 90 ժամաշխարհային աստղերի՝ նրանց հետ համագործակցելով. «Pour toi, Arménie» («Քեզ համար, Հայաստան») երգի հիման վրա, որի տեքստը գրել էր Ազնավուրը, իսկ մեկ օր անց Կառվարենցը հորինել էր մեղեդին, ստեղծվում է բարեգործական տեսահոլովակը, որը վաճառվեց ռեկորդային քանակով՝ 2 միլիոն օրինակ: Երգի կատարմանը մասնակցում են Ադամոն, Ռոզի Արմենը, Շառլ Ազնավուրը, Կատյա Ազնավուրը, Ժիլբեր Բեկոն, Ժյուլիեն Կլերքը, Ջոննի Յոլիդեյը, Պատրիսիա Կասաը, Միրեյ Մաթյե, Վանեսա Պարոզին, Պիեռ Ռիչարդ, Շուշաննան, Մարինա Վլադին և էլի շատ ու շատ ուրիշներ: Երգի ծայրասկավառակների և մագնիսոֆոնային

ծայրագրությունների իրացման, ինչպես նաև տեսահոլովակի ցուցադրման ողջ հասույթը փոխանցվում է արհավիրքից տուժածների ֆոնդին: «Pour toi, Arménie» («Քեզ համար, Հայաստան») երգն այսօր էլ՝ իր ստեղծումից 33 տարի անց, շարունակում է ապրել: 2022թ. մարտի 31-ին՝ Ռոսսինիի «Ստաբատ Մատերի» հրաշալի կատարումից հետո, «Pour toi, Arménie»-ն ֆրանսերենով հնչեց որպես բիս՝ Հայաստանի ազգային ակադեմիական երգչախմբի և Հայաստանի ազգային ֆիլհարմոնիկ նվագախմբի կատարմամբ, Մատեոթո Հովհաննես Չեքիջյանի անգլագական ղեկավարությամբ: Այսօր էլ առավել քան արդիական է Ազնավուրի հեղինակած տեքստը, որով նա վերստին դիմում է հայոց պատմությանը՝ դժվարագույն փուլերից մեկն ապրող իր հայրենակիցներին, ովքեր այսօր ևս, ինչպես դաժան երկրաշարժից հետո, կարիք ունեն կարեկցանքի ու վշտակցության, նաև՝ միփթարության ու լուսավոր ապագայի հանդեպ հավատի նորոգման՝ «Ոսկյա արևը թող ժպտա մի բուռ քո հողին, Հար ցնձա՛, իմ Հայաստան աշխարհ: Արցունքը քո սրբիր, թող հույսը քեզ օգնի, Գոտեպնովիր, իմ ժողովուրդ...» (թարգմ.՝ Գևորգ Արմենյանի):

Աննա ԱՄԱՏՐՅԱՆ
ՀՀ ԳԱՍ արվեստի
ինստիտուտի պետ
ՀՀ արվեստի վաստակավոր գործիչ,
արվեստագիտության դոկտոր, պրոֆեսոր
«Գիտություն» թերթ

Խմբ. կողմից. 2009թ. աշխարհահռչակ շանտնյեն և Մեծ հայը այցելել է Արցախ: Նա եղավ իր ամուսնու կողմ մշակույթի կենտրոնում և մասնակցեց նրա բացման արարողությանը: Այնուհետև այցելեց Ստեփանակերտի Վերածննդի հրապարակ, որտեղ այդ պահին համերգային ծրագրով հանդես էին գալիս նրա քույրն ու դուստրը: Հավաքվածներին նա իր ուրախությունն էր հայտնել, որ վերջապես եկել է Արցախ: 2021թ. մայիսի 22-ին Ստեփանակերտի Շառլ Ազնավուրի անվան մշակույթի կենտրոնի պուրակում բացվեց աշխարհահռչակ շանտնյեի կիսանդրին:



ծնով պատկերել են հայկական այն գեղեցիկ հողաթափերը, որ ես ու հայրիկն էինք հագնում, այն հողաթափերը, որ գնել էինք Վանում հայ նկարիչներից, երբ ես ու հորեղբայր Գրիգորը ծիծաղեցինք ինչպես զննարկ: Հիշո՞ւմ ես: Նրանք համառորեն դրանք անվանում են թուրքական կամ պարսկական հողաթափեր: Ծիշտ այնպես, ինչպես, որ արաբական սուրճը կոչում են թուրքական: Սիրելի՛ քույր, շատ կուրախանաս, երբ իմանաս, որ նկարների այդ շարքի մեջ է մտնում նաև մայրիկի հայկական խնոցին՝ մեր աշխատասեր գեղջուկ կանանց թագի գոհարը: Ինչպե՛ս են այդ օրերը վառ կերպով դրոշմվել հոգուս մեջ... Մայրիկի հայկական աչքերը նրանք անվանում են պիկասոյական, հայկական տիտոնյանը՝ բյուզանդական ու ռուսական: Եվ եթե ես ուղղում եմ նրանց ու ասում. «Ոչ, սիրելի՛ պարոններ, դուք սխալվում եք, դրանք հայկական աչքեր են», ապա տարօրինակ ծնով վրաս են նայում ու ասում, որ դա պարզապես

«փոքր ազգի շովինիզմի» չափազանցություն է: Պատկերացնո՞ւմ ես, եթե ուղղես նրանց, ապա դատապարտվում ես: Մեր աչքերը: Մեր հայկական աչքերն ավելի շուտ են խոսում, քան շուրթերը կշարժվեն ու դեռ շարունակում են խոսել, երբ շուրթերն արդեն դադարել են խոսել: Աշխարհի առաջին քրիստոնեական երկրի զավակին նրանք մահմեդական են կարծում: Նրանք անընդհատ փորձում են ինձ ուսուցանալիք, բայց ոչ թե ինձ, այլ նրանց պետք է զննել ու ստուգել՝ պարզելու, թե ինչն է նրանց հասցրել տգիտության աստիճանին: Միշտ էլ եղել են անկեղծության սահմանները թափանցող շառվատաններ, նորույթի ալքիմիկոսներ, որոնք միամիտ մարդկանցից ավելի խելոք լինելով, խաբում են նրանց փարիսեցի քննադատների հետ միասին: Բայց կապարը չի կարող ոսկի լինել: Կարելի է կարծել, թե Հայաստանը երբեք գոյություն չի ունեցել, մեր հին նախնիներին, որոնք այնքան բան են արել

քաղաքակրթության ու արվեստի ստեղծման համար, այստեղ փաստորեն չեն ճանաչում: Ինձ վրդովեցնում են շովինիզմի նրանց մեղադրանքները, երբ ես փորձում եմ բացատրել իմ մտքերը: Վարդուշ, սիրելի՛ս, իմ գործերում ես շատ կողմնորոշվում եմ մեր հին գործերին, քանզի մտովի մշտապես վերադառնում եմ դարավոր Հայաստանի նուրբ գեղեցկությունները, քանի որ մեր հայաստանյան երիտասարդական տարիները մերսում են միտքս և այլու ինձ մեզ համար թանկ զգացողությունները պատկերելու ցանկությամբ: Իրենց տգիտությամբ նրանք դա սահմանափակություն են անվանում՝ չգիտակցելով, որ իրականում դա միանգամայն համապարփակ մի բան է, և որ բազմաթիվ ժողովուրդներ շատ կշահեին, եթե հնարավորություն ունենային ծանոթանալու դրանց հետ: Արվեստը վեր է ազգայնականությունից և կոչված է ունիվերսալ մարդու հայացքով տեսնելու նուրբ գեղեցկությունը,

իրեն ու իր շրջապատը, և ամեն բան գերազանցող սահմանափակությունը: Ես փափագում եմ այն պահը, երբ իմ նկարը հանկարծ արձագանքում է ինձ, երբ թվում է, թե այն խելոքվում է օդի պահանջից ու շնչասպառ լինում հաղորդակցվելու բուռն ցանկությունից: Կյանքի տրոփյունի այդ տառապալից վայրկյանը ազդարարում է նրա ավարտվածությունը: Ես վայր եմ դնում վրձինս: Կատարելություն: Հետո ավելի շատ կգրեմ: Ավելի հաճախ գրիր, սիրելի՛ քույրիկ: Վիրջինիա Մահանգը ինչեցնում է Հայաստանի հարթավայրերից մեկը, հատկապես, երբ իջնում էինք Արարատ-Արաքս դաշտավայրով, թեև, իհարկե, այդքան փառահեղ չէ: Շուտով նորից կգրեմ, որպեսզի ձեզ հետ ավելի մանրամասն քննարկեմ արվեստը: Կարոտում եմ բոլորիդ: Շատ համբույրներով: Քո միշտ սիրող եղբայր՝ Գրիկի»:

ԱՅԼԱԶԱՆ

ՄԱՆՈՒԿՆԵՐԸ ՄԵՐ ՈՒՐԱԽՈՒԹՅՈՒՆ ՆԵՆ

Մայիսյան հաղթանակներին նվիրված՝ Ստեփանակերտի հ. 5 մանկապարտեզում՝ «Մանուկների մոլորակ»-ում կազմակերպվեց միջոցառում՝ «Մշակութային խաչմերուկ» խորագրով: Ինչո՞ւ մշակութային խաչմերուկ. «Մայիսյան հաղթանակների շարքում նաև Հայրենական մեծ պատերազմում ֆաշիզմի դեմ տարած հաղթանակն է, որը ձեռք է բերվել բազմաթիվ ժողովուրդների համատեղ պայքարի քանքերով»,- ասում է մանկապարտեզի տնօրեն

է, բայց գոյություն ունի նաև այլ մշակույթ, այլ պարեր ու երգեր»,- ներկայացնում է Ս. Ավարյանը:

Հայրենական մեծ պատերազմի տարիներին ստեղծված մշակութային արժեքներից է «Կատյուշա»-ն, որը երեխաները պարեցին մեծ ոգևորությամբ:

«Մշակութային խաչմերուկ»-ը մեկ անգամ ևս հնարավորություն է տալիս դաստիարակներին, աշխատողներին, պարուսույցին, երաժշտական ղեկավարին՝ նորովի ծանոթանալ այլ ազգերի, ժողովուրդների մշակույթին, հասկանալ, որ բոլոր մարդիկ կարող են հաշտ ու խաղաղ ապրել իրար կողքի հավասար իրավունքներով, հավասար հնարավորություն ունենալով ներկայացնել սեփական մշակույթը, պատմությունը»,- պարզաբանում է մանկապարտեզի տնօրենը:

Վերջում ներկայացվեց դրոշմերով պար, որը շատ խորհրդանշական էր. ծածանվեց ՀՀ դրոշմը, ներս մտավ փոքրիկ դարաբաղին՝ դրոշմ ձեռքին և արտասանեց. «Սա Արցախն է, մի հափուռ ա, բայց սրտումս ա»: Սրանով մեկ անգամ ևս շեշտվեց միասնության գաղափարը. մենք մեկ ժողովուրդ ենք, մեկ ազգ ու այդպես էլ պետք է լինենք դարերով:

Արցախի ռուսական համայնքի ներկայացուցիչները մեկ անգամ չէ, որ այցելում են



Սուսաննա Ավարյանը՝ նշելով նաև, որ մշակույթը սահմաններ չի ճանաչում: Բարձր մշակույթը համամարդկային արժեք է:

Ներկաները՝ ԱՀ ԿԳՄՍՆ-ից, քաղաքապետարանից, Արցախի ռուսական համայնքից հրավիրվածներ, ծնողներ, ակամատես եղան փոքրիկների՝ հայերեն, ռուսերեն երգերի ու տարբեր ժողովուրդների պարային կատարումներին: Անշուշտ, առաջնահերթը ազգայինն է:

Միջոցառումն սկսվեց մանկապարտեզում գործող 4 տարեկան երեխաներից կազմված «Դո, ռե, մի» երգչախմբի ելույթով: «Գարուն», «Արցախի բալիներ» զվարթ երգերին հաջորդեցին Սեծն Թունանյանի և Կոմիտասի «Կաքավիկ»-ը և այլ մանկական երգեր, որոնք ուրախ տրամադրություն են ստեղծում ու ոգևորում: Ապա՝ ազգագրական երգեր, այդ շարքում՝ «Թագվորի մեր», «Կուժն առա», «Զըմփիկ, զըմփիկ Զարինա» և այլն:

Վրացական կինոտոների, գնչուական, ռուսական պարերը գունեղ կոլորիտ են ստեղծում: «Մենք երեխաներին մանկուց ծանոթացնում ենք տարբեր ժողովուրդների մշակույթին: Նրանք հասկանում են, որ հայկականը մերն



«Մանուկների մոլորակ»: Նրանք միշտ սիրով են արձագանքում մանկապարտեզի հրավերին և դատարկածեռն չեն այցելում. քաղցրավենիք, գրքեր կամ խաղալիքներ են նվեր բերում երեխաներին: Այս անգամ էլ բացառություն չէր:

Սեփ. լրատվություն

ՀԱՅՏԱՐԱՐՈՒԹՅՈՒՆ

ԱՀ ընդհանուր իրավասության առաջին ատյանի դատարանի (Դատարան) 2023թ. մայիսի 4-ի վճռով պատասխանող «ԶՊԴ» ՓԲԸ (ՀՎՀՀ 90022762, պետական գրանցման համար՝ 443.120.11101, հասցե՝ ԱՀ, ք. Ստեփանակերտ, Ա. Հեքիմյան փ., շ. 6 «բ»), ճանաչվել է սնանկ: Վճիռն օրինական ուժի մեջ է մտել 04.05.2023թ.:

Դատարանի 04.05.2023թ. որոշմամբ՝ սնանկության գործով կառավարիչ է նշանակվել ա/ծ Արմեն Խաչատրյանը:

Պարտատերերն իրենց պահանջները ներկայացնում են Դատարան սնանկության մասին այս հայտարարությունից հետո մեկամսյա ժամկետում:

Պարտատերերի առաջին ժողովը նշանակված է 2023թ. հուլիսի 20-ին, ժամը 12:00-ին, Դատարանի շենքում (հասցե՝ ԱՀ, ք. Ստեփանակերտ, Ազատամարտիկների 42):

Ա. ԽԱՉԱՏՐՅԱՆ
Սնանկության գործով կառավարիչ


ԼՈՒՍԱՐՎՈՒՄ Է «ԱԳՐՈՍՊԱՍԱՐԿՈՒՄ» ՓԱԿ-ԲԱԺՆԵՏԻՐԱԿԱՆ ԸՆԿԵՐՈՒԹՅՈՒՆԸ

Համաձայն Արցախի Հանրապետության քաղաքացիական օրենսգրքի 69-րդ հոդվածի և «Իրավաբանական անձանց պետական գրանցման, առանձնացված ստորաբաժանումների, հիմնարկների և անհատ ձեռնարկատերերի պետական հաշվառման մասին» ԱՀ օրենքի 47-րդ հոդվածի՝ Արցախի Հանրապետության գյուղի և գյուղատնտեսության աջակցության հիմնադրամի հոգաբարձուների խորհրդի 2023 թվականի ապրիլի 17-ի թիվ 50 որոշմամբ լուծարվում է «Ագրոսպասարկում» փակ-բաժնետիրական ընկերությունը՝ գրանցված ԱՀ իրավաբանական անձանց պետագիտության կողմից 21.12.21թ. գրանցման համար՝ 443.120.1209669: Պարտատերերը պահանջներ կարող են ներկայացնել լուծարման հանձնաժողովին սույն հայտարարության հրապարակման օրվանից հետո երկամսյա ժամկետում: Հասցե՝ ք. Ստեփանակերտ, Ազատամարտիկների 40:

ԱՀ գյուղի և գյուղատնտեսության աջակցության հիմնադրամ

Վահան ՀԱԿՈԲՅԱՆ

ԳԱՐՆԱՆԱՅԻՆ



Սա արև է, Սա տող է, Սա էլ կանաչ Մամուռ է: Իսկ սա ժայռ է Երկնաքեր, Մի տես՝ ինչքա՛ն Ամուր է...:

Ժայռի ճեղքից Անհամբեր ժայթքել է Կանաչը, Իսկ կանաչի Շրթունքին Օրորվում է Կակաչը:

Սև ծիծառն է Օղորտում, Շուրջս Գարունը վառ է: Սակայն ժայռը Անտառերը, Աննկուն ու համառ է:

Սա արև է, Սա ցող է, Սա էլ կանաչ Մամուռ է: Իսկ սա ժայռ է Երկնաքեր, Մի տես՝ ինչքա՛ն Ամուր է...:

Լինեի ժայռ, ու Խոհեթս կապույտ Անդրորի նման Փարվեին երկունքիս: Ու գարնանային Արևը փարվեր ճաք տված քունքիս... Անմեղ, անտարբեր Ցիր ու ցանքսի, Կանաչ, վարդաբույր Դաշտերի վրա: Եվ արծաթագույն Առվի կարկաչը Ծիկրակեր օդում: Միայն զգայի, Որ շուրջս զուլալ Գարունն է շռայլ, Ուր հենց իշխում են Ինքս ինձ վրա Եվ ո՛չ ուրիշի...:

Իմ պատուհանի Փեղկերից հեռու Օղը գնալով դառնում է երկինք: Իսկ այդ երկինքը Ափսոսանք կոչվող Ամայի ծվենն է ինքն իր մեջ լուծում...
Որից ավելի կապույտանում է անհունը նրա: Իմ պատուհանի Փեղկերից հեռու համառ բացվում է Օրը ինքնակամ, Ուր գիշերն արդեն անելիք չունի, Ուր ամպերն անզոր Կարմիր թախծ են Կամ կարմիր անդորր, Ու բորբ արևի ճմրթված լույսով Արարվում է օր, Ուր ծաղիկները Քնից են զարթնում, Ուր գարնան օրն իր Թախծն է հյուծում...

Մի բախտ եկավ Թեթև, տրտում, սև, Մի գարնան ծաղկի Շոյեց ու գնաց: Ու գարնան ծաղկից Մի թերթիկ պոկվեց, Ու լուսաբացին Ծաղկի սրտի մեջ Մի ցողիկ մնաց...

Օրը տարածք է, Գուցե օրն ինքը Այդ չցանկանա: Օրը տարածք է, Լինի անամպ, պարզ Կամ թե ամպամած: Բայց չցանկության Համառ տարածքում Եշմարտությունը Արմատ է զցում: Գիշերն ինքն իրեն Փոխվում է լույսի, Գարունն է գալիս, Խառնվում մեր հույսին: Ծառերն են ծաղկում, Բույր են տարածում, Կանաչ դաշտի մեջ Կովն է արածում: Միշտ զգում ենք, որ Լույս է, լուսաբաց: Հոգու նման բաց... Միշտ էլ այդպես է. Եշմարտության դեմ Պետք է մանկանաս՝ Մինչև հասկանաս...

ԿՈՐԵԼ Է

Աստղիկ Գեղամի Հովհաննիսյանի՝ «Քույրական գործ» մասնագիտությամբ որակավորում ստանալու մասին AK N135 452 դիպլոմը՝ տրված «Ստեփանակերտի Թամարա Քամալյանի անվան պետական բժշկական քոլեջ» ՊՈԱԿ-ի կողմից 2015 թվականին: Համարել անվավեր:

ԼՈՒՍԱՐԱՐ
ԽՍԲԱԳԻՐ՝
Ս. ԽԱՉԱՏՐՅԱՆ

Հիմնադիր՝
«Լուսարար»
ՓԲԸ

Ստեփանակերտ,
Հ. Թունանյան փ. 95, ☎ 94-38-99,
E-mail: gorcert@mail.ru: www.lusarar.info

Մեջբերումների եւ փաստական տվյալների ստուգությունն ապահովում են հեղինակները: Թերթը ընթերցողների հետ զրգազրույցում վարելու պարտավորություն չի ստանձնում:

Տպագրվում է Ստեփանակերտի «Գիզակ պլուս» ՄՊԸ-ում: Ծավալը՝ տպագրական 4 մամուլ: Տպաքանակ՝ 1650: Ստորագրված է տպագրության 19.05.2023թ.:

«Լուսարար» թերթը տարածվում է միայն բաժանորդագրությամբ: